

**3-мавзу: ҚАДИМГИ ШАРҚ ВА АНТИК ДУНЁДАГИ ИЛК
ФАЛСАФИЙ ФИКРЛАР
(3-маъруза)**

РЕЖА

1. Шарқ халқларининг илк фалсафий фикрлари
2. Минтақамиздаги дастлабки фалсафий фикрлар
3. Антик дунё фалсафаси

АДАБИЁТЛАР

Каримов И.А. Тарихий хотирасиз келажак йўқ. Тошкент,
“Шарқ”, 1998 йил (10 б.).
Туленов Ж., Гофуров З. Фалсафа (дарслик), Тошкент,
“Ўқитувчи”, 1997 йил (34-48 б., 111-118 б.).
Юлдашев С.А. Антик фалсафа. Т., 1999 йил.

1. Шарқ халқларининг илк фалсафий фикрлари

Жаҳон маданиятининг таркибий қисми ҳисобланган фалсафа фани турли давр ва шароитларда яшаган, яшаб келаётган барча халқларнинг, бутун инсониятининг маънавий бойлиги, умумий ютуғи, башариятининг асрлар жараёнида шуғулланган, ривожланиб, сайқал топиб келганд ақл-идрок ва тафаккурлари маҳсулидир. Фалсафа фани ривожланишига дунёдаги барча халқлар каби Шарқ халқлари ҳам ўзларининг бебаҳо улушларини қўшганлар.

Қадимги Шарқ халқларининг тарихи ва маданияти, илк сиёсий, ҳуқуқий, диний, бадиий, фалсафий қараш ва тасаввурлари, уларнинг мазмун ва моҳияти ҳақида антик замон муаллифларининг асарларида, археологик манбаларда, халқ оғзаки ижодиёти, афсона, мифлар, достонлар ва ривоятларда акс этган.

Дастлабки фалсафий тасаввурлар Шарқнинг энг қадимги миллатларидан бири — **Бобил** (Вавилония)да эрамиздан аввалги тўртинчи минг йиллик бошларида пайдо бўлган. Шу даврдаёқ одамларнинг дунёда рўй бериб турадиган хилма-хил ҳодиса ва жараёнларига бўлган муносабатлари ва қизиқишларини гарчи содда, юзаки, ибтидоий шаклда бўлса-да, ўзида акс эттирган фалсафий қарашлари намоён бўла бошлаган. Қадимги Бобил адабиётининг кўзга кўринган машҳур асарларидан бири “Гильгамеш ҳақидаги достон” бўлиб, унда тупроқ, сув, ҳаво, иссиқлик инсон ҳаёти ва тирикликнинг адабий манбай эканлиги Гильгамешнинг обиҳёт қидириб, бошидан кечирган саргузаштлари ва чеккан азоб-уқубатлари, одамларнинг табиий қонунлари асосида яшаши зарурлиги, ҳаёт ва ўсимлик сирларини билишга азалдан интилиб келганлиги ҳикоя қилинган.

Гильгемеш ҳақидаги Бобил афсонасида қадимги кишиларнинг баҳтли ҳаёт ва фаровонлик, саломатлик ва бардамлик, ўлимни енгиб, мангу ҳаёт кечиришга интилиши, абадий умр ато қилувчи “обиҳаёт”, ўсимлик ва турли хил мева ва маъданларни излаб топиши ҳақидаги орзу-ниятлари ўз ифодасини топган.

Адапа ҳақидаги достонда эса инсониятнинг адабий ҳаёт тўғрисидаги фикрлари, абадий яшашга бўлган интилишлари ўз ифодасини топган. Унда “ўлган ва қайта тирилган” худоларга, жумладан, Бобил худоси Мардуққа нисбат берилган.

Инсон ўзини қуршаб олган табиий муҳит билан ўзаро алоқадор. У шу муҳит, коинот ҳақида ўйлайди, фикр юритади, ер юзидағи ҳодиса ва жараёнларни коинот билан боғлашга интилади, самовий “сир-асрорлар” ҳақида хаёл суради, фараз қиласи, ҳар хил эртаклар, ривоятлар, афсоналар тўқийди. Бобилликларнинг Этапа ҳақидаги афсоналари ана шу заминда пайдо бўлган.

Этапа ҳақидаги афсона ҳам юқорида айтиб ўтилган достонларда бўлгани каби одамларнинг Қуёш билан, Ой ва сайёralар билан қизиқсанлиги, самовий ҳодисаларнинг сир ва асрор сабабларини билишга қизиқишларини, Бобил халқининг табиий ҳодисалар моҳиятини, йилнинг фаслларга бўлиниб, ўзгаришлар боиси нимадан иборат эканлигини тушуниб олишга бўлган интилишларини, шунингдек, уларнинг дин ва ахлоққа доир фалсафий қарашларини илгари сурган асардир.

Қадимги бобилликларнинг яхшилик билан ёмонлик, эзгулик билан ёвузлик, бойлик билан қашшоқлик, ҳурлик билан хўрликнинг бир-бирига тубдан зид, қарама-қарши ва муросасизлиги ҳақидаги фалсафий ғоялар “Жафокаш авлий ҳақида достон” ва “Хўжайиннинг қул билан сұхбати” деган асарларда ўз аксини топган.

Ишлаб чиқаришнинг ривожланиши ўртага қўйган талаблар ва инсон амалий фаолияти эҳтиёjlари асосида Бобилда табиат ҳодисалари мазмунини тушуниб олиш ва улардан турмушда фойдаланиш зарурияти тобора кучайиб борган. Маҳсулот ва молларнинг миқдорини, оғирлигини ўлчаш, ишчи кучлари сонини аниқлаш, бинолар ҳажмини

белгилаш, далаларнинг ер сатҳини ҳисоблаб чиқиш зарурити энг қадимги математик ҳисобларнинг пайдо бўлишига ва бу соҳада тегишли билимлар тўпланиши ҳамда дастлабки арифметика ва геометрия фанининг пайдо бўлишига олиб келган, вақтни ҳисоблаш зарурияти тақвим пайдо бўлишига сабаб бўлган. Бу эса одамлардан астрономия соҳасида маълум билимларни талаб қилган. Бобилликлар Қуёш соатини, Қуёш кўрсаткичини ва куннинг 12 бўлакка бўлинишини азалдан билишган. Антик давр маълумотларига кўра, Бобилда математика, арифметика, геометрия, астрономия билан бир қаторда тиббиёт, тарих ва филология, мусиқа, тасвирий санъат, астрология ҳам секин-аста куртак ота бошлаган.

Қадимги Шарқ халқарининг маданиятлари сингари Бобил халқи маданияти, фалсафаси, ахлоқи, урф-одатлари, дунёқараши ҳам асосан диний ғоялар билан сугорилган. Одамларда диний эътиқод кучли бўлган. Қуёш, Ой, юлдузлар худо ҳисобланган, ибодатхоналарда уларга топинганлар. Халқарининг, давлатларнинг, ҳукмдорлар ва одамларнинг келгусидаги тақдирини юлдуз ва сайёralарнинг вазиятига қараб “олдиндан айтиб бериш” қадимги Месопотамия ва Бобилда астрология номини олган.

Бобилликларнинг қадимги маданияти, диний эътиқодлари, фалсафий қарашлари, адабий асарлари, афсона ва ривоятлари наслдан-наслга ўтиб Шарқдаги кўпгина халқарининг маданий маънавий тараққиётига, ижтимоий-фалсафий фикрлари ривожига ўзининг ижобий таъсирини кўрсатган.

Миср маданияти жаҳон маданиятининг энг қадимгила-ридан бўлиб ҳисобланади. Қадимги Мисрда илк маданий ёдгорликлар эрамиздан 4 минг йил илгари вужудга келган. Қадимги Шарқ маданиятининг бошқа намуналари сингари Миср маданий ёдгорликларининг эртак, ривоят, гимн, дуо, дидактик асарлар, масал, эпос, ишқий лирика, хуллас, халқ донишмандчилигининг бошқа турларида ҳам ўша даврдаги ижтимоий муҳит, иқтисодий ҳаёт, табобат, урф-одатлар, табиат ҳодисалари, диний, ахлоқий, ҳуқуқий, фалсафий қарашлар гарчи юзаки тарзда бўлсада, ўз ифодасини топган.

Қадимги Миср мифологиясида ҳамма нарса сувдан пайдо бўлган ва ҳамма нарсада ҳаво бор, дейилади. Шунинг учун ҳам мисрликлар сувни одамга озиқ-овқат берувчи дастлабки улуғ неъмат, деб билганлар. Сув уларга бутун табиатнинг асоси бўлиб кўринган. Мисрликлар, ҳаёт сувдан бошланади деб билиб, сувсиз ҳеч қандай ҳаёт бўлмаслигини кўриб, сувни улуғловчи қанчадан-қанча ривоят ва афсоналар тўқиганлар. Улар Нил дарёсини илоҳийлаштирганлар, уни “одамларга ҳаёт бахш этиш учун тошиб турадиган Нил”, деб улуғлаганлар. Шунинг учун мисрликлар марҳумлар руҳига афсунлар ўқиб, унинг абадий яшашини таъминламоқчи бўлганларида худога қуидаги-ча нола қилганлар: “Сен улуғ худога — Озирсга марҳамат айлаганингда унга Нил келадиган бўлди, унинг учун яйловларда пайдо бўлди ва папирус ўсадиган бўлади. Худди шу сингари унга — марҳумга ҳам марҳамат айлаганки, у сенинг сувингдан баҳраманд бўлсин, у сенинг оқар сувларингдан ича олсин”¹.

Мисрликлар ўзларининг дунёвий ва диний — фалсафий поэзияларида одамларни бу дунёнинг бутун нознеъматларидан тўла баҳраманд бўлиб яшашга, қувонч, шодхуррам ҳаёт кечиришга, ўлим, охират ҳақида ҳадеб ўйлайвермасликка чақирган.

Мисрликларнинг илк фалсафий тасаввурлари ҳақида бирмунча маълумот берадиган қадимий манбалардан бири — “Насиҳатнома”да билимнинг хосияти ҳақида, билимдон кишининг қадр-қиммати тўғрисида айтиб ўтилган. “Агар сен билимдон одам бўлсанг, айтганинг-айтган, деганинг-деган бўлади. Ёзиш-ўқиши чуқур эгаллаб, кўнглингга маҳкам жо қилиб ол, ана шунда ҳар бир айтган гапинг ҳаммага манзур бўлади. Мирзони қандай лавозимга қўймасин, у ҳамма вақт китоб билан иш кўради”²

Қадимги мисрликларнинг ҳалқ оғзаки ижодиётида, айниқса, диний — мифологик асарларида табиат ҳодисалари ва табиат кучлари илоҳийлаштирилган. Ўсимлик ва дараҳтларга топиниш Мисрда энг қадимги даврлардаёқ

¹ Авдисев В.И. Қадимги Шарқ тарихи. Тошкент, 1964, 329-330 бетлар.

² Ўша асар, 367-бет.

мавжуд бўлган. “Ҳаёт осмони дарахти” тўғрисидаги қадимги афсонада ўсимликлар рамзи бўлган дарахт инсоннинг ер юзидаги ҳаёти учун зарурдир, деган фикр илгари сурйилган. Мисрликларнинг табиатни, дунёни унинг ўзига асосланиб туриб тушунтириш учун қилган уринишлари, ҳар ҳолда содда бўлса-да, ўз даври учун катта аҳамиятга эгади.

Қадимги Мисрда фалсафий фикр куртакларининг шаклланиши ва ривожида табитшунослик фанларининг пайдо бўлиши ҳам сабаб бўлган. Бундан бир неча минг йиллар илгари қадимги мисрликлар фалакиёт соҳасида баъзи бир билимларга эга бўлганлар. Осмондаги юлдузларни доим кузатиш натижасида сайёralарни юлдузлардан ажратади билганлар ва ҳатто, улар юлдузлар харитасини ҳам тузганлар.

Мисрликлар ўзларининг фалакиётига оид билимлари асосида алоҳида тақвим тузганлар. Тақвим йили 12 ойга бўлинган, ҳар бир ой 30 кундан иборат бўлган, йил охирiga эса яна 5 та байрам куни қўшилган. Шундай қилиб бир йил жами 365 кун бўлган.

Касалликларни келтириб чиқарган, авж олдириб, кучайтириб юборган сабабларини аниқлаш, уларнинг олдини олиш, инсон саломатлигини тиклаш ва мустаҳкамлашга бўлган зарурият қадимги Мисрда тиббиёт фанини юзага келтирди. Қадимги мисрликлар касалликларнинг жуда кўп турларидан, масалан, бош оғриғи, дизентерия, сарик касали, йўтал, зиқнафас, қон кетиш, бод, мохов, сувли темиратки ва бошқа ҳар хил касалликлардан хабардор бўлганлар. Миср табиблари мияга, умуртқа поғонасига ва кўкрак қафасига алоҳида эътибор берганлар ва уларни касалликлар уяси деб билиб, табиб бу ердаги касалликларни топиб йўқотиши керак, деб ҳисобланганлар. Мисрликлар диагностика — ташҳис соҳасида катта тажриба тўплаганлар. Мисрда жарроҳлик ва кўз касалликларини даволаш анча ривожланган. Улар инсондаги кўргина касалликлар юрак қон айланиш тизимининг қандайлигига боғлиқ эканлигини алоҳида таъкидлашган. Мисрда табиблиknинг сири юрак ҳаракатини билишдан бошланади, томирлар бутун аъзойи баданга шундан тарқалади, деб ҳисоблашган.

Башарият тарихида цивилизация бешиги ҳисобланган Ҳинд фалсафаси ҳам ўзининг жуда қадимий ва бой тарихига эга. Ҳиндистонда эрамиздан уч минг йил аввал ерни сунъий сугориш тараққий этган, анҳорлар қазилган, кулолчилик ёғочсозлик, тўқимачилик, заргарлик ривожланган, ёғоч ва металлдан жанг аравалари ясашган, пишиқ гиштдан кўп қаватли бинолар қуришган, юнг ва зигир то-ласидан матолар тайёрлашган, мис ва темирдан, қалайи ва қўргошиндан қурол-аслаҳалар ясашган.

Абу Райхон Берунийнинг “Ҳиндистон” номли асарида айтилишича, Ҳиндистонда эрамизнинг биринчи асрларидаёқ, тиб, риёзат, илми нужум, дин, кимё, музика, поэзия, тарих, санъат, фалсафа каби илмлар ривожланган.

Айниқса нöёб табиатга, сахий заминга, ажойиб ҳайвонот ва табобат оламига бой бўлган қадимий Ҳиндистонда фалсафа, бадиий адабиёт ўтмиш давларидан бошлаб вужудга келган ва ривожланган. “Рамаяна”, “Муҳабҳорат”, “Калила ва Димна” каби машҳур асарлар шулар жумласидандир.

Юксак нафосат ва мангу ҳикмат хазинаси бўлган ана шу асарларда ҳинд халқининг урф-одатлари ва анъаналяри, одоб-ахлоқи ва маданияти, дини ва тарихи, миллий қадрияtlари, ижтимоий-сиёсий, ҳуқуқий, бадиий, фалсафий, диний қарашлари ўзининг ёрқин ифодасини топган.

Ҳинд маданияти ва фалсафасининг ана шу бебаҳо ёдгорликларининг ҳар бирида ақд-идрок, инсоф-диёнат, ҳалоллик, поклик, меҳнатсеварлик, миллий тотувлик, тўғрисўзлилик, ваъдага вафо қилиш тўғрисида, зулм ва зўравонликка, хиёнат ва риёкорликка, нафси бузуқлик ва очкўзликка, фитначилик ва қаллобликка, худбинлик ва мунофиқликка қарши курашиб зарурлиги ҳақида жуда муҳим ва фойдали фалсафий ғоялар, ҳикматлар, ривоятлар, мақол ва нақллар баён этилганки, улар шак-шубҳасиз, ҳам миллий, ҳам умуминсоний, аҳамиятга моликдир.

Ҳиндистоннинг эрамиздан олдинги биринчи минг йилликларидағи дастлабки фалсафасини ўрганишда қадимги ҳиндуларнинг “Веда” деб аталадиган диний тўпламлари ва иккита катта эпик достони — “Рамаяна” ва “Маҳобҳорат” ҳамда Абу Райхон Берунийнинг “Ҳиндистон” асари муҳим аҳамиятга эгадир.

Ҳиндистоннинг “Веда” деб аталадиган муқаддас китобининг “маъноси билмаган нарсани билишdir. Ҳинdlар “Веда” китобини, олий тангрининг Бароҳим оғзидан айтилган сўзи, дейдилар”¹

“Веда” китоби Ригведа, Самаведа, Яжурведа ва Атхарваведа деб аталадиган тўрт катта бўлимдан иборат. Тўрт бўлимдан ҳар бирининг ўзига хос ўқиш йўли бор. Мазкур бўлимларнинг ҳар бирида муайян бир фалсафий ғоя илгари сурилган.

“Веда”да борлик, фазо, вақт, дунёнинг пайдо бўлиши, инсон ҳаётининг табиий асослари, табиат ва жамият ўртасидаги алоқадорлик, илоҳий кучлар ҳақида фикр юритилади. “Веда” китоби яхши ишларга тарғиб қилиш, ёмон ишлардан қайтариш, амалларнинг чегарасини аниқ кўрсатиб қизиқтириш, яхши мукофот ва ёмон жазоларни баён қилади. “Веда”нинг кўп қисми турли дуо-тасбеҳлар ва олов учун қилинадиган турли қурбонликлар устидаги сўзлардан иборатdir. У қурбонлик турлари синааб бўлмайдиган даражада кўп ва (қоидалари) қийинdir”²

“Веда” китобини ташкил этган бўлимларнинг энг қадимиёси Ригведада ҳинdlарнинг худолари бўлган парилар тўғрисидаги афсоналар билан бир қаторда дунёдаги ҳар бир нарса ва табиий равишда пайдо бўлган, деган гоялар бор. Ригведададаги дунё сувдан яратилган, деган фикр эътиборга сазовордир.

Қадимги Ҳиндистон дини ва фалсафасида сувнинг муқаддаслаштирилиши, уни дунёни ташкил этган унсурлардан бири сифатида қарашлари, бу ҳақда “Веда” ва Ригведада алоҳида эътибор берилганлиги бежиз эмас, албатта. “Ҳинdlар фикрича, — дейилади Абу Райхон Берунийнинг “Ҳиндистон” асарида, — яратилган нарсаларнинг олдингиси сувдир. Чунки улар “тўзонга айланган ҳамма нарса сув билан бирикади, ҳамма ундаги нарса сув билан унибчиқади ва ҳамма жон эгаси сув билан тирик туради, сув санъат эгаси, бирон моддадан маълум бир нарса ишлатмоқчи бўлганида унга сув восита бўлади”, дейдилар³.

¹ Абу Райхон Беруний. Танланган асарлар. II том. Тошкент. “Фан” нашриёти, 1965, 106-бет.

² Ўша асар, 106-бет.

³ Ўша асар, 77-бст.

“Веда”да борлиқнинг бош манбаи, моддий ибтидоси деб ҳисобланган сув, олов, ҳаво, ёруғлик, тупроқ ҳамда озиқ-овқат, фазо, вақт ҳақидаги, шунингдек, оламнинг тузилиши ва уни бошқарувчи қонунлар, инсон билимларининг манбалари ва турлари, инсоннинг ижтимоий мажбуриятлари каби қатор фалсафий масалалар ёритилган. Унда таъкидланишича, тана жоннинг қобиги бўлиб, жон эса — дунёвий руҳнинг бир бўлагидир. “Веда”лар шу тариқа бутун қадимий ҳинд фалсафасининг кейинги тараққиёти учун замин бўлиб хизмат қилганлиги ва шароит яратиб берганлиги туфайли алоҳида аҳамият ва илмий қимматга эгадир.

Эрамизгача бўлган VIII—VII асрда Ҳиндистонда **Локати** (фақат шу локани тан олувчи кишиларнинг қарашлари) фалсафий таълимоти шаклдан бошлайди. Бу таълимот асосчиси Брихаспати ва унинг издошлари ердан бошқа тарзда ҳётнинг бўлиши мумкин эмас, деган фикрни олға сурадилар.

Чарвака номи билан аталадиган қадимий ҳинд фалсафий оқими тарафдорлари, дунёни, табиат ҳодисаларини қандай бўлса шундай тушунтиromoқ керак, деган талабни илгари сурган эдилар. Улар нуқтаи — назарича, бутун олам олов, сув, ҳаво, тупроқ йигиндисидан иборат, инсон ҳам ана шу тўрт унсур бирикмасидан ташкил топган.

Чарваклар дунёни ҳеч ким яратган эмас, балки унинг заминида моддий элементлар бирекиши ётади, деб ҳисоблайдилар. Улар “утни ким иссик ҳароратли қилди, сувни ким совуқ қилди?” — деган савол бериб, “буларнинг ҳаммасини шу ҳодисаларнинг ўзидан қидириш керак”, деб жавоб қайтарадилар.

Хитойдаги дастлабки фалсафий таълимотларда дунё абадий ва у беш унсур — олов, сув, ёр, дараҳт ва металдан ташкил топган, деб уқтирилади

Эрамиздан олдинги VII—VI асрларда Хитойда **дао** қонунига биноан ҳаракат қилувчи **ци** элементининг мавжудлиги ҳақида фикр юргизган. Хитой мутафаккирлари фикрича, табиат ҳодисалари **ци** деган моддий зарралардан таркиб топиб **дао** деган объектив табиий қонуниятга бўйсунади. Хитойликларнинг табиат ҳодисалари қонуни-

ятли асосда тараққий қиласы, деган тасаввурлари, дунё мөддийдір, деган таълимотта боғлиқдір. Дао ҳақидағы таълимот фалсафадаги қонун түшүнчесини ҳосил қилишдеги дастлабки уринишидір.

“Даосизм” сүзининг ўзи “дао” сүзидан келиб чиққан бўлиб, “йўл”, “тараққиёт”, “дунё негизи” деган маънени билдиради. Даосизмнинг асосчиси Лао-цзи бўлиб, у дунё абадий ҳаракат ва ўзгаришда бўлади, деб ҳисобланган. Масалан, **Лао-цзи** бу ҳақда бундай деган: “Улуғ дао ҳамма ёққа қараб оқади. У ўнга ҳам сўлга ҳам ёйилган. У туфайли жами мавжудот туғилади, бу мавжудот ҳамиша ўзгаришда бўлиб бир жойда тўхтаб қолмайди”

Даосизмда дунёда қарама-қаршиликларнинг бир-бирига боғлиқлиги амал қиласы, табиат-ҳодисалари ўз-ўзига зид ҳолатда, айланиб ривожланади, деган фикр юритилади. Таъкидланишича, гўзаллик ва хунуклик, баландлик ва пастлик, яхшилик ва ёмонлик, борлик ва йўқлик, узун билан қисқалик бир-бирини түғидиради, бирин-кетин келади, бир-бирига боғлиқ бўлади, табиатдаги барча мавжудот, барча ҳодисалар қарама-қаршиликларни ўз ичига олади.

Даосизм вакиллари билишда ҳиссий ва мантиқий жиҳатларнинг мавжудлиги масаласини ўртага қўйиб, билишда ҳиссиёт ва амалиётнинг аҳамиятини камситиб, ақлни бўрттириб юборгандар.

Милоддан аввалги V—III асрларда вужудга келган **конфуцийчилик** қадимги Хитойда кенг тарқалган фалсафий таълимотлардан бўлиб ҳисобланади. Унинг асосчиси Хитой мутаффакири **Конфуций** милоддан олдинги 551—479 йилларда яшаган. Конфуций таълимотига кўра, одамларнинг ҳаммаси турма хусусиятларга кўра бир-бирларига яқиндир. Туғилгандан кейин ҳосил қилган хусусиятларга кўра, улар бир-биридан фарқ қиласидар.

Конфуций, агар подшо осмон ва денгиз каби улуғвор бўлса, ҳалқ уни ҳурматлайди, унинг айтганларига қулоқ солади ва унинг ишларига хайриҳоҳлик қиласы, деб подшоҳни илоҳийлаштиради. У тўғридан-тўғри, император — Осмон ўғли, унинг ердаги кўриниши — осмоннинг жонли тимсолидир. Ер шаридаги қуруқликнинг маркази Осмон ўғлидир. Ҳар қайси ҳалқ ўз чегарасида бир князга итоат

қиласы. Осмон ўғли амрни осмондан олади, тобе князлар эса буйруқни Осмон ўғлидан оладилар, дейди.

Конфуцийнинг таълимотича, ҳар бир киши ўз зиммасидаги вазифани ҳалол адо этмоғи лозим. Ҳукмдор давлатни бошқаради, хунарманд ўз ҳунари билан банд бўлади, ота ўзининг оталик бурчини адо этади. Агар ҳаётнинг мана шундай оддий қонунлари бузилса, давлат ич-ичидан ириб-чириб кетади. Тартиб-интизом, ўзаро ҳурмат йўқолади. Мамлакатда уруш-жанжал, фитна авж олади. Мисли кўрилмаган ёнгин ҳам кичик учқундан чиқади.

Айтиб ўтилганларнинг ҳаммаси Бобил, Миср, Ҳиндистон, Хитой сингари қадимги Шарқ мамлакатлари ва бошқа давлатларда пайдо бўлган ва ривожланга бошлаган, дастлабки фалсафий билим ва тасаввурларнинг илдизлари, бошланғич асослари жаҳон ҳалқлари тарихи ва маданиятининг узоқ ўтмишига бориб тақалишини кўрсатиб ва исботлаб турибди.

2. Минтақамиздаги дастлабки фалсафий фикрлар

Ўрта Осиё жаҳоннинг илм-фан, фалсафа, дин, адабиёт ва санъати қадимдан ривожланган, тарихи ниҳоятда бой минтақалардан биридир.

Жуда кўплаб ҳужжатлар, муҳим оғзаки ва ёзма манбалар, турли асори-атиқа обидаларидан маълум бўлишича, Днепрдан Олтойгача бўлган, жумладан, Ўрта Осиёда скифлар, Закаспий текислигига массагетлар, улардан шарқроқда саклар, сўғдлар, бақтрияликлар, хоразмийлар, парканаликлар яшаганлар. Ҳозирги Ўрта Осиёликларнинг ўтмишдаги ана шу аждодлари асримиздан бир неча минг йиллар илгари суғоришга асосланган дәхқончилик ҳамда чорвачилик, овчилик-балиқчилик билан шуғулланганлар.

Ҳозирги тожик, ўзбек, туркман аждодларининг суғорма дәхқончилик маданияти шу қадар ривож топганки, ҳатто биргина Аракс (ҳозирги Амударё) ҳавзаларида жуда кўплаб сунъий суғориш иншоатлари қазилиб, чўл ва саҳроларга сув чиқарилган. Шу тариқа моддий ва маънавий қадриятлар яратилган. Аждодларимиз яшаган ҳудудларда қадимдан хилма-хил маданият ўчоқлари таркиб топган ва ривожланган.

Милоддан аввал V минг йилликда, миңтақамизнинг марказий ва шимолий районларида эса милоддан аввалги III минг йилликда қишлоқ хўжалиги билан бирга ҳунармандчилик, кончилик, мис ва темир эритиш, металлардан ҳар хил ҳарбий ва меҳнат қуроллари ясаш, кемасозлик, тўкувчилик, бинокорлик, заргарлик ҳам тараққий эта бошлаган. Сўёдиёна, Бақтрия, Хоразм каби дастлабки давлатлар, Тошкент, Хива, Мароқанд (Самарқанд), Кирополь (ҳозирги Ўртатепа) ва бошқа шаҳарлар пайдо бўлган. Дунёдаги энг қадимий цивилизациялардан бири мана шу минтақада пайдо бўлган. Ўрта Осиё ҳалқларининг энг буюк маданий муваффақиятларидан бири ёзувнинг ихтиро этганликларидир. Бу ерда ёзувнинг тарихи жуда қадим замонлардан бошланган. Ёзувнинг ихтиро қилиниши, инсон билим доираси ва дунёқарашининг кенгайиши ва чукурлаша боришига хизмат қилган.

Авлоду аждодларимизнинг ҳаёти, урф-одатлари ва анъ-аналари, маданияти, тили ва тарихини бадиий-фалсафий жиҳатдан ўзига хос тарзда акс эттирадиган оғзаки ижодиёти ниҳоятда бой ва хилма-хилдир. Мифлар, афсоналар, қаҳрамонлар тўғрисидаги достонлар, тўй-сайиллар, ҳалқ йиғинлари, байрамлар, сафарларда айтилган қўшиқ ва лапарлар, лирик шеърлар, мақол ва маталлар, масал ва топишмоқлар ҳалқ оғзаки ижодиёти маданиятининг узоқ тарихга эга бўлган соҳаларидир. Уларнинг ижодкори — барча моддий ва маънавий бойликларни яратган ҳалқ оммасидир.

Ўрта Осиё ҳалқлари оғзаки ижодиётининг энг қадимги тур ва жанрларидан бири — **асотир-мифдир**. Яхшилик билан ёмонлик, нур билан зулмат, баҳт билан баҳтсизлик ўртасидаги кураш ва бу курашда эзгуликнинг ёвузлик устидан ғалаба қозониши ҳақидаги ғоя дунёнинг бошқа ҳалқларинида бўлганидек, Ўрта Осиёда вужудга келган мифлар учун ҳам хосдир. Кайд этилишича, яхшилик оламига **Ахурамазда** ёмонлик оламига эса **Ахриман** бошчилик қилаиди. Эзгулик мифларида **Митра** кишиларга нур, иссиқлик, баҳт-саодат баҳт этадиган, душманларга даҳшат соладиган, кишиларни оғатдан қутқарадиган Қуёш худоси сифатида, **Анахита** эса ер, сув ва унум маъбудаси, қаҳрамон-

ларга күч-қувват ва муваффақият бахш этувчи тарзда тас-вирланади. Шарқ халқларидаги ёвузык, зулмат кучлари мифларда күпинча дев, аждар, жинлар қиёфасида тасвирланади. Булар оғат ва зулмат, қабоҳат ва разолат, ўлим ва кулфат, бахтсизлик, хонавайронагарчилик, очлик-қаҳатчилик тимсолидир.

Үрта Осиёда бир неча асрлар оша юзага келган миф ва афсоналар инсоният маънавий маданияти тараққиётига, хусусан, қаҳрамонлик ҳақидаги достонлар пайдо бўлишига замин бўлиб хизмат қиласди. “Тўмарис”, “Широқ”, “Зариадр ва Одатида”, “Зарина ва Стриангия”, “Уч оға-ини ботирлар”, “Манас”, “Қаҳрамон”, “Маликаи Ҳуснобод” каби қиссалар, “Алномиш”, “Қирққиз”, “Гўрўғли”, “Авазхон”, “Чамбил қамали”, “Ойсулов” сингари достонларда ҳам миллий, ҳам умуминсоний аҳамиятга эга бўлган фалсафий ғоялар илгари сурилган.

Қаҳрамонлик ҳақидаги достонларнинг, эртаклар, ривоят ва афсоналарнинг фалсафий моҳиятини белгилайдиган, уларнинг асосий негизини ташкил этадиган умумий ғоя — инсон учун жондан азиз ҳисобланган муқаддас даргоҳ — Ватаннинг истиқоли, эрки ва мустақиллиги учун ажнабий душманларга қарши муросасиз курашиш жамият ҳар бир аъзосининг олий инсоний бурчи эканлиги ҳақидаги фикр-мулоҳазалардир. Үрта Осиё халқларининг Эрон аҳмонийлари босқинига қарши курашини бадиий акс эттирувчи Тўмарис ва Широқ тўғрисидаги ривоятлар айтиб ўтган фикримизга мисол бўлади.

Тўмарис ҳақидаги қиссада массагетлар маликаси Тўмарис тимсолида Эрон босқинчиларига қарши курашдаги мардлиги, довюраклиги, жасорати, донишмандлиги, Ватанга садоқати, душманларга нисбатан зийрак ва ҳушёрлиги чуқур баён этилган.

Ватанини ҳимоя қилиш, эркесварлик, ватанпарварлик аждодларимизнинг қон-қонига сингиб кетганлиги Широқ тўғрисидаги тарихий ривоятда ҳам чуқур ва ҳар тарафлама очиб берилганлигини эслатиб ўтиш мумкин.

Үрта Осиёда яшаган авлод-аждодларимизнинг фалсафий фикрлари ҳақида қимматли маълумотларга эга бўлишимизда “Авесто”, “Беҳистун”, “Бундахишн”, “Денкард”

сингари ёзма ёдгорликлар муҳим тарихий ҳужжат сифатида алоҳида аҳамиятга эга.

Кўхна Хоразм заминида бундан қарийб уч минг йил илгари яратилган энг мўътабар, қадимги нодир қўлёзма — “**Авесто** Аму ва Сирдарё оралиғида яшаган аждодларимизнинг биз авлодларга қолдирган маънавий, тарихий, фалсафий, ҳуқуқий меросидир” “Авесто” айни замонда бу қадим ўлкада буюк давлат, буюк маънавият, буюк маданият бўлганидан гувоҳлик берувчи тарихий ҳужжатдирким, уни ҳеч ким инкор этолмайди”¹

“Авесто”да акс этган асосий фалсафий ғоялар, диний эътиқоднинг етакчи тушунчалари тарихий шахс **Зардушт** (Зардўст) номи билан боғлиқ. Унинг номига нисбатан дин ҳам шундай ном билан, яъни **зардуштийлик** деб аталади.

Зардушт, манбаларнинг кўрсатишича, тахминан миллоддан аввал 570-йилларда туғилган ва етмиш етти ёшида ибодат қилаётган чоғида душман коҳинларидан бири томонидан орқасидан ханжар санчиб ўлдирилган. Зардуштга қадар аждодларимиз ҳар хил диний одатларга эътиқод қилиб яшаганлар. Диний эътиқодларнинг турли-туманлиги ибтидоий муносабатлар ўрнини синфий жамият, қадимги қулдорчилик жамияти ола бошлаган пайтда барча қабилаларнинг ягона мафкура асосида уюшишларига аллақачоноқ тўғаноқ бўлиб қолган эди. Ўлканинг турли қабилаларни бирлаштириш, уларни илк буюк давлатчилик ғояси атрофида уюштириш зарурияти туғилиб қолган эди. Ана шундай заруриятни тушуниб етган илфор кишилардан бири сифатида Зардушт тарих саҳнасида пайдо бўлди. Зардушт кўп худолилик тасаввурлари, табиат ҳодисаларига сифи нишга қарши чиқиб, якка худолик ғоясини тарғиб қилди.

Зардустийлик динининг қонун-қоидалари “Авесто”да баён этилган. “Авесто” китоби эрамиздан бир неча асрлар илгари юзага келган. Манбаларнинг кўрсатишича, “Авесто” ўн икки минг ошланган мол терисига олтин ҳарфлар билан битилган экан.

Абу Райҳон Берунийнинг “Ўтмиш ҳалқлардан қолган ёдгорликлар” асарида бу ҳақда шундай дейилган: “Доро

¹ Каримов И.А. Тарихий хотирасиз келажак йўқ. Тошкент, “Шарқ”, 1998, 10-бет.

ибн Доро хазинасида ўн икки минг қорамол терисига тилло билан битилган бир нусхаси бор эди. Искандар оташхоналарни вайрон қилиб, уларда хизмат этувчиларни ҳамда уни күйдирив юборди. Шунинг учун “Авесто”нинг бешдан уч қисми йўқолиб кетди. “Авесто” ўттиз наск (қисм) эди. Мажусийлар қўлида ўн икки наск чамаси қолди”

“Авесто”да ўтмиш аждодларимизнинг диний тасаввурлари, коинот ва ердаги дунёning яратилиши билан боғлиқ афсона ва ривоятлар, Ўрта Осиё, Эрон ва Озорбайжонинг тарихи, ижтимоий-сиёсий, иқтисодий ҳаёти, географияси, табииати, набототи, илм-фани ўз аксини топган. Унда қадимги Турон ўлкасининг иқлими, суви, ҳайвонот дунёси, ер тузилиши, саҳролари, тоғлари ҳақидаги қимматли маълумотлар берилган.

Фаразгўйлик, ҳasad, манманлик, фигна-фасод “Авесто”да қаттиқ қораланса, ваъдага вафо қилиш, аҳдга садоқат, самимият, холислик, ўзаро иззат-икром каби одамлар ўргасидаги устивор бўладиган ахлоқий қоидалар улуғланади. “Авесто” дунёни инсон учун синов майдони деб тушунтиради.

“Авесто”да одамларни иймонли бўлишга, доимо пок, тоза юришга, танани озода тутишга, ҳар қандай ёмон ният ва сўзлардан тийилишига, ёмон амаллардан воз кечишга, ножӯя ишлардан юз ўгиришга даъват этадиган ахлоқий қоидалар, диний ўйтлар, фалсафий foялар ниҳоятда кўп.

“Авесто”да қайд этилган энг муҳим фалсафий фикрлардан бири — инсонларни меҳнат қилишга, ўз қўллари билан моддий бойликлар яратиб тўқ, фаровон ҳаёт кечиришга даъват этилганлигидадир. Зардуштийликда чорванинг кўпайишига, яйловларнинг гуллаб-яшнашига ёрдам берган тақдирда, тинмай меҳнат қилгандагина худонинг иноятига ноил бўлади, дейилади. Зардушт худо Ахурамаздан ер юзидағи энг яхши жой қаерда, деб сўраганда у, инсон қаердаки ўзига уй тиклаб, оиласи (хотини ва фарзандлари)га, подаларига ўрин ажратиб берса, ем-хашаги кўп бўлиб, чорваси ва итлари тўқ яшаса, уйда ноз-неъматлар муҳайё бўлиб, хотини ва фарзандлари фаравон яшаса, уйда эътиқоди событ, олови алангали, бошқа нарсалари ҳам мўл-кўл бўлса, ўша манзил, ўша гўша улуғдир, муҳтарамдир, деб жавоб беради.

“Авесто” мөхнат қилиб, бойлик яратиб, янги жойларни обод қилиб, қўриқ ва бўз ерларни ҳайдаб, сугориб ўзлаштирган, сут гўшт-ёғ, дон-дун етишириб жамият тараққиётига йўл очиб берган, фаровонликни таъминлаган деҳқонлар, чорвадорлар, овчиларни улуғлайди. Унда, масалан, ерга меҳр қўйиб мөхнат қилиш зарурлиги ҳақида айтилган. Кимда-ким, ҳам ўнг қўли билан, ҳам чап қўли билан ерга ишлов берса, ерга фойда келтиради. Ер ҳам ундан ўзининг ҳар хил ноз-неъматларини, зироатларини, мўл-кўл ҳосилини аямайди, дейилади китобда.

Кимки ерга вақтида ҳам ўнг қўли, ҳам чап қўли билан ишлов бермаган, мөхнат қилмаган бўлса, ундан кимсаларга замин: “О сен, одам, менга топинмайдиган, мөхнат қилмайдиган одам! Сен ҳақиқатан ҳам тиланчилар қаторида, ёт эшикларга таъзим қилиб, агадул-абад бош эгиб туражаксан! Ҳақиқатан ҳам сенинг ёнингдан хилма-хил зироатларни олиб ўтадилар, бу ноз-неъматларнинг барчаси мөхнат қилаётган: тўқ ва фаравон яшаётган хонадонга насиб қиласди. Абадулабад шундай бўлажак!” — деб мөхнатга даъват қиласди.

Зардуштийлик дини ва унинг “Авесто” китобида дунёнинг моддий асоси деб ҳисобланган ер, тупроқ, ҳаво, муқаддаслаштирилади. Ер ва ҳаво шундай эъзозланганки, ҳавони бўғиш, ифлослаштириш, ҳайвонлар ўлиги у ёқда турсин, одамлар жасадини ҳам ерга кўмиш, сувни оқизиш, оловда ёқиши гуноҳи азим ҳисобланган. Марҳумлар ерни, сувда, ҳавони заҳарлаб қўймасликлари учун уларнинг жасадларини маҳсус сопол идишларда кўмиш расм бўлган.

Зардуштийлик динига амал қилган Ўрта Осиёдаги қабилалар сувга ва оловга сажда қилганлар, қуёшни илоҳий мавжудот даражасига қўтарганлар. Хоразмда, Самарқандда олиб борилган қазишималар натижасида Ўрта Осиё ҳалқларининг Қуёш худоси ҳисобланган Митрага, ер, сув, унумдорлик худоси Анахитага сифинганликларини исботлайдиган буюмлар топилган.

“Авесто”да деҳқончилик билан шуғулланиш ўн минг марта ибодат қилиш ва юзлаб жониворларни қурбонликка сўйишдан афзал ҳисобланган. Унда айтилишича, экин экиш — ердаги ёвузиликларга барҳам бериш демакдир. Фалла ердан униб чиққанда, — дейилади “Авесто”да — девлар

ларзага келади, ғалла ўриб олинаётганда девлар нола-фарёд қилади, ғалла янчыб ун қилинаётганда, улар қоча бошлайди, ҳамир қилинаётганда эса девлар маҳв бўлади. Ғалланинг мўл-кўл бўлиши, гёй девларнинг лабига қизитилган темир босгандай уларни тумтарақай қилади.

Исломгача Ўрта Осиёда буддизмнинг, ҳатто насронийлик динининг маълум даражада тарқалганига қарамай, диний эътиқод бобида зардустийлик дини асосий ўрин тутган. Жаҳон динлари кейинги 2-2,5 минг йил ичидаганчалик такомиллашган, уларнинг маросимлари, урф-одатлари нечоғли хилма-хиллашган, бойиган бўлмасин, улар барчаси зардустийлик динининг ворислари ҳисобланади.

Аввал қайд этганимиздек, “Авесто” ва бошқа ёзма ёдгорликлар қадимги Ўрта Осиё ҳалқарининг тарихи, ижтимоий-иқтисодий ҳаёти, маданияти, тили, қадриятлари, фалсафий, ахлоқий, диний қараашларини ўрганишда муҳим манба бўлиб хизмат қилади. Ёзма ёдгорликлар фақат ўтмишни тушуниш учунгина эмас, балки бизнинг бугунги кунимизнинг, Ўзбекистон Республикаси Давлат мустақиллиги маънавий масалаларини ҳал этиш, миллий истиқлол мафкурасини ишлаб чиқиши учун ҳам фойдалидир.

Милоддан аввалги 1 мингинчи аср ҳамда эрамизнинг 1-2 асрларида манихейлик ҳаракати ва таълимоти вужудга келган. Унинг асосчиси **Моний** (216–217) ҳисобланади. Монийлик зардустийлик ва христианликнинг синтезидир. Христианликлардан монийлик месианлик гояларини олган. Мазкур таълимотга кўра, борлиқнинг иккита субстанция асосини — ёруғлик, яхшилик, руҳ олами ва зулмат, ёвузлик, материя оламини ташкил қилади. Монийлик таълимоти ҳукмрон руҳоний зодагонлар таълимотидан фарқли ўлароқ, муҳим маънавий қадриятлар — бошланғич адолат, эркинлик, меҳнатга интилиш кабиларни тарғиб қилди.

Ижтимоий-фалсафий фикрларнинг пайдо бўлиши, ривожланиши ва намоён бўлиши хусусида юқорида қайд этиб ўтилганларнинг ҳаммаси айрим тадқиқотчиларнинг, фалсафий тафаккур Шарқ ҳалқарида бўлган эмас, фалсафий таълимот улар учун мутлақо ёт, фалсафа тўла маъноси билан Фарбда бошланған, деган даъволарнинг пуч ва тарихий ҳақиқатга тамомила зид эканлигини кўрсатиб ва исботлаб турибди.

3. Антик дунё фалсафасы

Фалсафа фанининг тараққиётига Шарқ мутафаккирлари билан бир қаторда Фарбий Европа олимлари ҳам катта ҳисса қўшганлар.

Шарқ билан Farb ҳалқарини боғловчи “Ипак йўли”, марказида жойлашган Ўрта Осиё минтақаси Ҳиндистон, Хитой, Месопотамия, Юнон, Рим давлатлари билан савдо-сотиқ алоқаларини ривожлантириб келган. Шунинг натижасида ўлқамизга бошқа мамлакатларнинг, жумладан Юнонистон ҳалқарининг маданияти ҳам маълум даражада кириб келган ва аксинча, Ўрта Осиёнинг маданияти қадимги юнон ҳалқлари маданиятига ўз таъсирини кўрсатган. Масалан, Александр Македонский, Климент Александровский Ксенофонт, Страбон, Птоломей, Геродот эсдаликлари, асарларида Ўрта Осиё ҳалқларига хос маданият, урф-одат ва анъаналар, афсоналар келтирилди. Шарқ ва Farb мамлакатлари ўртасидаги бундай ўзаро алоқадорликни фалсафа фани соҳасида ҳам кузатишимиш мумкин. Айниқса, Шарқ мутафаккирлари, алломалари томонидан IX–XII асарларда ривожланган бой ва ранг-баранг маданий, илмий, фалсафий мерос Farb мамлакатларида XV–XVII асрларда Европа ренессансининг вужудга келишига замин яратиб беради.

Farbда фалсафа мустақил фан сифатида эрамиздан олдинги VI асрда Юнонистонда ибтидоий жамоа қулдорлик жамияти билан алмашган даврда шаклланади.

Ишлаб чиқарувчи кучлар, савдо, ҳунармандчилик, санъат, физика, математика, астрономия, география, адабиёт, фалсафа ва бошқа фанларнинг ривожланишига замин яратади.

Қадимги Юнонистоннинг дастлабки файласуфлари Ер, Қуёш, юлдузлар, ҳайвонлар ва одамнинг келиб чиқишини бир бутун, яхлит тасаввур этишга ҳаракат қилган мутафаккир эдилар. Шунинг учун ҳам уларни физиклар — табиатшунослар (юнонча, *rhexis* — табиат) деб атаганлар. Улар мифологик ва диний дунё қарашларга қарши кураш олиб бордилар. Маълумки, юнон мифологиясида асосий эътибор дунёнинг келиб чиқишини изоҳлаб беришга қаратилган бўлиб, унда асосий ўринни дунёни ким яратган деган савол эгаллаб келган эди. Юнон файласуфлари эса асосий эътиборни дунё нимадан яратилган деган саволга жавоб беришга қаратганлар.

Қадимги Юнонистонда йирик савдо ва маданият маркази бўлиб келган Милст шаҳрининг вакиллари таниқли мутафаккир **Фалес** (мил. авв. 640–545 йиллар) ҳамма нарса сувдан келиб чиққан ва сувга айланад, деб ҳисобланган бўлса, Анаксимандр (мил. авв. 610–546 йиллар) дунё номаниқ материя — апейрондан ташкил топган дейди. Нарсалар, унинг фикрига кўра апейрон ҳаракати ҳамда совуқлик ва иссиқлик, намлик ва қуруқлик каби қарама-қаршиликларнинг натижасида пайдо бўлади. Анаксименнинг (мил. авв. 588–525 йиллар) фикрича ҳамма нарса ҳаводан ҳосил бўлган ва ҳавога айланади. Эфес шаҳрининг вакили Геракелит (мил. авв. 544–480 йиллар) оламидаги барча нарса ва ҳодисаларнинг асоси оловдан деб ҳисобланган.

“Дунёни худолар ҳам, одамлар ҳам, ҳеч ким яратмаган, у қонуниятли тарзда алангланадиган ва қонуниятли тарзда учрайдиган абадий барҳаёт олов бўлиб келган, ҳозир ҳам шундай ва бундан кейин ҳам шундай бўлади”, деб таъкидлайди **Гераклит**. Табиат оловдан ҳосил бўлган, доимо ўзгариб, ривожланиб турувчи абадий жараёндир. Оlamда мавжуд бўлган барча нарса ва ҳодисалар оловдан пайдо бўлади ва йўқ бўлиб, яна қайта оловга айланади. Оловнинг йўқ бўлиши ҳавонинг туғилишидир, ҳавонинг йўқ бўлиши, сувнинг туғилишидир, сувнинг йўқ бўлиши ҳавонинг туғилишидир, ҳавонинг йўқ бўлиши - оловнинг туғилишидир ва аксинча, деб уқтиради **Гераклит**.

Гераклит таълимотининг аҳамияти шундаки, у ўзининг дунёning моддийлиги ҳақидаги фикрини нарса ва ҳодисаларнинг ўзгариши ва ривожланиши каби қонуний жараён, деб эътироф этишдадир. Мазкур абадий ва энг умумий қонуниятни Гераклит **логос** деб тасвирлайди. Гераклитнинг логос ҳақидаги фикри хитой фалсафасидаги **Дао** гоясининг янгича тавсифи десак ҳақиқатга хилоф бўлмайди.

Гералит фалсафасининг яна бир муҳим томони воқе-лиқдаги нарса ва ҳодисаларга диалектика нуқтаи-назаридан ёндашувидадир. Унинг фикрича, нарса ва ҳодисалар доимий ўзгаришда, ўзаро алоқадорлиқда, боғлиқликда, бир-бирига ўтиб туради. Оlamда ўзгармайдиган, доимий бўлган бирон-бир нарсани топиш мумкин эмас. “Оқиб турган дарёning суви доим янгиланиб туради, шунинг учун бир дарёning суви ўзига икки маротаба тушиши мумкин эмас”

Нарса ва ҳодисаларнинг доимий ўзгариб, ривожланиб туришининг манбаи қарама-қаршиликларнинг бирлиги ва уларнинг ўзаро курашидадир. Гераклитнинг фикрича, қарама-қаршиликлар ўзаро ўрин алмасиб туради, ҳамма нарса мувжуддир ва айни замонда мавжуд эмасдир, чунки ҳамма нарса оқиб туради, ҳамма нарса доимо ўзгариб туради, ҳамма нарса доимо пайдо бўлиш ва йўқолиш жараёнидадир. Совуқлик исиди, иссиқлик совийди, намлик қурийди, қуруқлик намланади ва ҳоказо. Шунинг учун ҳар бир мавжуд нарсага маълум томондан ёндошиш зарур. Денгизнинг суви тоза ҳам, ифлос ҳам, балиқларга у тоза ва фойдали, одамларга эса у ифлос ва заарали.

Гераклит онг (жон, рух) билан материя (тана) бир-бири билан чамбарчас боғланган деб ҳисоблаб, уни оловнинг кўринишидан бири деган эди. Англаш туфайли инсон дунёни билишга қодир. Билиш ҳиссий органларидан бошланиб тафаккур билан яқунланади. Ҳиссий органларнинг ёрдамида биз нарса ва ҳодисаларни бир-биридан ажратиб турадиган томонларини биламиз, уларнинг моҳияти ва тараққиёт қонуниятларини билишга тафаккур орқали эришамиз.

Милет ва Эфес мутафаккирларининг мазкур фикрлари фалсафанинг кейинги ривожланишига катта ижобий таъсир кўрсатади.

Самос оролининг вакили **Пифагорнинг** (мил. авв. 580–500 йиллар) фикрича, бутун олам рақамларининг уйғунлигидан ва ўзаро муносабатларидан иборат. У рақамларга жон бағишлиб, турли хоссалар,adolat, aқл, идроқ, мұваффақият ва ҳоказолар рақамларга тегишли деб ҳисобланган. Сонлар коинотдаги тартибнинг ифодасидир. Дунёни билиш уни бошқарувчи сонларни билишдир.

Пифагорчилар сонни материядан ажратиб уни илоҳийлаштирган бўлсалар-да, математика фанининг ривожлантиришлари, машҳур Пифагор теоремасининг яратилиши билан фан тараққиётига катта ҳисса қўшдилар.

Элей файласуфи **Парменид** (мил. авв. VI асрнинг охири V асрнинг боши) диалектик тасаввурга зид келувчи гояларни олға суриб, қўзтолмайдиган умумий ягона борлик ҳақиқий мавжудликдир, деб ҳисобланган. Бу ҳақиқий, мавжудлик, фикр билан айнийдир. Табиатда ўзга-

риб турадиган, турли-туман кўринишдаги ҳодисалар, Пармениднинг таълимоти бўйича, “ёлғон фикрлар”нинг маҳсулидир, билим эса фақатгина ақл ёрдамида ҳосил қилиниши мумкин.

Зенон (мил. авв. V асрнинг ўрталари) ҳам Парменид сингари “ҳақиқий борлиқ” ҳаракатсиз бўлади ва уни ақл билан билиш мумкин, деб ҳисоблайди.

Эрамиздан олдинги V асрда пифагорчилар ва элеатларнинг фалсафий қараши кучайган файласуфлар орасида Эмпедокл, Анаксагор, Левкиппларни алоҳида таъкидлаш керак.

Анаксагор (тахминан мил. авва. 500–428 йиллар) Клазомен шаҳри вакили дунёнинг асосини кичик заррачалар — гомеомерийлар ташкил қиласди, улар сифат жиҳатидан бирбиридан фарқ қилиб, доимий ҳаракатда бўлади, деб айтган.я

Эмпедокл (тахминан мил. авв. 490–430 йиллар, Сицилия оролидан). У ўзининг “Табиат тўғрисида” номли асарида воқеликдаги барча нарсаларнинг асосини тўртта унсур, яъни тупроқ, сув, ҳаво, олов ташкил қиласди деганояни олға сурган. Мазкур унсурларнинг бир-бiri билан кўшилиши ва ажralишининг сабаби уларнинг ўзаро тортилиш ва итарилишларидадир деб ҳисоблайди.

Левкипп (тахминан мил. авв. 500–440 йиллар) дунёнинг асосини мутлақо бўшлиқ, атом ва сабабият ташкил этади деб ҳисоблаган. Унинг фикрича оламда барча нарса ва сабабий боғлиқликда яшайди. Ҳеч нарса сабабсиз пайдо бўлмайди, ҳамма нарса маълум бир асосга мувофиқ қонуний равишда вужудга келади.

Юқорида келтирилган маълумотлардан кўриниб турибдики, Анаксагор, Эмпедокл ва Левкипплар дунёни материалистик нуқтаи-назардан изоҳлаб бериш билан бир қаторда нарса ва ҳодисаларнинг келиб чиқиши ва ривожланишига дилемтика нуқтаи-назаридан ёндошганлар.

Қадимги Юнонистоннинг энг машҳур файласуфларидан бири **Демокритдир** (мил. авв. 460–370 йиллар) унинг асосий асари “Буюк диакосмос” бизгача сақланиб қолмаган Демокритнинг нуқтаи-назарича, дунё моддий бўлиб, руҳ, онг материянинг маҳсулидир. У Левкиппнинг қарашларини ривожлантириб, дунёнинг асоси атомлар ва

бўшлиқларидан иборат, нарса ва ҳодисаларнинг ранг-баранглиги атомлар бирикиш усууларининг турли-туманлигидан келиб чиқади, деб ҳисоблайди. Демокрит материя ва ҳаракатнинг ажралмаслиги, ҳаракат, фазонинг ҳам худди материя сингари объектив мавжуд эканлигини тан олиш лозим дейди. Лекин у ҳаракатни атомларнинг бўшлиқдаги оддий ўрин алмашиши деб қарайди. Ҳаракатнинг ўзини эса атомларнинг фазода тўқнашуви натижасида ҳосил бўлади деб ҳисоблайди. Демокрит атомистик ва детерминизм тамойилини ўзининг космогоник назариясига ҳам татбиқ этади. Атомлар ўзларининг фазодаги тартибсиз ҳаракатлари жараёнида бир томондан, ўзаро тўқнашиб, бир-бирини парчалаб боради, иккинчи томондан, бир-бирига кўшилиб, тупроқ, сув, ҳаво, олов ва улардан қуон шаклида ҳаракатлантирувчи кўп дунёларни вужудга келтиради.

Демокрит табиатдаги ҳамма воқеа, ҳодисаларнинг доимо ўзгариб туришини зарурият ҳисоблаб, табиатдаги тасодифни тан олмас эди. Унинг фикрича, нарса ва ҳодисалар ўртасидаги сабабиятни билмаслик тасодифини тан олишга олиб келади. Сабабий боғланишларни текширишни у фанларнинг асосий вазифаси деб ҳисоблар эди.

Демокрит онг ва руҳ ҳам атомдан иборат деб ҳисобланган. Демокрит оламни билиш мумкинлигини таъкидлаб, уни қоронғи ва ҳақиқий билимлардан иборат дейди. У билиш жараёнида ҳиссиёт ва тафаккурнинг ролини ҳам кўрсатиб ўтади.

Ҳиссий билиш орқали биз нарсаларнинг (атомларининг кўшилиши туфайли мавжуд бўлган) сифат ва хусусиятларини билсак, ақлий билиш орқали сезгиларимиз билан бевосита сезиб бўлмайдиган ҳодисаларни била оламиз. Ақл ёрдами билан атомлар (нарсалар)нинг моҳияти белгиланади. Демокрит фалсафа тарихида биринчи бўлиб билиш жараёни инъикос жараёни эканлиги ҳақида фикрини айтади. Унинг фикрича, кишиларнинг беш турли сезгилари ва тушунчалар нарсаларнинг образидир.

Демокрит қадимги Юнонистоннинг қомусий олими эди. У фаннинг турли соҳалари: фалсафа, физика, математика, биология, тиббиёт, педагогика, руҳшунослик, филология, этика, санъат, сиёсат, мантиқ, ижтимоий ҳаёт масалаларига доир фикрларни баён этган эди. Демокрит-

нинг меросида инсонни ҳар томонлама камол топтириш, унда инсонпарварлик, ватанпарварлик түйгулари шакллантириш, одоб-ахлоқ, эътиқод, виждан ва бошқа олижаноб инсоний фазилатларни шакллантиришга оид қимматбаҳо фикрлар мавжуддир. Улар ҳозирги кунда ҳам ўз аҳамиятини йўқотгани йўқ.

Қадимги юонон файласуфларининг бир қисми диний таълимотга зид бўлган фикрларни илгари сурган бўлсалар, иккинчиси эса уни қўллаб-қувватлашади.

Қулдорчилик жамияти даври вакили Афлотун (мил. авв. 427–347 йиллар) эди. У ўз асарида юонон файласуфларининг, айниқса Гераклит ва Демокрит фикрларини қаттиқ танқид қилади. Афлотун оламда “ғоялар дунёси” бирламчи бўлиб, моддий дунё эса иккиламчи, “ғоя дунёси”нинг маҳсули, соясидир, деб ҳисоблайди. Унингча, “ғоялар дунёси” фазо ва вақтга боғлиқ бўлмайди, абадий ҳаракатсиз ва ўзгармасдир; у “ҳақиқий дунё”дир.

Афлотуннинг билиш назариясига кўра, билиш обьекти “ғоялар дунёси”дир, моддий дунё ва ундаги нарса ва ҳодисалар ҳиссий билишнинг манбаидир. Ҳиссий билиш ҳақиқат эмас, чунки у орқали кишилар гояни эмас, балки моддий буюмларни сезадилар, улар тўғрисидаги тасаввурга эга бўладилар. Моддий буюмларнинг асоси ва моҳияти бўлган “ғоялар дунёси”ни фақат соф тафаккур ёрдамида билиш мумкин.

Афлотун Юнонистондаги қулдорлар аристократияси давлатини энг адолатли ва идеал деб ҳисоблади. У жамиятни уч табақага бўлади. 1. Давлат арбоблари — файласуфлар; 2. Соқчилар (ҳарбийлар); 3. Деҳқонлар ва ҳунармандлар; Унингча давлат файласуф — аристократлар қўлида бўлиши лозим, ҳарбийлар эса аристократия давлатини мустаҳкамлаш учун хизмат қилишлари керак, давлат зўрлик ва зулм мажмуидан иборат бўлиб, қулдор учун зарур шароитни яратишдан иборат.

Ўз навбатида Афлотуннинг ғоя ҳақидаги таълимоти қадимги дунёнинг энг буюк мутафаккири Арасту (мил. авв. 384–322 йиллар) томонидан танқид остига олинади. Унинг кўрсатишича, моддий олам абадий ва обьектив хусусиятга эга бўлиб, у ҳеч қандай “ғоя”ларга муҳтоҷ эмас. Табиат моддий асосга эга бўлган нарса ва ҳодисалар йиғиндиси-

дан иборат, у ҳар доим ҳаракат ва ўзгаришдадир. Арасту ҳам Демокрит сингари моддий дунёни, табиатни билишнинг предмети ва сезгиларимизнинг объектив манбай, киши онгидан ташқаридаги моддий олам сезгиларини вужудга келтиради, деб таъкидлайди.

Арасту ўз асарларида ҳамма нарсанинг асосида материя ётади, деб моддий дунёнинг объектив мавжудлигини эътироф этади. Нарсалар материя ва шаклдан пайдо бўлади. Ҳар бир нарса шаклланган материядир ва шакл борлиқнинг моҳиятидир. Материянинг ўзида ривожланишнинг фақат имконияти бор, холос, у шакллантиришга муҳтождир. Шакл туфайлигина материя имкониятдан воқеликка айланади. Ҳақиқий борлиқ унинг фикрича, материя ва шаклнинг бирлигидир. Булар бир-бирига ўтиб турди, шаклсиз материя йўқ. Демак, шакл ва материя тушунчалари нисбий ҳаракатга эга.

Арасту фикрича дунёда тўрт хил сабаб бордир: 1. Моддий сабаб ёки материя (масалан, уй бунёд этиш учун зарур бўлган қурилиш материаллари). 2. Шаклий сабаб ёки шакл (уй лойихаси). 3. Вужудга келтирувчи сабаб (уй қурувчининг бинокорлик санъати). 4. Сўнгги сабаб ёки мақсад (битказилган бино).

Арасту қадимги дунёдаги диалектик фикрни энг содда ифодалаган мутафаккирлардан бири эди. Қадимги юонон файласуфларининг ҳаммаси оламнинг умумий манзарасини тўғри изоҳлаб берган содда материалистик ҳамда туғма стихияли диалектик эдилар. Улар орасида Арасту диалектикаси алоҳида ажralиб турар эди.

Арасту табиатни онгли ўзгаришда, ҳаракатда деб қарайди: буни у материянинг шаклга эга бўлиш жараёни, имкониятини воқеликка айлана бориши деб тушунади. Бироқ унинг таълимотида диалектикага зид фикрлар, қарашлар ҳам мавжуд. Арасту материя пассив, шаклсиз нарса, шакл эса актив бўлиб, нарсани нарса қилувчиидир, дейди. Бу унинг идеализмга томон ён бериши эди.

Арасту шаклнинг активлиги ҳақидаги қарашни давом эттириб, ҳамма шаклларнинг шакли - худонинг, дунёвий руҳнинг, “дастлабки турткининг” ижодий ролини таъкидлайди. Бу масалада у Афлотунга яқин эди.

Арастунинг фикрича, моддий дунё билишнинг, сезги-ларининг, тажрибанинг асосидир. Сезгилар бизга айрим аниқ нарсалар ҳақида маълумот берса, ақлимиз эса умумлаштирилган маълумотлар беришга қодир деган эди.

Арасту мантиқ фанининг барча муҳим масалаларини ишлаб чиқди, у мантиқ билиш учун зарур бўлган тафаккур шакллари ва исботлаш тўғрисидаги фандир, - деб ёzáди. Фикрлар боғлиқлиги Арастунинг нуқтаи-назарича, мавжуд объектив олам ҳодисалари боғланишларининг иниъкосидир.

Арасту категориялар, тушунчалар, мулоҳаза ва хуласалар тўғрисидаги таълимотларни кашф этади. Фалсафа тарихида биринчи бўлиб категориялар тизимини ишлаб берди. Шунинг билан бирга у категорияларнинг бир-бири билан алоқадорлигини, бир-бирига ўтишини исботлаб берди.

Арасту қадимги юонон файласуфлари орасидаги энг етук олим сифатида жамиятга оид масалалар ҳақида ҳам ажойиб фикрлар билдирган.

Қадимги Юнонистоннинг машхур файласуфи **Эпикур** (мил. авв. 341–270 йиллар) Демокритнинг атомистик назариясини ривожлантиради.

Демокрит атомларнинг асосан шакл ва миқдор жиҳатдан фарқини таъқидлаган бўлса, Эпикур эса уларнинг ҳажми ва оғирлиги жиҳатдан фарқини таъқидлайди ва атомистик материализмини яна бир қадам олға суради. Эпикур таълим берадики атомалар доим бўлиқда ҳаракат қилади, ҳаракат эса мангудир. Атомлар оғир бўлганидан ҳамма вақт пастга томон тўғри ҳаракат қиласди. Бундан ташқари улар ўзаро тўқнашув оқибатида тўғри йўлдан чекиниб, ён томонга ҳам ҳаракат қилиши мумкин.

Эпикур олам чексиз, сон-саноқсиз бўлиб, баъзилари биз яшаётган дунёга ўхшамайди деган эди. У диннинг ашаддий душмани бўлиб, худо ҳақидаги турли фикрларни пуч деб ҳисоблаган.

Қадимги юонон сиёсий мустақилликни қўлдан бергач, фалсафанинг ривожланиш жараёни Римга ўтади. Римдаги илғор файласуфлардан **Лукреций Кар** (мил. авв. 99–55 йиллар) Демокрит ва Эпикурнинг атомистик назариясини қўллаб-кувватлайди ва кўп жиҳатдан уни тўлдиради.

Лукрецийнинг фикрича, ҳамма нарса абадий мавжуд бўлган материядан пайдо булади. Материя бўшлиқда ҳаракат қилувчи атомлардир. У бир ҳолатдан иккинчи ҳолатга ўтиб туради. Лукреций материянинг сақланиш қонуни ҳақида фараз қилган эди. Материянинг миқдори ўзгартмайди, у ҳамма вақт бир хилдир. Ҳеч нимадан ҳеч нима пайдо бўла олмайди.

Лукреций онг ва сезгини моддий ҳисоблаб, жон майдага ҳаракатчан атомлардан иборат, жон ташқи таъсири қабул қилиб, киши танасига таъсир ўтказади, жон билан тана доим биргадир дейди. Жон, руҳ киши танаси билан бирга ўлиб, йўқ бўлиб кетади. У Афлотуннинг “ўлмас жон” ҳақидаги таълимотини рад этади.

Лукреций диний гояларнинг асосини табиат қонуниятларини билмаганликда деб ҳисоблаб, табиат абадий, ўз қонуниятлари билан ривожланади. Худо ҳақидаги гаплар уйдирмадан бўлак нарса эмас деган эди.

Лукреций таълимотига зид келувчи фояларни танқид қилиб **Плотин** (мил. авв. 270–204) Римда ўзининг фалсафий мактабини яратади. Плотин бутун борлиқнинг асоси ва манбай деб ягона илоҳий куч — Худони ҳисоблайди, қолган нарсалар шу илоҳий кучнинг бирин-кетин оқишининг (эмансациясининг) натижасидир. Плотиннинг фикрича, Қуёш ўзидан нур чиқаргани каби илоҳий куч (Худо) ҳам ўзидан коинотнинг бутун борлигини чиқариб юборади, бунга руҳ ҳам, материя ҳам киради. Инсон жон ва тана бирлигидан иборат. Инсон ҳаётининг олий мақсади — ўз жонининг илоҳий куч (Худо) билан қўшилишига эришувидир. Киши бунга экстаз ҳолатида эришади, бу ҳолатда кишининг жони, руҳи ҳиссий дунёдан ва танадан халос бўлади.

Қадимги юонон файласуфларининг хилма-хил фикрлари Фарбий Европа ва Шарқ мамлакатларининг маънавий ҳаётига ўз таъсирини ўтказган. Масалан, Арасту фалсафаси Форобий учун катта маънавий озуқ, неоплатонизм ислом динидаги тасаввуф (сўфијизм) учун манбалардан бири бўлган.

Такрорлаш учун саволлар

1. Шарқнинг энг қадимий мамлакатларидан бири-Вавилонияда дастлабки фалсафий фикрларнинг пайдо бўлиши ҳақида сўзланг.
2. Қадимги Мисрдаги фалсафий гоялар ҳақида нималар дея оласиз?
3. Ҳиндистондаги дастлабки фалсафий фикрлар, локаята ва ҷарвака фалсафасидаги асосий гоялар нималардан иборат?
4. Эрамиздан олдинги IX–VII асраларда Хитойдаги фалсафий таълимотлар, даосизм, конфуцийчилик ҳақида фикр-мулоҳазаларингизни баён этинг.
5. Минтақамиздаги дастлабки фалсафий фикрларнинг мифлар, ривоятлар, Тўмарис ва Широқ ҳақидаги достонларда ифодаланиши ҳақида сўзланг.
6. Зардуштийлик фалсафаси, “Авесто” китобида илгари сурилган гоялар нималардан иборат? Уларнинг тарихий аҳамияти ҳақида нималар дея оласиз?
7. Фалсафанинг фан сифатида милоддан олдинги VI асрда Юнонистонда шаклланиши ва унда дунёнинг асоси нималардан иборатлиги ҳақида сўзланг.
8. Демокрит, Афлотун, Арасту фалсафий қарашлари ҳақида баён этинг.

Таянч тушунчалар

Веда — қадимги ҳинд ҳалқининг муқаддас китоби

Ҷарвака — ҳиндча сўз бўлиб оламнинг асосини тўрт ун —

сур (тупроқ, сув, ҳаво ва олов)дан иборат деб қаровчи қадимги фалсафий таълимот

Дао — хитой фалсафида “йўл” тараққиёт маъносида ишлатиладиган тушунча.

Конфуцийчилик — қадимги Хитойда кенг тарқалган таълимот

Авесто — Зардуштийлик динининг қонун-қоидалари баён этилган китоб

Логос — юононча — фикр, ақл, сўз

Диалектика — юононча баҳс юритиш, муҳокама килиш усули

4-мавзу: ЎРТА ОСИЁДА ФАЛСАФИЙ ФИКРЛАРНИНГ РИВОЖЛАНИШИ

(4-9 маъruzалар)

РЕЖА

1. Ўрта Осиёда ўрта аср давридаги фалсафий таълимотлар
2. Тасаввуф фалсафаси
3. XVI—XX асрларда Ўзбекистон ҳудудидаги ижтимоий-фалсафий фикрлар
4. Ватанимиз ҳозирги даври фалсафаси

АДАБИЁТЛАР

И.А.Каримов. Ўзбекистон: миллий истиқолол, иқтисод, сиёсат, мағқура. Тошкент, “Ўзбекистон”, 1993 йил (84-85 б.)

Абу Наср Форобий. Фозил одамлар шаҳри (186 б.)

Абу Райхон Беруний. Таъланган асарлар. Т.І. (Қадимги халқлардан қолган ёдгорликлар). Т., “Фан”, 1968 йил

Абу Али ибн Сино. Тиб қонунлари. Т.І. Т. “Мерос”, 1992 йил (11-26 б.)

Темур тузуклари. Тошкент, “Мерос”, 1991 йил

Аҳмад Яссавий. Ҳикматлар. Тошкент, 1991 йил

Алишер Навоий. Мажолис ун-наоис. Тошкент, 1996 йил
Бобур Заҳириддин Мухаммад. Бобурнома. Тошкент, 1996 йил
Буюқ сиймолар, алломалар. Т. 1, 2. Тошкент, 1995–1996 йиллар

Ҳайруллаев М. Уйғониш даври ва Шарқ мутафаккирлари. Тошкент, “Ўзбекистон”, 1991 йил

1. Ўрта Осиёда ўрта асрлардаги фалсафий таълимотлар

V–VI асрларга келиб хукмрон руҳонийларга, зардуштийликка қарши қаратилган Маздак (770–529) бошлаб берган Маздак таълимоти шаклланди. Эронда кенг тарқалган Маздакийлик таълимотига биноан, оламда бўладиган жараёнлар онгли ва бирор мақсадни кўзлаб ҳаракат қилувчи эзгулик, ёруғлик манбаи билан кўр-кўrona ва тасодифий ҳаракатланувчи қоронгилик (жоҳиллик) манбаи ўтрасидағи курашдан иборат. Бу кураш “яхшилик”нинг устидан муқаррар ғалабаси билан тугалланади. Маздакизм деҳқонлар, уларнинг ҳуқуқларини ҳимоя этиб, тенглик, адолат ўрнатишга хизмат қилди.

Тарихдан маълумки, VI–VII асрларда шимолда Турк хоқонлиги вужудга келиб, у Эрондаги сосонийлар билан узоқ кураш олиб борди ва Ўрта Осиё халқларини ўзига қаратди.

Бу ерда қадимги турк тили тарқала бошлади. VIII асрга келиб минтақамизни араблар истило қиладилар ва улар ўзлари билан Ислом динини олиб келадилар ва босиб олган халқлар орасида турли йўллар билан уни тарқата бошладилар. Араб босқинчилигига қарши Абу Муслим, Муқанна, Ҳамза ас Ҳориж, Рафи ибн Лейлар бошчилигига қатор халқ кўзғолонлари бўлиб ўтди. IX асрнинг охирига келиб Ўрта Осиё мустақилликка эришди ва бу ерда сомонийлар ҳукмронлиги шаклланди. Сўнг бу ҳудудда Хоразмшоҳлар, Фазнавийлар, Салжуқийлар, Қораҳонийлар давлатлари фаоллик кўрсатади. Бухоро, Самарқанд, Марв, Кўхна Урганч, Хива каби шаҳарлар ўз даврининг маданият марказлари сифатида дунёга танилди.

IX–XV асрларда Шарқ мамлакатлари, биринчи навбатда, Ўрта Осиё халқларининг маданий-маънавий тараққи-

ётида, ижтимоий-сиёсий, ахлоқий, диний, фалсафий таълимотлар ривожланишида кескин ўзгариш, туб бурилиш даври бўлади. Ўрта Осиёнинг жаҳон маданияти тараққиётининг йирик ва марказий ўчоқларидан бирига айланиши худди шу даврга тўғри келади.

Ана шу даврларда Ўрта Осиё халқлари сафидан ўзининг ақл-идроки ва тафаккури, қомусийлиги билан инсониятни лол қолдирган фан ва маданиятнинг сўнмас юлдузлари, жаҳонга машҳур бўлган математик, астроном, химик, минеролог ва тиббиётчилар, шоир, ёзувчи ва санъатшунослар, файласуф ва тарихчилар, сўз санъатининг тожи ҳисобланган адабиётчи олимлар, саф-саф бўлиб етишдилар.

Буюк тафаккур эгаларининг бутун бир авлоди етишиб чиқсан, олам узра довруг таратган, жаҳонни илм, маърифат ва маънавият нури билан ёритган давр,adolat талаби бўйича, Шарқ тарихида олтин аср ёки **Ўйғониш даври** деб аталади. Донишманд боболаримизнинг илмий-фалсафий таълимотлари-умумбашарий аҳамиятга эга бўлган таълимотлардир. Шу нарса эътиборга сазоворки, Шарқ мутафаккирлари ўз даври долзарб ҳаётининг марказида бўлдилар, халқ ва Ватан манфаатини ҳимоя қилдилар. Бу уларнинг ҳақиқий баркамол инсон, оташин ватанпарвар, халқпарвар ва буюк аллома эканликларининг белгиси ва бош сабабидир. Ушбу буюк зотлар, қомусий ақл эгалари яшаган ва ижод қилган даврлардан бошлаб Шарқ, хусусан Ўрта Осиёда илм-фан ва маданият, фалсафа янада ривожлана бошлади. Бу ривожланиш, тўхтовсиз такомиллашиб бориши бир неча юз йилларни ўз ичига қамраб олди.

Ўрта Осиёнинг жаҳонга машҳур олимларидан бири **Мұхаммад ибн Мусо ал-Хоразмий** бўлиб, у тахминан 783 йилда Хоразмда туғилган ва IX асрнинг иккинчи ярмида, аниқроғи 850 йилда Боғдодда вафот этган. Хоразмий илмий-ижодий фаолиятининг жуда катта даври араб халифалигининг пойтакти Боғдод шаҳри билан узвий бөглиқдир. Хоразмий халифа Маъмун раҳнамолигида ислом Шарқининг Фанлар академияси — “Байтул-ҳикма” (“Донишмандлар уйи”)да ишлади. Бу илм даргоҳида у жуда кўплаб астрономик кузатишлар олиб борди, математик ва астроном-ларнинг катта бир илмий жамоасига устозлик қилди ҳамда

ўзининг кўпгина шоҳ асарларини ёзи. Хоразмийнинг Бағдодда яшаб ижод этган замондошлари орасида Аҳмад Фарғоний, Аҳмад ибн Абдуллоҳ Марвазий каби алломалар, Ўрга Осиёлик олимлар ўрта аср илм-фан ривожи ва ижтимоий — фалсафий фикр тараққиётига катта ҳисса қўшган эдилар. “Байтул — ҳикма”да хизмат қилган ушбу йирик олимлар қадимда ҳисоблаб чиқилган Ер айланаси узунлигини текшириш мақсадида Ер меридиани бир градусининг узунлигини ўлчашган. Барча тадқиқотларни ўтказиша Хоразмий бевосита иштирок этган.

Мұхаммад ибн Мусо ал-Хоразмийнинг кўп қиррали илмий қизиқишилари математика, назарий ва амалий астрономия, география, тарих ва бошқа кўплаб фанларга оид дир. Унинг номини тарихда абадий қолдирган асарларидан бири — “Ал-жабр вал-муқобала”дир. Бу эса Farb ва Шарқ олимларига алгебра фани бўйича дастури амал бўлиб хизмат қиласди. “Алгоритм” ва “Алгебра” деган атамалар ал-Хоразмий номи билан боғлиқдир.

Алломанинг алгебра, арифметика, математика, геометрияга оид асарлари асрлар давомида авлодлар қўлида мөросни тақсимлашда, васиятномалар тузишда, мол-мулкни бўлиб олишда, суд ишлари, савдо-сотиқ муаммоларида, шунингдек, ерларни ўлчашда, каналлар қазишида, бино қуришида катта хизмат қиласди.

Хоразмий айтиб ўтилган асарларидан ташқари “Китоб сурат ал арз” (“Ер сурати”) деган рисола ҳам ёzáди. Асарда у Птолемейнинг “География” номли китобини бутунлай қайта иглаб чиқди, шарқ мамлакатлари ва ҳалқлари тўғрисида кўпгина қимматли маълумотлар берди. Унда мамлакатлар, шаҳарлар, уларнинг номлари кўрсатилган ва бир неча изоҳлар берилган, ҳариталар мавжуд. Бу китобда Орол денгизининг тасвири ҳам берилган. Асарда бундан ташқари 637 та муҳим жойлар, 209 та топнинг географик тафсилоти, денгизлар ва океанлар ҳавzasининг шакли, уларда жойлашган оролларнинг муҳим координаталари баён этилган. Олимнинг бу китоби Шарқ мамлакатларида география фани ривожланишига катта ҳисса қўшди.

“Астрономик жадваллар”, “Қуёш соати тўғрисида рисола”, “Ҳинд китоби ҳақида рисола”, “Устурлаб қуриш ҳақида китоб”, “Зиж” (“Астрономик жадвал”), “Мусиқа

бўйича рисола”, “Тарих бўйича рисола” ва бошқа кўплаб нодир асарлар ҳам Мусо Хоразмий қаламига мансубдир. Ана шу асарлар номининг ўзиёқ Хоразмийнинг илмий тафаккури бениҳоя кенглиги, қомусий аллома эканлигини, нафақат ўз даврининг, балки ҳамма замонларнинг энг буюк математик ва табиатшунос олимни эканлигини кўрсатади.

Муҳаммад Мусо ал-Хоразмий илм-фан ва маданият оламида нафақат буюк математик ва табиатшунос олим, балки машҳур файласуф сифатида ҳам маълум.

Хоразмий маҳсус фалсафий асар ёзган бўлмаса-да, лекин унинг математика, геометрия, астрономия, география, тарих ва мусиқа илмига оид барча китобларида илгари сурилган, илмий исботланган фалсафий фикр-мулоҳазалар, назария ва таълимотлар сон-саноқсиздир. Унинг математика ва бошқа табиатшунослик фанлари илмий ютуқларига асосланиб ёзишича, табиий қонуний жараёнлар Оллоҳ томонидан тинимсиз ўсиш, ўзгариш ва ривожланишдадир. Унда нималар янгидан пайдо бўлади, маълум вақт мобайнида яшайди, кейинчалик бориб эса у ҳам эскира бошлайди ва пировард-оқибатда ўз ўрнини бошқа нарсага қонуний равишда бўшатиб беради. Эски нарса ўрнини янги, ўлаётган нарса ўрнини ўсаётган нарса эгаллаши, Хоразмий фалсафий таълимотида қайд этилишича, табиий-қонуний жараёндир. Бу жараён чексиз-чегарасиздир.

Хоразмий дунёдаги ҳар бир нарса ва ҳодиса моҳиятида бир-бирини инкор этибгина қолмай айни пайтда бир-бирини ўзаро тақозо этадиган, бир-бирисиз яшай олмайдиган икки қутб, икки қарама-қарши томон мавжуддир, тараққиёт улар ўргасидаги ана шу бирлик ва кураш асосида амалга ошади, деб кўрсатади ва ўзининг бу фалсафий таълимотини математика фани далиллари асосида илмий исботлайди.

Хоразмийнинг фикрича, дунё тўрт унсур-тупроқ, сув, ҳаво, оловдан ташкил топган. Дунёдаги барча нарса ва ҳодисалар ана шу унсуруларнинг бирикиши, ўзаро таъсири остида ҳосил бўлади ва яшайди.

Хоразмий чуқур илмий далиллар асосида мазмун билан шаклни, сабаб билан оқибатни, имконият билан во-

қеликни, миқдор билан сифатни, жамият билан табиатни ажратиб бўлмаслигини, улар ўзаро алоқадорлигини исботлаган эди.

Муҳаммад Мусо Хоразмийнинг билиш масаласига оид фикрлари ҳам муҳим аҳамиятга эга. У оламни инсон сезгиси ва билимининг манбаи деб билади. Унинг айтишича, оламдаги нарса ва ҳодисалар моҳиятини билиш ниҳоятда мураккаб, зиддиятли жараёндир. Лекин инсон бу масала да ҳам битмас-туганмас имкониятларга эгадир. Инсон ўзининг тиришқоқлиги, меҳнати ва амалий фаолияти, Оллоҳ ато этган ақл-идрок, қобилият ва истеъодод билан, дунёни аста-секин била боради — дейди Хоразмий.

Хоразмий ҳиссий ва ақлий билишнинг ўзига хос хусусиятларини, моҳиятини, ўзаро алоқадорлигини алоҳида таъкидлайди. Унинг айтишича, ақлий билиш ҳиссий билишсиз вужудга келмайди. Ҳиссий билиш борлиқнинг ташқи томонлари ҳақида билим бериш манбаидир. Ақлий билиш ёрдамида эса инсон нарса ва ҳодисаларнинг мураккаб ички тузилишини, моҳиятини, қонуниятини билуб олади. Ақлий билиш инсон билиш ривожининг юқори босқичидир. Бунда биз Хоразмийнинг ақлий билиш масалаларига алоҳида эътибор берганлигини кўриб турибмиз. Билишда инсон ақли ва амалиётининг аҳамиятини кўрсатганлиги буюк ватандошимизнинг ажойиб хизматларидан бўлиб ҳисобланади.

Мусо ал-Хоразмий дунёқарашида ижтимоий-фалсафий масалалар, хусусан, жамият ва унинг истиқболи ҳақидаги фикр-мулоҳазалари алоҳида ўрин эгаллайди. Жамият тараққиётида илм-фан ва маданиятнинг, одоб-ахлоқнинг, ислом дини, шариат қонуларининг катта ўрин тутиши ҳақида аллома томонидан баён этилган фикрлар ҳозирги давр учун муҳим аҳамият қасб этади. Одамларнинг ақл-идроқи, имон-эътиқодини мустаҳкамлаш, руҳан поклаши ва кишилар ўргасидаги инсоний муносабатларни мустаҳкамлашда фан ва маданиятнинг, диний қадрияларнинг муҳимлиги хусусидаги фикрлари таҳсинга сазовордир.

Буюк ватандошимиз Муҳаммад Мусо Хоразмийнинг нодир асарлари, яратган таълимоти, ижтимоий-фалсафий қарашлари ҳозирги авлод учун битмас-туганмас ҳазина, мустақиллигимиз учун хизмат қиладиган бебаҳо маъна-

вий бойлиkdir. Жаҳон илм аҳлининг 1983 йили Муҳаммад Мусо Хоразмийнинг 1200 йиллигини зўр тантана билан нишонлаганлиги буюк ватандошимизга кўрсатилган чексиз хурмат ва эҳтиромдир.

Абу Наср Форобий (870—950) нафақат Ўрта Осиё ва Шарқнинг, балки бутун дунёning асрлар оша эътироф этилган ва бениҳоя катта хурматига сазовор бўлиб келаётган буюк мутафаккири, қомусий олими, машхур файласуфларидан саналади.

Ўрта аср фан ва маданиятига бебаҳо ҳисса қўшган, Шарқ Уйғониш даврининг донишманди ҳисобланган Форобий милодий 870 йилда Арис дарёси Сирдарёга қўйиладиган Фороб деган жойда туғилган. У дастлабки билимни Форобда олган. Унинг илм-фанга бўлган кучли қизиқиши ва интилишига ўзи туғилиб ўsgан юртда олган билим кифоя қўлмаган. Тошкентда, Самарқанд ва Бухорода, Ўрта Осиёнинг бошқа ўлкаларида олган таҳсили унинг илм-маърифатга бўлган ташналигини қондира олмаган. Илмга жуда катта ҳаётий эҳтиёж сезган Форобий жаҳон илм марказларидан бири — Боғдодда қўним топган. Бу ерда у тинмай ўқиб-ўрганади, араб тили ва адабиётини мукаммал билиб олади. Кейинчалик Форобий Шом, Мис ўлкаларига бориб, ўз устида тинмай ишлаб, мударрислик қилиб йирик файласуф сифатида танилади, шогирдлар орттиради.

Форобий йирик файласуф, тилшунос, мантиқшунос, риёзатчигина эмас, шу билан бирга жамиятшунос, филолог, тиббиётчи, руҳшунос, мусиқа илмининг назариётчиси ва амалиётчиси ҳамдир. Форобий “Фалсафани ўрганишда нималарни билиш керак”, “Фалсафий саволлар ва уларга жавоблар”, “Логикага кириш”, “Шеър санъати”, “Шоирларнинг шеър ёзиш санъати қонунлари ҳақида”, “Илмларнинг келиб чиқиши тўғрисида”, “Мусиқа ҳақида сўз”, “Оҳанглар таснифи ҳақида китоб”, “Масалалар булоғи”, “Ақл тўғрисида”, “Инсон аъзолари ҳақида рисола”, “Фозил одамлар шаҳри”, “Давлат ҳақида” каби ва бошқа 160 дан ортиқ хилма-хил қимматли асарлар ёзди.

Форобий шуғулланган ҳар бир соҳа, у ёзган ҳар бир асар ўрта аср, янги давр ва ҳозирги замон олимлари таҳсини ва эътиборига сазовор бўлган. Форобий ёзган асарлар ўрта аср илмининг қарийб барча соҳаларини ўз ичига

қамраб олган. Унинг асарларини шунинг учун ҳам ўз даврининг кўзгуси, қомуси дейиш мумкин.

Форобий қадимги юонон мутафаккирлари ва табиатшунослари йирик асарларининг умумий мазмуни ва йўналишини илмий таҳлил қилиб маҳсус асарлар яратди. Арастунийнг “Метафизика”, “Риторика”, “Поэтика”, “Категориялар”, “Аналитика”, “Этика” ва бошқа кўплаб асарларни изоҳлаб берган.

Форобий ўрта аср фалсафаси ривожига катта ҳисса кўшди, биринчи бўлиб ўз давридаги илмларни тасниф қилди, яъни турларга бўлди. Ўзининг она тили-турк тилидан ташқари форс, юонон, суря, араб ва яна бир неча тилларни мукаммал билган. Шарқнинг машҳур тарихчи олими Ибн Халликон (1211–1282) фикрича тил билишда ҳеч ким Форобий эришган даражага эришолмаган. Унинг сўзи билан айтсан, Форобий етмишдан ортиқ тил билган.

Форобий ўз билими, маърифати, фикр доирасининг кенглиги, қомусийлиги, жаҳон фани тараққиётига қўшган бебаҳо ҳиссаси билан шу даражада катта шуҳратга эришдики, оқибатда уни ҳаётлигиданоқ Арастудан кейинги йирик мутафаккир, “Ал-Муаллим ас-Соний” — “Иккинчи муаллим”, “Шарқ Арастуси” номлари билан улуғланган.

Ўйгониш даврининг машҳур файласуфи Форобий худони “биринчи сабаб”, “биринчи моҳият” деб изоҳлади. Форобий барча мавжудотни, оламни, биринчи сабаб — худодан келтириб чиқаради. Унинг таъкидлашича, дунёнинг моддий асоси тупроқ, сув, ҳаво, олов ва осмондан иборат бўлиб, Форобий таълимотича, осмон жисмлари ҳам, ердаги жисмлар ҳам ана шу унсурларнинг бирикувидан вужудга келади. Форобий, ҳамма нарсанинг умумий жинси оламдир, оламдан ташқари ҳеч нима йўқдир, дейди.

Форобий оламдаги ҳар бир нарса материя ва шаклдан иборатлигига, материя ва шакл бири иккинчисига сабаб бўлиши мумкин эмаслиги, аксинча, ҳар иккалови ўзаро бирлиқда мавжудлиги хусусида ҳам ўз фикрини баён этади.

Алломанинг уқтиришича, ҳаракат материянинг объектив хусусияти, моддий оламдаги зиддият эса, ҳаракатнинг манбаидир, оламдаги нарса ва ҳодисалар тўхтовсиз ҳаракат ва ўзгаришда, ҳаракат, ўсиш-ўзгаришининг сабаби эса

бошланғич моддий унсурларнинг турлича қўшилишида-
дир.

Форобийнинг билиш ҳақидаги фикрлари ҳам эътибор-
га лойиқ. Билиш масаласига у инсон моҳиятини тушунти-
риб беришнинг таркиби сифатида қарайди. У инсон та-
раққиётининг маҳсули бўлиб ҳайвонот оламидан фарқ
қиласди, инсон — билиш субъектив, табиат эса унинг объек-
ти деб билади. Объект субъектга қадар мавжуд бўлади.
Сезилувчи нарса сезгиларга қадар мавжуд бўлгани каби
билинувчи нарса билишга қадар мавжуддир, дейди. “Илм
ва санъатнинг фазилатлари” рисоласида табиатни билиш-
нинг чексизлигини, билишнинг билмасликдан билишга,
сабабият билишдан оқибатни билишга қараб боришини
таъкидлайди.

Форобий билишда икки босқични — ҳиссий ва ақлий
билишни фарқлайди: ҳиссий билишни борлиқнинг ташқи
хоссалари ҳақида билим бериш манбаи деб қарайди. Шу
билан бирга у ақлий билиш ҳиссий билишсиз вужудга кела
олмаслигини уқтиради.

Инсон ўзини қуршаб турган моддий оламни, материа-
ни сезги аъзолари, ақл-идроқи орқали била боради.

Форобий асарларида, инсоннинг билиш, руҳий қоби-
лиятларини мия бошқаради, юрак эса барча аъзоларни ҳаёт
учун зарур бўлган қон билан таъминлайди, бу қувватлар-
дан бирортаси ҳам материядан ажralган ҳолда яшай ол-
майди, деган гоя илгари сурилган.

Форобий ижтимоий ҳаёт, жамият масаласида ҳам му-
ҳим фалсафий фикрларни ўргата ташлаган. У ўзининг
“Фозил одамлар шаҳри” китобида ҳар бир инсон ўз таби-
ати билан шундай тузилганки, у яшаш ва олий даражада-
ги етукликка эришмоқ учун кўп нарсаларга муҳтоҷ бўла-
ди, у бир ўзи бундай нарсаларни қўлга киритолмайди,
уларга эга бўлиш учун инсонлар жамоасига эҳтиёж туғи-
лади, дейди. Бундай жамоа аъзоларининг фаолияти бир
бутун ҳолда уларнинг ҳар бирига яшаш ва етукликка эри-
шув учун зарур бўлган нарсаларни етказиб беради.

Форобий инсонларни ўзаро ҳамкорликка чақиради,
дунёда ягона бир бутун инсон жамоасини тузиш ҳақида
орзу қиласди. “Бахт-саодатга эришув ҳақида” рисоласида
камолотга бир кишининг ёлғиз ўзи (бировнинг ёки кўпчи-

ликнинг ёрдамисиз) эришуви мумкин эмас. “Ҳар бир инсон ўз табиати билан шундай тузилганки — дейди Форобий, — у яшаш ва олий даражадаги етукликка эришмоқ учун кўп нарсаларга муҳтоҷ бўлади, у бир ўзи бундай нарсаларни қўлга кирита олмайди, уларга эришиш учун инсонлар жамоасига эҳтиёж туғилади... Шу сабабли яшаш учун зарур бўлган, кишиларни бир-бирига етказиб берувчи ва ўзаро ёрдамлашувчи кўп кишиларнинг бирлашуви орқалигина одам ўз табиати бўйича интилган етукликка эришуви мумкин. Бундай жамоа аъзоларининг фаолияти бир бутун ҳолда уларнинг ҳар бирига яшаш ва етукликка эришув учун зарур бўлган нарсаларни етказиб беради”¹

Форобий давлатни ҳар томонлама етук, ўзида энг яхши инсоний фазилатларни жо қилган кишилар ёрдамида идора этиш зарурлигини қайд этади. Шунингдек, у ҳар томонлама етук аҳолини илм-маърифатга олиб борувчи идеал жамоа ҳақидаги ҳаёлотини олга суради. “Фозил одамлар шаҳри” китобида Форобий давлатни бошқарувчи Оллоҳдан бошқа ҳеч кимга бўйсунмаслиги керак, у табиатан ўн иккита хислат-фазилатни ўзида бирлаштирган бўлиши зарур, дейди ва уларни бирма-бир санаб кўрсатади.

Форобийнинг “Фозил одамлар шаҳри” китобидан келтирилган юқоридаги доно фикрлар ҳозирги мустақиллик шароитида яшаб фаолият кўрсатаётган шаҳар, туман, вилоят раҳбарларига, олимларига, зиёлиларига, каттаю-кичик барча кишига бевосита таалуқлидир. Форобийнинг илмий-фалсафий таълимоти инсониятнинг мислсиз маънавий бойлиги ва маданий-маънавий камолоти йўлидаги дастури — амалидир.

Инсоният Абу Али ибн Сино (980–1037)ни жаҳон фани ёки маданиятининг юқори чўққиси, Уйғониш даври маданиятининг йирик арбобларидан бири сифатида билади ва эъзозлайди.

Буюк аллома бор-йўғи эллик етти йил умр кўрди, бу умрдан ўн саккиз йили илм таҳсилига сарф бўлди. Умрнинг кўп вақти зинданда, талон-тарож бўлиш ва ўлим хавфи остида ўтди. Аммо шу йиллар давомида бениҳоя кўп

¹ Абу Наср Форобий. Фозил одамлар шаҳри. Тошкент, 1993, 186-бет.

илмий ишлар ёзди. Ибн Сино тўрт юздан ортиқ асарлар ёзди. Унинг ёзган асарлари илм-фаннынг барча соҳаларига таалуқлидир. Шундан 242 таси бизга етиб келган. Аллома асарларидан 80 таси фалсафа, илоҳиёт, тасаввуфга, 43 таси табобат, 19 таси мантиқ, 26 таси эса руҳшуносликка бағишиланган.

Ибн Сино ўз асарлари билан Ўрта Осиё ҳалқлари маданиятини дунё маданиятининг олдинги қаторига олиб чиқди. Шунинг учун ҳам уни “Шайхур-раиси” — “Олимлар бошлиғи” деб аталиши бежиз эмас. Олимнинг асосий фалсафий асари “Китоб ат шифо” (“Даволаш китоби”), “Донишнома”, “Нажот,” Китоб ул инсоф” (“Адолат китоби”), “Китоб ал-қонун фит тиб”, (“Тиб қонунлари” китоби)дан иборат.

Ибн Синонинг “Донишнома” номли фалсафий китоби беш хил илмни — мантиқ, тибиёт, илми ҳайъат (астрономия), мусиқа, илоҳиётни ўз ичига олади.

Ибн Сино ўтмишдошлари ва замондошлари сингари худони эътироф этади, уни борлиқнинг биринчи сабаби ва манбай деб тушунади.

Ибн Синонинг айтишича, фалсафа борлиқ ҳақидаги фандир. Борлиқ эса абадийдир, у шаклини ўзгартириш, бир кўринишдан иккинчи кўринишга ўтиши мумкин, лекин унинг ўзи, материя йўқолмайди. Материя доимо вужудга келиши мумкин бўлган нарсалардан олдин мавжуд бўлиб, бу нарсалар уларни ташкил этувчи материяга муҳтождир деб кўрсатади.

Ибн Сино жисмлар тўрт унсурдан ташкил топган, дейди. Бу тўрт унсур — ҳаво, сув, олов, тупроқ — ўзаро борлиқ, бир-бирига таъсир этади. Шундан у ёки бу нарса пайдо бўлади ёки йўқолади. Лекин уларнинг асоси — тўрт унсур ўзгармайди, йўқолиб кетмайди.

Ибн Сино тўрт унсурдан иккитаси енгил ва иккитаси оғир, дейди. Енгиллари олов ва ҳаводан иборат бўлса, оғирлари сув ва ер — тупроқдир. Ер оддий жисм бўлиб, унинг табиий ўрни ҳамма жисмларнинг ўртасидир. Ернинг табиити совуқ ва қуруқдир. Сув оддий бир жисм бўлиб, табиий ўрни билан, ер ва ҳаво ўз табиий ўринларида, бўлганиларида ерни ўрайди ва ҳавога ўралиб туради. Сув совуқ ва хўлдир. Сув ташқи таъсирлар туфайли зарраланиб тарқа-

ларнинг оқиши йўллари, олдингидан бошқача бўлиб қолди, куруқликда бир вақтлар бўлмаган кўллар, денгизлар ҳосил бўлди, баъзилари эса йўқ бўлиб кетди, тоғлар емирилди. Ана шу табиий сабаблар туфайли ўша жойлардаги шароитлар ўзгариб кетди.

Беруний ердаги иқлиминг, мавсумларнинг ўзгариб туриши Қуёшнинг ҳаракатига боғлиқ эканлигига ҳам эътибор берган. “Астрономия қалити” асарида Беруний Ернинг айланмаслиги ҳақидаги эскича тасаввурларга шубҳа қилиб, Ер айланади, унинг ҳаракати қонуний равишда ва астрономик ҳодисаларга мувофиқdir, дейди.

Мутафаккирнинг “Қадимдаги халқлардан қолган ёдгорликлар” асарида нур ва замон, нурнинг тезлиги, нур ҳаракати ва товуш ҳаракати, нур ва иссиқлик, нур ва қоронгулик, Ой нури ва Қуёш нури сингари масалалар ҳам баён этилган.

Беруний материя доимо ўзгариб, ҳаракат қилиб, янгилашиб, турли шаклга кириб туриши, моддий нарсалар ва уларнинг ҳаракати абадий эканлигини алоҳида қайд қилади. Унинг фикрича, оламда нарсалар ва ҳодисалар доимо ривожланиб ва ўзгариб туради.

Беруний коинотида Ердан, бизнинг сайёрамиздан ташқари яна бошқа дунёлар мавжудлиги тўғрисидаги ҳамда ҳаракат зиддиятга асосланиши ҳақидаги илмий фаразларини ҳам илгари суради. Унингча, табиатда маълум қонуният бор, табиат ҳодисаларни ўша қонуниятларга, табиатнинг ўзига асосланиб изоҳлаш, тушуниш керак.

Буюк мутафаккирнинг дунёни билиш мумкинлигини, унинг ўзига хос ҳусусиятлари, табиатни билишнинг эксперемантал методлари ҳақидаги фалсафий таълимоти ҳам жуда катта илмий-амалий аҳамиятига эга.

Беруний таълимотига кўра, табиатни билиш жараёни сезгиларидан бошланиб тафаккурга кўтарилади, маълум нарсалардан номаълум нарсалар ва ҳодисаларни билишга томон ривожланиб боради. Билиш жараёнида ҳиссий билиш — сезги, идрок, хотира кабиларга Беруний катта эътибор беради ва уларсиз табиат ҳодисалари ҳақида тасаввур ҳосил қилиш мумкин эмаслигини таъкидлайди.

Билиш жараёнида кузатиш, таққослаш муҳим аҳамият касб этишини, бу масалада инсон хотирасининг аҳамияти

катталигини Беруний бир неча бор қайд этган. Унинг таъкидлашича, хотираси яхши одам ҳамма нарсаларни яхшироқ, тезроқ ва осон эслаб қолади.

Беруний тарихий ҳодиса ва жараёнларни билишда инсон ёлғон-яшиқларга, нотўғри маълумотларга, юзаки хабарларга асосланмаслиги, масалаларни ҳар тарафлама, мукаммал қилиш, ўрганиш зарурлигини айтиб ўтган. “Хиндистон” номли асарининг муқаддимасида бу ҳақда қуидагиларни таъкидлаган: “Хабар кўз билан кўргандек бўлмайди, деган кишининг сўзи жуда тўғридир. Чунки кўриш кўринган нарсанинг ўзи бор пайтда ва ўз жойида турганида қаровчи кўзининг уни учратишдан иборатдир. Хабарга ёлғон-яшириқлар қўшилмаганда, у кўришга нисбатан ортиқроқ ўринда турган бўлар эди. Чунки кўриш ва қараш вақти нарса бор вақтнинг бир бўлаги билан чеклади... Ёзиш хабар турларининг бири бўлиб, уни бошқа турлардан кўра шарафлироқ санаш мумкин, қаламнинг абадий излари бўлмаганда, халқларнинг хабарларини қандай билар эдик”¹.

Берунийнинг жамият, унинг истиқболи, келажак сари ривожланиб боришида меҳнатнинг, илм-фан, маданият ва маънавиятнинг, инсон омилларининг роли ва аҳамияти борасида билдирган фикр-мулоҳазалари ҳам бебаҳодир. Файласуф олим инсон ўзидан бошқаларнинг ҳам баҳт-саодатини ўйлаш зарурлиги ҳақида гапириб “Минералогия” асарида бундай деган: “Инсоннинг қадр-қиммати ўз вазифасини аъло даражада бажаришдан иборат. Шунинг учун ҳам инсоннинг энг асосий вазифаси ва ўрни меҳнат билан белгиланади. Инсон ўз хоҳишига меҳнат билан эришади”

Беруний жамият тараққиётини фан тараққиётида кўради, илм диний ва ҳудудий чегараларга қарамай инсон ва инсониятга, мамлакат халқларига хизмат қилиши керак, деб ҳисоблайди. “Менинг бутун фикри-ёдим, қалбим, билимларни тарғиб қилишга қаратилган, чунки мен билим орттириш лаззатидан баҳраманд бўлдим, буни мен ўзим учун катта баҳт деб ҳисоблайман, — деб ёзган эди олим.

XIV–XV асрларда Ўрта Осиёда юзага келган Ўйғониш даври соҳибқирон **Амир Темурнинг** (1336–1405) фаолияти

¹ Абу Райҳон Беруний. Танланган асарлар. Тошкент, “Фан” нашриёти, 1965, 25-бет.

билан бевосита боғлиқдир. Унинг Мовароунахрда марказий ҳокимиятни қўлга киритиш, феодал тарқоқликка барҳам бериш ва марказлашган давлат тузишдаги хизматлари Ўрта Осиё ҳалқлари тарихидаги дунё аҳамиятига эга бўлган воқеадир.

Амир Темур катта империя барпо этди. У давлатни мустаҳкамлашда савдогарларга, ҳунармандларга, шайхларга таянди, илм-фан, адабиёт, санъат тараққиёти учун қулай шароитлар яратди, хорижий мамлакатлардан олиму фузалоларни, илоҳиётчиларни, санъат намоёндаларини Самарқандга олиб келди. Натижада меъморчилик, рассомчилик, нақошлик маданият, илм-фан тараққиёти юксак чўққи-ларга кўтарилди.

Амир Темурнинг хаёти, фаолияти унинг “Темур тузуклари”¹ номли асарида батафсил ёритиб берилган.

Темурийлар сулоласидан номи Шарқ мусулмон оламидагина эмас, Фарbdаги христиан дунёсида ҳам бир неча асрлар мобайнида ёд этилиб ва эъзозланиб келинаётган буюк зотлардан бири соҳибқирон Амир Темурнинг суюкли набираси, Шоҳруҳ Мирзонинг ўғли — **Муҳаммад Тарагай — Мирзо Улугбек** (1394–1449 йиллар)дир.

Ҳазрат Алишер Навоий таъбирлари билан айтадиган бўлсақ, Амир Темур наслидан чиққан Улугбекдек сultonни олам ҳали кўрган эмас.

Жаҳонда Улугбек номи билан шуҳрат қозонган Муҳаммад Тарагай 1394 йил 22 марта туғилди. Бобоси Амир Темурнинг катта хотини Сароймулк-Бибихоним тарбиясини олиб улгайди. Амир Темур унга алоҳида эътибор билан қараган. Саройда бўладиган маслаҳатлар, олимлар билан бўладиган учрашувлар ва сұхбатларда, чет эллардан келганиларни қабул қилиш, шунингдек, ҳарбий машқ ва юришларда Улугбек иштирок этган. Амир Темур ўз набираси Улугбекни қиличбоз саркарда эмас, балки буюк олим бўлиб етишишини орзу қилган ва шу йўлда унга раҳнамолик қилган.

Мирзо Улугбек ёшлик пайтлариданоқ қаерда бўлмасин, олимлар, шоирлар, санъаткорлар, диний уламолар, шайхлар, дунёга таниқли алломалар даврасида бўлган,

¹ Темур тузуклари. Тошкент, 1991 йил.

илмий баҳслардан маънавий баҳра олган, илҳомланган, улардан кўп нарса ўрганган, аста-секин қўзи пишиб, ақли теранлашиб, фикран бойиб, дунёқараши кенгайиб ва чукурлашиб борган.

Ўта мураккаб, алғов-далғовли ва зиддиятли бир шароитда яшаган ва шаклланган Улуғбек мамлакатнинг сиёсий ва иқтисодий ҳаётини бошқариш билан бир қаторда илмий ишлар билан ҳам шуғулланди, олимларга раҳнамолик қилди, ўз устида тинимсиз ишлаб, ўтмиш илмий билим хазиналарини тинмай ўрганди, мутолаа қилди, илмий-фалсафий тафаккурни муттасил кенгайтирди ва чукурлаشتирди. Улуғбек Аҳмад Фарғоний, Мусо Хоразмий, Абу Наср Форобий, Абу Али ибн Сино, Абу Райҳон Беруний сингари ўтмишдошларининг фалсафа, мантиқ, тарих, математика, астрономия, табиатшунослик ва фикрга оид асарларини катта қизиқиши билан ўрганди. Юнон олимларидан Афлотун, Арасту, Птоломейнинг классик асарлари билан таништириди. Илм-фан ва маданиятининг, тарих ва фалсафанинг Улуғбек эътиборидан четда қолдирган бирон-бир соҳаси қолмади.

Ўтмиш аждодлардан, хусусан, Ўрта Осиё қомусий ақл эгаларидан қолган маданий мерос, умуминсоний мазмундаги маънавий қадриятлар Улуғбек илмий-фалсафий дунёқараши ривожида манба бўлиб хизмат қилди. Улуғбекнинг билими ва тафаккури замондошларидан бир неча бор ўзиб кетган эди.

Улуғбек бошқа кўпгина ҳокимлардан фарқли ўлароқ, ҳам давлат арбоби, ҳам асил олим сифатида фаолият кўрсатди, олимликни арбоблик, арбобликни олимлик билан кўшиб олиб борди илму амал йўлини ўз фаолиятида бирлаштириди.

Давлат арбоби сифатида қурилиш ишларини ҳаддан ташқари ривожлантириди, пойтахтни меъморчилик санъати билан безади, улкан бинолар билан обод қилди, ўзигача бошланган қурилишларни ниҳоясига етказди.

Улуғбек замонида Самарқандда “Шоҳизинда”, “Гўри Амир” мақбараси сингари йирик меъморий ансамбллари, Регистонда катта хонақо, бир қанча шифохона, ҳаммом ва кутубхоналар қурилди. Ҳунармандчилик ишлаб чиқариши, савдо ривожланди. Унинг фармонига биноан 1420

йилда Бухоро ва Самарқандда, 1432–1438 йилларда Фиждувонда мадрасалар қурилди.

Мирзо Улугбек ҳукмронлиги даврида адабиёт, санъат, тарих, фалсафа, тиббиёт, шеърият билан бир қаторда математика, астрономия сингари аниқ фанлар ҳам тез ривожланди.

Ўзи алломаи жаҳон ҳисобланган Мирзо Улугбек фан ва маданият тараққиётига алоҳида аҳамият бериб, атрофига ўз замонасининг энг буюк олимларини тўплаб, улар билан яқин илмий мулоқотда бўлиб, илмий йўналиш ва йўл-йўриқлар бериб турди.

Улугбек даврида “Зубдат таворих” (“Салномалар қаймоғи”) номли ажойиб асар ёзган тарихчи Лутфулла Ҳофизи Абру (1431 йилда қазо қилган), “Ат-тарифати Журжоний” номли фалсафий рисола муаллифи Али ибн Мұхаммад Журжоний (вафоти 1413 йил), машҳур тиббиёт олими Мавлоно Нафис, лирик шоирлардан Сирожиддин Бастойи Самарқандий (1412 йилда вафот этган), Ҳаёлий Бухорий (1449 йилда вафот этган), 1409–1410 йилларда ёзилган “Юсуф ва Зулайҳо” достони муаллифи Бадахший Дурбек, қасида жанрида ижод қилган Саккокий (1465 ёки 1468 йилда вафот этган) ва бошқа кўплаб таниқли олим ва санъаткорлар яшаб ижод этишган.

Математика ва астрономия илмида ғоят билимли бўлган, “Афлотуни замон” таҳаллусига сазовор бўлган Салоҳиддин Мусо Қозизода Румий, таниқли математик ва астроном Фиёсиддин Жамшид ибн Масъуд, унинг ўели Мансур Коший, ўз даврининг “Птоломей” деб ном олган Али Қушчи, Мирам Чалабий сингари иирик олимлар ҳам Улугбекнинг илмий раҳбарлиги остида самарали илмий тадқиқот ишларини олиб борганлар.

Улугбек фан ва маданиятда, айниқса, математика ва астрономия илмидаги мавжуд бўлган имкониятларни, илмининг ҳамма соҳалари бўйича ўта қобилияти ва истеъоддли олимларнинг борлигини эътиборга олиб янги мактаб — илми тафаккур марказини яратишга қарор қилди. Ана шу мақсадда, айтиб ўтилганидек, кўплаб мадрасалар қурилди. Қурилган мадрасалар ичida энг муҳташами ва машҳури — Самарқанд мадрасасидир. 1420 йилда мадраса очилган куни биринчи бўлиб маърузани Мавлоно Шамсиддин

Муҳаммад Ҳавофий мударрис сифатида ўқиган. Муҳаммад Ҳавофийнинг олимлардан 90 киши иштирокида ўқиган маърузасини ўта чуқур маъноли, жуда мураккаб, илм-фанинг барча соҳаларини қамраб олганлиги ҳамда муаммоли тарзда бўлганлиги сабабли унинг нозик қирраларини Улуғбек билан Қозизода Румийдан бошқа ҳеч ким тушунмаган.

Замонасининг дорилфунуни ҳисобланган Самарқанд мадрасаси ҳамда бошқа мадрасаларда Қуръон, ҳадис, тафсир, фикҳ (дин ва шариат қонун-қоидалари) билан бир қаторда риёзат, ҳандаса (геометрия), илми ҳайъат (астрономия), тиббиёт, тарих, география, илми аruz (поэтика), араб тили ва унинг морфологияси каби дунёвий илmlар ҳам ўқитилган. Мадраса ўз даврининг йирик илмий марказига айланган. Улуғбек йирик олимлар ва қўпчилик шогирдлари билан бирга мунтазам ишлар олиб борилган.

Улуғбек 1424—1428 йилларда Самарқанд яқинидаги Обираҳмат анҳори ёнидаги расадхона қурдирди. Олимларнинг эътирофларича Самарқандда барпо этилган Улуғбек расадхонасига ўзининг жиҳози, илмий ютуқлари билан тенглаша оладиган расадхона на ундан олдин, на ундан кейин ҳам яратилган эмас. У аҳоли ўртасида “Нақши жаҳон” деган ном билан шуҳрат қозонган. Расадхонада олиб борилган кузатиш ва тадқиқотлар туфайли 1018 қўзғалмас юлдузларнинг ўрни ва ҳолати аниқланиб, уларнинг астрономик жадваллари тузилган. Улуғбекнинг астрономик жадвали ва унинг раҳбарлигига бино қилинган расадхона ўша давр астрономия фани ютуқларининг чўққиси бўлиб, фан тараққиётига чуқур из қолдирди.

Қомусий билим эгаси бўлган Мирзо Улуғбек риёзат, фалакиёт, мусиқашунослик, фикҳ, тарих илмлари соҳасида ижод қилган. Мирзо Улуғбек ҳазратлари “Бир даражанинг синиусини, аниқлаш ҳақида рисола”, “Рисоладар илми мусиқа”, “Рисолай Улуғбек” номли асаридан ташқари “Тарихи арабъ усул” деган йирик тарихий китобнинг ҳам муаллифидир. Улуғбек номини бутун дунёга ёйган, унга шон-шуҳрат келтирган бебаҳо асар “Зижи жадиди Кўрагоний”дир. Бу асар Улуғбекнинг йигирма йил давомида олиб борилган астрономик кузатишларининг нати-

жаси бўлиб, унинг асосий қисми юлдузлар жадвалидан иборатдир. Улуғбек ўлимидан кейин икки юз йил давомида бу жадвал ўзининг аниқлиги ва илмийлиги билан тенги йўқ ҳисобланиб келинган.

Мирзо Улуғбек ҳаёти, амалий фаолияти илм-фан тараққиётига бағишиланган эди. У илм ёрдамида келажакни олдиндан кўрди. Улуғбекнинг астрономия ва бошқа фанлар соҳасидаги қашфиётлари ва илмий таълимотлари инсониятнинг кейинги илмий тафаккури ривожига фавқулодда муҳим замин тайёрлаб берди.

“Мирзо Улуғбекнинг, — дейди И.А.Каримов, — умумбашарий қадриятларга қўшган ҳиссаси бекиёс бўлиб, у бугунги кунда ҳам ҳаётимизда улкан аҳамият касб этмоқда ва Ўзбекистоннинг ҳалқаро обрўсини ошириш йўлида катта хизмат қилмоқда”¹

Жаҳон маданияти тарихида ўчмас из қолдирган буюк мутафаккирлар орасида фахрли ўрин соҳиби Алишер Навоий (1441—1501 йиллар)дир.

Туркийзабон шоир, олим ва мутафаккир Алишер Навоийнинг илмий дунёқараши, фалсафий таълимоти у яшаган ва ижод этган ижтимоий-иқтисодий, сиёсий, маданий-маънавий муҳит ва шароитлар таъсирида шаклланади ва ривожланади.

Навоий бутун олам, борлиқ, коинот худо томонидан яратилганини эътироф этади. Бутун дунё, шу жумладан, табиат ва жамият ҳам, алломанинг фикрича, Оллоҳнинг намоён бўлиши, зуҳр этилишидир. Унинг бу фикри тасаввуф фалсафасидаги, худо бутун мавжудотнинг, борлиқнинг яратувчиси, қолган ҳамма нарса, жумладан инсон ҳам унинг зарраларидир, деган қоидага тўла асослангандир. Тасаввуф фалсафаси қоидасига кўра инсон худо томонидан яратилган бўлиб, бошқа маҳлуқотлардан фарқли ўлароқ иложий аклiga эгадир.

Оlamнинг яратилишидан бош мақсад, олимнинг таъкидлашича, — инсондир. Инсон бутун борлиқнинг кўрки ва шарофатидир. Олам кўрки бўлган инсон вужуди табиатдаги бошқа нарсалардан ўтган, сувдан, ҳаводан, тупроқ-

¹ Каримов И.А. Истиқлол ва маънавият. Тошкент, “Ўзбекистон”, 1994, 98-бет.

дан ташкил топгандир. Навоийнинг таъкидлашича, инсонда ҳис, руҳ, ақл бордирки, унинг бу руҳий ҳаёти ўша тўрт унсурдан таркиб топган жисм аъзолари томонидан ҳаракатга келтириб туради. Жон ва руҳни тана ва жисмдан ажратиб бўлмайди, улар ўзаро бир бўлганликлари учун тириклир.

Алишер Навоий инсонга биологик ҳодиса сифатида эмас, балки ижтимоий мавжудот тариқасида қарайди ва баҳо беради. Ижтимоий мавжудод ҳисобланган инсоннинг хулқ-атвори, дунёқараши, одоб-ахлоқи, маънавий қиёфаси, ижтимоий муҳитга боғлиқ. Инсон ижтимоий муҳит ҳосили сифатида шаклланиб, камолотга эриша боради.

Алишер Навоий асарлари марказида турган белгиловчи ва йўналтирувчи бош масала — инсон, халқ, Ватан, унинг гуллаб-ящаши, истиқболи ҳақидаги муаммолардир. Навоий инсон ва унинг тақдирни, халқ ва унинг манфаатлари йўлида ғамхўрлик қиласидиган кишиларни улуғлади.

Алишер Навоий инсонни бутун коинотнинг марказий сиймоси, бутун мавжудотнинг тожи, деб билади. Бутун мавжудотнинг тожи, олий нуқтаси бўлган инсонни безайдиган гўзал хислат ва фазилатлар сифатида одоб-ахлоқи, камтар, муруватли, ростгўй, меҳнатсевар, сахий бўлишини алоҳида таъкидлайди. Навоий меҳнатсеварликни текинхўрликка қарши қўяди, текинхўрликдан нафратланади.

Алишер Навоий билишнинг мазмун ва моҳияти, асосий босқичлари, ўзига хос хусусиятлари ва мураккабликлари борасида ҳам ўзининг фикрларини баён этган.

Навоий инсон ўзининг беш сезги аъзолари орқали ташқи моддий дунё билан алоқа боғлади ва у тўғрида аниқ маълумотга эга бўлади, уларни миясида тафаккур ёрдамида умумлаштиради, қайта ишлайди, сўнгра Муайян хуласа чиқаради, дейди.

Навоийнинг асарларида мазмун билан шакл, уларнинг бир-бирига бўлган муносабати ҳақида ҳам қимматбаҳо фикрлар баён этилган. Унинг фикрига кўра мазмун ҳеч қачон шаклсиз бўлмайди. Шакл маъно учун хизмат қиласидиган, унинг муваффақиятини, тақдирини ҳал этишда яқиндан иштирок этадиган бамисоли либосдир. Навоий шу тариқа мазмунни бир гўзалнинг танасига, шаклни эса кийган кийимга, либосига, унга бериладиган безакка қиёслайди.

Алишер Навоийнинг иқтисодий омиллар, меҳнат ва ишлаб чиқариш, моддий бойликларни яратиш, фан ва маданият, таълим-тарбия, ижтимоий адолат, одоб-ахлоқ ҳақида баён этган фалсафий фикрлари ҳам эътиборга са-зовордир.

Ўз даврининг мураккаб ва зиддиятли ижтимоий-сиёсий ҳаётида муҳим ўрин тутган йирик сиймолардан бири **Заҳириддин Муҳаммад Бобур** (1483—1530)дир.

Бобур жуда мураккаб ҳаёт, кураш ва ижодий фаолият йўналишини босиб ўтди. Тарихий шароит туфайли ўз юрти Мовароуннахрни тарк этиб кетишга мажбур бўлди. Бобур ва бобурийларнинг тарихий ҳаракатлари туфайли Афғонистон ва Ҳиндистоннинг сиёсий, иқтисодий, маданий ҳаётида катта ўзгаришлар рўй берди, илм-фан, адабиёт ва санъат юксалди, равнақ топди.

Бобур ҳар томонлама кенг ва чуқур билимга эга бўлган буюк сиймодир. У, аввало, ўз даврининг фарзандидир. Буюк мутафаккир бобомизнинг асарлари, лирик шеърлари ва рубоийларида инсон учун Ватандан азиз, Ватандек муқаддас, Ватандек олий неъмат йўқлиги, одам учун неки муқаддас бўлса, барчаси Ватан билан боғлиқлиги айтиб ўтилади.

Бобурни дунёга танитган муҳим асари унинг “Бобурнома” сидир. У қомусий асардир. Унда мураккаб ижтимоий-тарихий воқеалар билан бирга илм-фан, маданият ва маънавиятнинг, халқ оммаси ҳаётининг турли соҳаларига тааллукли жуда қимматли фалсафий фикр-мулоҳазалар, ҳаётий тафсилотлар, маълумотлар берилган.

IX—XV асрларда ислом таълимоти ривожига улкан ҳисса кўшган **Исмоил ал-Бухорий**, ал-Марвазий, аш-Шоший, ас-Самарқандий, **Жамолиддин ан-Насафий**, Имом ат-Термизий, **Хўжа Аҳмад Яссавий**, Абдулҳолиқ **Ғиждувоний**, Баҳовуддин **Нақшбанд**, **Хўжа Аҳрор Вали** сингари буюк алломалар ижод этдилар.

Булар орасида **Муҳаммад иби Исмоил ал-Бухорий** (810—870) ёшлик даврларидаёқ ақл-идрокли, ўткир зеҳнли ва кучли хотирага эга бўлиб, барча илоҳий ва дунёвий билимларни чуқур ўрганишга киришганлар. У буюк зот ўзларининг асосий эътиборларини ҳадис илмини зўр иштиёқ ва ҳафсала билан ўрганишга қаратадилар.

Исмоил Бухорий ислом динига оид йигирмадан ортиқ асар ёзганлар. Ул зоти шарифнинг “Ал-Жомиъ ас-саҳиҳ” (“Ишонарли тўплам”) деб номланган тўрт жилдан иборат ҳадислар тўплами Шарқда қарийб ўн икки аср давомида Ислом таълимотида Қуръони Каримдан кейин асосий манба сифатида юқори баҳоланиб келинмоқда.

Шарқ илк Уйғониш даврининг Аҳмад Юғнакий, Юсуф Ҳос Ҳожиб, Махмуд Қашғарий сингари забардаст мутафаккирларининг “Ҳибатул ҳақойик”, “Қутадғу билиг”, “Девону луготит турк” номли машҳур адабий-фалсафий асарларида дунёниг турланиб-тусланиб, бир кўринишдан иккинчи кўринишга ўтиб туриши, янгининг эскириши, вақти келиб инкор этилиши, табиат каби жамият ҳам ўтмишдан келажакка томон юксалиб бориши сингари фалсафий масалалар ўзининг чукур илмий ифодасини топган. Шунингдек, уларнинг фалсафий таълимотларида манманлик, кибру-ҳаво, мол-дунёга ҳирс қўйиш, бахиллик, очкўзлик, текинхўрлик, ялқовлик, қоралангандан, саховат, ижтимоий адолат улуғланган, сахийлик бахиллик ва зиқналийка қарама-қарши қўйилган.

Ўрта Осиёда фалсафий ва ижтимоий-сиёсий қарашлар тараққиётида беқиёс катта ўрин тутган мутафаккирлардан бири **Мизро Абдулқодир Бедил** (1644—1721)дир. Ўз даврининг атоқли файласуфи ва шоири ҳисобланган Бедил Ўрта Осиё халқлари маданияти ва фалсафаси ривожига улкан ҳисса қўшган буюк санъаткор сифатида юксак эҳтиромга сазовор бўлди.

Бедил адабиёт ва фалсафа соҳасида ўзидан қимматбаҳо илмий мерос қолдирди.

Мизро Бедил фалсафий фикри негизини объектив олам мавжудлигини эътироф этиш ташкил этади. Унинг таълимотига кўра табиат абадий, ундаги нарса ва ҳодисалар ўзаро боғлиқ ҳамда дунё ҳамиша ўзгариш, ривожланиш ҳолатида туради. У ўзининг “Чор унсур” (“Тўрт унсур”) китобида табиат абадий ҳақиқатдир, яъни абадий бордир, унинг навлари, шакллари, кўриниши хилма-хиллиги ҳам ўзидандир. Бизлар — инсонлар эса бу оламга келиб-кетувчи, йўқ бўлувчилармиз, дейди.

Оlam, — деб таъкидлайди Бедил, — сифат жиҳатдан ҳам, сон жиҳатдан ҳам бир лаҳза бўлса-да бир ҳолатда турмай-

ди. Бедил абадий мавжуд бўлган материяни шакл билан биргаликда олиб қарайди. Буни унинг шаклларисиз материя мундарижаси кўринмайди, материя пардани очмаса, шакллар ифодаланмайди, материя шакллар жиҳатида яшириндир, шакллар материяда имконият ҳолатидадир, деган сўзлардан билиб олишимиз мумкин.

Бедилнинг тушунтиришича, жисм — нарсалар таркибида (мавжудот бирлиги) деган таълимотда чуқур ифодаланган. Унда айтилишича, модда билан руҳ, тан билан жон бир-бирига боғлиқ.

Жисмлар оламини руҳларсиз тушуниш ҳам тўғри эмас. Тан қуввати тан саломатлигидадир. Агар тан қувватига зарар етса, руҳнинг қуввати ҳам зарар кўради.

Бедил инсон ўз вақтида овқатланиб турмаса қувватдан кетади, меҳнат қобилиятини албатта йўқотади, — деган эди. У ўз фикрини давом эттириб, тарки дунё қилганлар, гадойлар ўзларини азоб-уқубат чекишга мажбур қиладилар, ўз таналарини мурдага айлантириб, бу дунёдаги ҳамма ноз-неъматлардан воз кечадилар, натижада уларнинг руҳлари сўнади, бундай кишилар кўз олдиларида парилар, жинлар гавдаланади, натижада улар ақддан озиб, жинни бўлиб қоладилар, худди ёғи озайиб бориб, бирдан ялт этиб, сўнгра ўчиб қолувчи шам сингари ўладилар, деб огоҳлантирганди.

Бедил нуқтай назари билан қараганда, тўрт унсурнинг турли бирикмаларидан ноорганик дунё пайдо бўлган, кейин ундан органик дунё — ўсимликлар, ҳайвонлар ва одамзод вужудга келган.

Бедилнинг тушунтиришича, жисм нарсалар таркибида заррачалар ўзгариб туради, натижада янги нарсалар келиб чиқади, бу ҳайратга солувчи сирли ҳодиса зарурият ҳукми билан бўлади, бу зарурият нарсаларнинг ўзида ва уларнинг ўзаро муносабатларида мавжуддир. Ёғ, пилик ва олов бирлашиб, зарурият ҳукми билан ёруғлик беради. Узоқ вақт яшаш ва овқатланиш натижасида ҳайвонлар қорнида тошчалар тўпланади. Бу ҳам зарурият орқасидандир.

Бедил “Ирфон”да ҳамма мавжуд нарсаларнинг илк замини, барча мавжудотлар ижодкори ҳаводир, деб ёзади. Бедил ҳавони табиатнинг ўзидан пайдо бўлишини, ўсимликлар, ҳайвонлар, одамзод учун сув, ҳаво, ёруғлик зарурлигини таъкидлаган эди.

Бедилнинг, дунёдаги ҳар бир нарса ва ҳодиса ўзидан бошқа нарсалар билан зарурий алоқадорликдадир, деган фикрлари ҳам муҳим аҳамиятга эга.

Бедилнинг таълимотича, инсон сезги органларига ташқи олам таъсир этади, инсон нарсалар моҳиятини ақлзаковати ёрдамида билиб олади. Олам билиш манбаи эканлигини у ҳар доим таъкидлаган. Одам ҳис қилиш органлари ёрдамида (билиш) ташқи дунё таъсирини идрок қиласи, тафаккури билан эса буюмларнинг моҳиятини билиб олади.

Инсон атрофидаги нарса ва ҳодисаларни, моддий дунёни фан ёрдами билан билади, деган гоя Бедил фалсафий таълимотининг асосини ташкил этади. У фанни ривожлантириш зарурлигини ёқлаб умр шамларини фан билан ёритган кимсанинг умри боқийдир, дейди. Фанни ишлаб чиқариш ҳаёт билан боғлаб олиб бориш масаласига ҳам Бедил катта эътибор берган эди. Амалиёт билан, тажриба билан боғлаб олиб борилмайди илм-фан, файласуф олимнинг фикрича, инсоннинг қалби, юрагига етиб бормайди.

Бедил одамларнинг олам сир-асрорларини билоб олишда билим ҳаётида кўмакдош бўлишини таъкидлаб, кимки, ҳаёт шамин илмга ёқди, ҳаёти асрлар сўнмади, балки, деган эди Унинг сўзи билан айтганда, илм инсоният гавҳаридир.

Мирзо Бедилнинг ижтимоий-сиёсий қарашлари ҳам муҳим аҳамият касб этади. Бедил ижодиётида инсонга хурмат ва эҳтиром билан қараш, унинг келажагини ўйлаш устуворлик қиласи. Ўзининг асарлари ва шеърларида ҳалол еб, ҳалол яшашга, тамагирлик қилмасликка даъват этади. У одамларга қаратса, меҳнат қилиб тер тўкиб, раҳмат булути бўлиб тупроққа ёққил, дейди. Иш қилмасдан мукофот исташ, унингча уятдир.

Бедил дангасалик, ёлғончилик, кеккайиш, очкўзлик, макр ва хиёнатни танқид қилиб, камтарлик, сахийлик, меҳнатсеварлик, одоб-ахлоқ, иймон-эътиқодга юксак дарражада қарайди. Бу ҳақда унинг, яхшилардан бегона бўлмайман, ажралмайман десанг, ёмон сўзловчилар, фийбатчилар билан ошнолик қилма, ўзингга тўғри бўлсанг, ойнанинг орқасига боқма, — деган фалсафий-ахлоқий фикрлари ҳозирги давр учун катта аҳамиятга эга.

2. Тасаввуф фалсафаси

Тасаввуф X—XII асрларда Ўрта Осиёда кенг тарқалган диний, ахлоқий, фалсафий таълимотидир.

Ислом таълимотида одамларни ҳушёр бўлишга, ҳаром йўллардан юрмасликка, меҳр-оқибатли, номусли, ориятли, иймон-эътиқодли, одоб-ахлоқли, диёнатли, маданиятли-маърифатли бўлишга, ҳаётда яхши из қолдиришга даъват этадиган умумбашарий қоидалар, ғоялар, ўгитлар беҳисоб. Ана шу таълимотлар ўзига хос тарзда тасаввуф фалсафасида ҳам ўз ифодасини топган.

Тасаввуф — инсоннинг камолотга етиш, илоҳий хислатларига яқинлашиш йўлидир. Тасаввуфнинг бошланishi — илм, ўртаси — иш, охири — Оллоҳнинг берганидир.

Ўлкамизда тасаввуфнинг пайдо бўлиши ва ёйилиши жуда ҳам узоқдан бошланади. “Ҳужжатул ислом” (“Исломнинг ҳужжати”) лақабини олган мусулмон қалом фалсафасининг йирик намояндадаридан бири **Муҳаммад Фаззолий** (1058—1112) ўз асарларида тасаввуфни тарғиб қилган. Имом Фаззолийнинг асарлари, мана, тўққиз асрdirки, қўлдан тушмай, қайта-қайта ўқилмоқда. Унинг диний-фалсафий ғоялари Шарқ мамлакатларида, жумладан, Ўрта Осиёда foят катта таъсир кўрсатади.

Олимларнинг айтишларича, тасаввуф оқими Мовароннаҳрда XII асрнинг йирик олимларидан бири **Юсуф Ҳамадоний** мактабидан бошланган. У Бухоро ва Самарқандни душман ҳужумидан ҳимоя қилишда қатнашган. Унинг мактабидан турли тариқатлар пайдо бўлган. Юсуф Ҳамадоний ўз издошларини меҳнатга, касб-хунар эгаллашга ундалган. Унинг таълимоти кишининг ҳар бир нафасида онг, ақл-идрок бўлмоғи, босган ҳар бир қадамида дикқат-эътибор сезмоғи, ўз Ватани ишқи билан банд бўлмоғи, яъни уни билмоғи, халқ билан алоқада бўлиб, бирга ҳаёт кечирмоғи керак, деган гоядан иборатдир.

Тасаввуф фалсафасининг негизида инсоннинг руҳий, маънавий, ахлоқий камолотига ёрдам берувчи гоялар устунлик қилади. Бу бежиз эмас, албатта. Чунки инсоннинг руҳини тарбиялаш, парвариш этиш орқали уни гўзал хулқатворли, фазилатли қилиб етишириш мумкин.

Тасаввуф футувват билан узвий боғлиқ. Футувват тасаввуф тариқатнинг бир бўлагидир. Чунки, футувват асос-

лари билан тасаввуф, тариқат фоялари ўзаро мувофиқ, ҳам-охандир.

Тасаввуф сингари футувват ҳам **Хусайн Вонз Кошифий-нинг** “Футувватномаи султоний ёхуд жавонмардлик тариқати” асарида айтилишича, инсон ахлоқини поклаш, меҳру — шафқат, ҳиммат ва мардлик кўрсатишни, бор нарсанни ҳеч кимдан қизғанмасликни, қалбни кибру — ҳаво, гина-кудурат, қасд — ғазабдан покиза тутишни, ҳамма вақт ҳалқ хизматида бўлишни, барчага мурувват кўрсатиш ва эвазига ҳеч нарса талаб қилмасликни тарғиб этади. Тасаввуф ҳам, футувват ҳам яхшилик йўлида жондан кечишга тайёр, фидоий қалб эгаси бўлишга, дўстларга наф етказиш, дўстларни душман зараридан ҳимоя этишга даъват этади. Уларнинг муҳим талабалари қаторига ёлғон, бўхтон ва буҳуда сўзлардан тилни тийиш, ножӯя, номақбул сўзлардан, фийбатдан қулоқни беркитиш, кўриш ножоиз ҳисобланган нарсалардан қўзни юмиш, ҳаром нарсалардан қўлни тортиш ҳам киради. Ман этилган жойларга бориш, ҳақорат ва гуноҳга сабаб бўладиган ишларни қилиш, ҳаром овқатларни ейиш, зинога йўл қўйиш, оқибатини ўйлмасадан иш тутиш, бошқалардан ўзини устун деб ҳисоблаш, камтарликни унутиб, манманлик йўлига кириб кетиш тасаввуф сингари футувватда ҳам қораланади.

Халқка, бева-бечораларга шафқат, мурувват кўрсатиш, кишилар гуноҳини кечиш, қанчалик катта, улуф иш қилган бўлишига қарамасдан ҳеч қачон гуурланиб кетмаслик улар ҳар иккаласининг асосий фояларидан бўлиб ҳисобланади. Иймон-эътиқод, ақл, илм, парҳез, мурувват, шафқат, шижаот, хайр-эҳсон, вафо, сабр-тоқат, нафсни тийиш, олиҳимматлик, сирни беркитиш, раҳмдиллик, ота-она хурматини бажо келтириш, устод хизматида бўлиш, ҳамсоя ҳақини адо этиш ва бошқа шунга ўхшашлар тасаввуф ва футувват фалсафасининг шартлари жумласига киради.

Тасаввуф ва футувватнинг айтиб ўтилган устунлари ва шартларидан ташқари манъ этадиган, таъқиқлайдиган нарсалари ҳам бор. Булар яхшиларнинг орқасидан гапириш, бирорвларни мазаҳ қилиш, гап ташиш, кўп кулиш, ваъдага хилоф иш қилиш, ҳасад қилиш, зулм ўтказиш, алдаш, одамлардан айб қидириш, бетга чопарлик, ёлғон қасам ичиш,

таъмагарлик, хиёнат қилиш, нотўғри гувоҳлик беришдан иборатdir.

Маълумки, тасаввуфда Оллоҳ раҳматига етишнинг, инсон маънавий камолот йўлининг тўрт босқичи мавжудлиги тасдиқ этилади. Булар шариат, тариқат, шунингдек, маърифат ва ҳақиқатдан иборат.

Шариат — диний қонун-қоидалар ва маросимларни, Куръони Карим ва ҳадиси шарифдаги ахлоқий, илоҳий кўрсатмаларни пухта ўзлаштириш, айнан, изчил суратда бажариш, худога ибодат қилишдир. Шариат худони идрок билан танишни кўзда тутади. Шариат талаблари, қоидаларини бажармасдан тариқатга ўтиш мумкин эмас. **Тариқат** — ер юзидаги лаззатлардан воз кечиб, нафсни тийиб, хилватда яшаб, фақат худо ҳақида ўйлаш, хаёл суриш, эслаш, уни қалбдан севишдир. **Маърифат** — ҳамма нарсанинг, бутун борлиқнинг асоси худо эканини билиш, аниқлаш ва шу тариқа худога етиш демакдир. Маърифатда олам, юлдузлар, Ой, Қуёш, одамлар, ҳайвонлар, қушлар, капитарлар, бошқа жамики нарсалар худонинг зуҳуротидан иборат, одам Оллоҳ қуёшнинг зарраси дейилади. **Ҳақиқат** — ўзини худонинг даргоҳига эришган, васлига етган, ҳатто у билан қўшилиб кетган деб билишдир.

Тасаввуфнинг оқимлари, асосий йўналишлари ниҳоятда кўп ва хилма-хил бўлиб, турли даврларда дунёдаги кўпчилик мамлакатларда унинг ҳар хил йўналишлари пайдо бўлган ва ёйилган. Бизнинг юртимиз — Турон заминида ва мусулмон Шарқида тасаввуфнинг бир неча буюк тариқати — таълимотлари пайдо бўлди. Булар XII асрда Туркистонда майдонга келган яссавий ва сухравардия, XII аср охирида Хоразмда вужудга келган кубровия, XVI асрда Бухорода юзага келган нақшбандия ва бошқа тариқатлардир.

Хожа Аҳмад Яссавий (1041—1167 й.й.) тасаввуф фалсафасининг йирик намоёндаларидан ҳисобланади¹

Яссавий тариқатининг биринчи ва асосий фазилати — унинг ҳалқчиллигидир. Унда ҳам Оллоҳ, ҳам инсон мадҳ этилади. Яссавий ўзининг “Ҳикмат”ларида инсонни қадрлайди, уни адолатсизликдан, зулмдан ҳимоя этишга чақиради.

¹ Қаранг: Хожа Аҳмад Яссавий, Чимкент, 1992 й. 11-бет.

Буюк мутафаккирнинг асосий мақсади одамларни Оллоҳни танишга, унинг яқини бўлишга даъват этиш, инсонни худонинг энг азиз бандаси сифатида эъзозлаш, адолатсизликни қоралаш, бу дунёнинг додларини инсонга юқтирумасликдан иборатдир.

Аҳмад Яссавий инсон ўз азалий поклигини сақлаши, гуноҳ орттирумаслиги учун нима иш қилиши керак деган саволга ҳам ўзича жавоб беради. Яссавий инсон ўзининг азалий поклигини сақлаши учун бу дунёдан юз ўгириши, умрини одамлардан узоқда, ёлғизликда, узлатда тоат-ибодат билан ўтказиши лозим, деб ҳисоблайди. Буни у Оллоҳга яқин бўлишининг, ўзига фоний бўлиши учун шариат, тариқат, маърифат, ҳақиқат каби у дунёда саодат таъмин этишнинг шартларидан бири деб билади.

Яссавийнинг фикрича, инсоннинг худо васлига етиши, унда босқинчиларни бирма-бир босиб ўтиши, дунёдан, ўзлигидан воз кечиши, ўзини хилватга тортиб, ҳам фикрини, ҳам зикрини худога бериши керак. Агар одам жонини қийин бўлса-да, ибодат қилиш, нафсини ўлдириб қаноат қилишга одатланса, хўрлаш ва маломатларга бардош берса, ўшанда худонинг дийдорига етади, дейди.

Абдулҳолиқ Фиждувоний яссавия тариқатининг кўзга кўринган вакилларидан биридир. У устоди Хожа Юсуф Ҳамадоний ва биргаликда таълим олган замондоши шайх Аҳмад Яссавийнинг ишини давом эттирибгина қолмай, улар яратган тариқатини мустақил, янги юқори босқичга ҳам кўтаради. Буни унинг фарзанди учун маҳсус ёзилган “Васиятнома”сида баён этилган фалсафий гоялардан кўриш мумкин. “Васиятнома”нинг бутун мазмуни, моҳијати одоб-ахлоқ масалаларига қаратилгандир. Тариқат аҳлининг бош вазифасини Яссавий Оллоҳга яқинлашиш учун жамиятдан узоқлашишни, унинг ташвишларидан юз ўгириш, узлатга кетиш, тарки дунё этиш деб тайинлаган бўлса, Абдулҳолиқ Фиждувоний “Васиятнома”сида жамоатга мулизим бўлиш, жамиятга хизмат этишни муқаддас вазифа - Оллоҳга яқинлашишнинг муҳим йўли деб ҳисоблайди. Шу билан бирга у одамларни ҳадеб ўлтиравермасдан, Оллоҳга тоат-ибодатни ҳаддан ташқари ошириб юборабермасдан меҳнат қилиш ва ҳалол яшашга даъват этади. Ҳалол егил ва шубҳадан парҳез эттил, яъни ҳалоллиги шубҳали овқат-

дан қўл тортгил, дейди. Бу дунёда одамлар ҳаётида фаол иштирок этиш, уларни ҳимоя қилиш Абдулхолик Фиждувоний томонидан таъкидлаганидек, — Оллоҳга яқинлашишнинг асосий йўлидир.

Тасаввуф фалсафасининг йирик сиймоларидан яна бири хоразмлик **Нажмиддин Кубро** (1145—1221 й.й.) дир. У “Фавоих ал-жамол ва фавотих ал-жалол” (“Жамолининг мутаттарлари ва камолотининг эгалари”), “Ал-усул ал-ашара” (“Ўнта қонун ва қоидалар”) номли асар ва рисолалар ёзган.

Нажмиддин Кубронинг ватанпарварлик, халқпарварлик ҳақидаги фалсафий таълимоти шунчаки қуруқ сўз, шиор, фоя бўлиб қолмасдан унинг шахсий ҳаётида ҳам ўзининг тўла тасдигини топган. Ёши етмиш олтига чиқсан бўлишига қарамай Нажмиддин Кубро Хоразм ҳимояси учун мўғулларга қарши жангга киради ва шаҳид бўлади. Ўлар пайтида у бир мўғил аскарининг кокили (сочи)ни шундай маҳкам ушлаб оладики, вафотидан кейин ўн киши ҳам унинг қўлидан кокилни айириб ололмайдилар. Охири ўша кокилни кесишиб, қўлдан ажратадилар.

Тасаввуф фалсафаси XIV асрда нақшбандия таълимотида янада ривожланади. **Баҳоуддин Нақшбанд** асос солгани сулук нақшбандия деб аталади. Нақшбанд сўзи у буюк зотнинг лақаблари бўлиб, матога гул — нақш солишини билдиради.

Ҳазрат Баҳоуддин Нақшбанд кишилар ҳаётида гўшанишинлик, хилватчилик — таркидунччиликда ҳаёт кечирисин деган хulosса чиқармайди, балки шу дунёда, табиатда шод ва ҳуррам яшаш керак дейди. Бу нарса унинг фикрича, худони, келажакни унугиб қўйишга олиб келмаслиги лозим. У жамиятдан, инсонлардан ажралган ҳолда яшаш, яккаликда куч кечириш, хилватхоналарда маскан қилиб олиб ҳаёт кечириш инсон учун номақбул деб билади, ҳуррам ҳаёт кечиришга даъват этади. Ундан ташқари Баҳоуддин “киши зоҳирида одамлар билан, ботинади (ичдан) эса худо билан бўлиши керак”, — дейди. Ўз қўл кучи билан, ўз меҳнати билан, ўз меҳнатидан олинадиган даромад билан кун кечириш, тирикчилик ўтказиш тарғиб ва ташвиқот қилган.

Шундай қилиб, ислом дини сингари тасаввуф фалсафаси ҳам одамларни иймон, одоб-ахлоқ, диёнат, мадани-

ят, маънавият ва маърифатга даъват этган. Одамзодни ҳеч қаҷон ёмон йўлга бошламаган. Одам боласини ҳар доим ҳушёр бўлишга, ҳаром йўллардан узоқ юришга, инсофили-тавфиқли бўлишга, ўзидан яхши из қолдиришга ундалган.

“Кўхна тарихимизнинг қайси даврини эсламайлик, дин ҳар доим одамларни ўз-ўзини идора этишга, яхши хислатларини кўпайтириб, ёмонларидан халос бўлишга чорлаган. Ҳар бир инсонга, оила, жамоа, миңтақа, бир сўз билан айтганда, умумхалққа раҳнамо бўлган. Уни синовларга бардош беришга, ёргу кунларга интилиб яшашга даъват қилган, ишонтирган. Бундай даъват ўз навбатида одамларга куч-кувват бағишлаган, иродасини мустаҳкам қилган, бир-бирига меҳру оқибатини оширган”

“*Маблумки, инсонпарварлик гоялари билан озиқланган
Хожа Аҳмад Яссавий, Хожа Баҳовуддин Нақибанд, Нажмидин
Кубро каби зотлар асос соглан муқаддас гоя ва тари-
қатларнинг Ватани ҳам Туркистон заминидир*”¹.

Шарқ мутафаккирларининг, ислом ва тасаввуф фалсафаси алломаларининг, буюк муҳандисларининг асрлар давомида одамларни энг улуф мақсадлар йўлида бирлашишга, ҳамжиҳат бўлишга чақирган фоя ва ўгитлари мастақил Ўзбекистон Республикаси тараққиёти учун ижобий таъсир этмоқда.

3. XVII—XX асрларда Ўзбекистон ҳудудидаги ижтимоий — фалсафий фикрлар

Илм-фан, ақл-заковат ва илмий тафаккурнинг, маъданият ва маънавия маърифатнинг қадр-қиммати, жамият тараққиёти, ҳалқ ва миллат камолоти, Ватан истиқболи учун бениҳоя қасб этишини тарғиб-ташвиқот этиш Ўрта Осиёning барча мутафаккирлари фалсафий таълимотларида азал-азалдан етакчи ўрин тутиб келган.

Ўрта Осиёning буюк мутафаккирлари томонидан илгари сурилган маърифат ҳақидағи ажойиб фоя ва таълимотлар XVII—XIX асрларда адиллар, тарихчилар, файласуфлар, зиёлилар томонидан ўзига хос тарзда ижодий ривожлантирилди, янгича маъно ва мазмун билан бойитилди.

¹ Каримов И.А. Ватан саждагоҳ каби муқаддасдир, 3-жилд. Тошкент, “Ўзбекистон”, 1995, 40-41-бетлар.

Турди Фарғоний, Бобораҳим Машраб, Мужрим Обид, Шермуҳаммад Мунис, Муҳаммад Шариф Гулханий, Муҳаммад Ризо Огаҳий ва бошқалар ўша мураккаб тарихий даврнинг эл-юрг назарига тушган фан арбоблари, атоқли шоир ва ёзувчи-олимлардир.

Халқимизнинг туб манфаатларини, озодлик, мустақилликка бўлган интилишлари, орзу-ниятларини ўзида акс эттирган янги ижтимоий-фалсафий тафаккур - маърифатпарварлик Туркистонда XIX асрнинг охиirlаридан бошлаб пайдо бўла бошлади. Уларнинг йирик намоёндалари Аҳмад Доңиш (1827—1897 й.й.), Фурқат (1858—1909 й.й.), Завқий (1853—1921 й.й.), Аваз Ўтар (1884—1914 й.й.) ҳисобланади.

Тарихимизда маърифатпарварлар деб аталадиган аҳли донишларнинг барчасига хос бўлган умумий томонлар мавжуд. Мамлакатни мустамлакачилик қуллигидан абадий кутилиб, Озод, Ҳур, Мустақил бўлишини кўриш — халқимиз асл фарзандлари, адиллари, илм-фан, маданият арбобларининг ҳаммасига хос бўлган умумий томонларидан бўлиб ҳисобланади.

Ўзининг бутун ҳаёти ва борлиғи, ақл-идроқи ва тафаккури құдратини халқи ва Ватани истиқболи йўлига тиккан олиму фузалоларнинг диққат марказида турган, уларнинг ҳаммасига бир хилда дарҳлдор бўлган умумий томон ва асосий мақсадалардан яна бири — халқни илмли, маданиятли қимии, миллий онг ва гурурини ўстириш асосида эл-юргни яқдил, яктан қилиб бирлаштириш, одамлар кўзини фафлат уйқусидан очиш ўйли билан Ватанимиз мустақиллиги, миллатимиз эркинлиги ва озодлигини таъминлашдан иборат эди.

Чор амалдорлари минг бир макр-ҳийла ишлатиб, зўрлик-зўравонлик қилиб, одамларни алдаб, қўрқитиб, масжиду — мадрасаларни беркитиб, миллий маданий-маънавий, бойликларимизни талаб халқни жаҳолат сари судраб, илм-маърифат йўлига тўғаноқ бўлиб турган бир пайтда халқимизнинг маърифатпарвар фидоий фазилатлари бунга қарши халқни билимли, онгли бўлишига, жаҳолатдан йироқ туришга даъват этдилар.

Маърифатпарварларни ўз даврининг жасур, халқпарвар, миллатпарвар, ватанпарварлари деб аташ мумкин.

Элим, юртим деб яшашни ўзлари учун юксак мақсад деб билмаганларida, бошларидан кечган азоб-уқубатларга, тазийкеларга, камситишларга, қувғинлару дарбадарликларга, ўз Ватанларida бегоналардек бўлиб яшашларига чидай олмаган бўлар эдилар. Халққа, Ватанга қўлидан келганча, озми-кўпми хизмат қилишни ўзлари учун шон-шараф, буюк мақсад деб билдилар. Ана шу ниятда улардан бири ўзининг ўткир сатирик асари билан, бошқаси чуқур маъноли шеърлари, газаллари, ўта таъсиран публицистик мақолалари, фалсафий асарлари билан юрт қайгуси, халқнинг дарду — ҳасратини имкони борича баён этдилар. Келажак орзу-умидлари йўлида ижод қилдилар. Юксак савияли илмий-фалсафий, бадиий, тарихий асарлар ёздилар.

Маърифатпарварларнинг, халқимиз асл фарзандларининг асарлари, илмий-фалсафий, маданий мерослари улар яшаб ижод этган мураккаб даврнинг мазмунини, моҳиятини, мураккабликлари ва зиддиятларини ўзида чуқур ва тиник акс эттирган бамисоли тарихий қўзгудир. Улардан бизларга илмий, маданий мерос бўлиб келаётган, миллий маънавий бойлигимизнинг таркибий қисми ҳисобланган бадиий, фалсафий асарлар, ҳикоялар, одоб-ахлоқ мажмуалари, рубоийлари, назмий ва насрый мактублар, достонлар, хотиротларни ўқиб, мазмуни билан танишиб, халқимизнинг дарду ҳасратини, орзу-армонларини, кечмиш тарихини кўрамиз.

XIX аср охири ва XX аср бошларида Туркистонда жадидлар ҳаракати вужудга келди. Фоявий-сиёсий жиҳатдан етук, келажакни олдиндан кўрадиган, эл-юрт қайгуси билан куйиб-ёниб яшайдиган, миллий истиқбол учун курашга ҳамиша шай турган олимлар, адиллар, файласуфлар, фан ва маданият арбоблари кўрина бошлайдилар.

Халқимизнинг зукко фарзандлари Маҳмудхўжа Беҳбудий, Мунаввар Қори, Абдурауф Фитрат, Абдулла Авлоний, Чўлпон, Усмон Носир, Абдулла Қодирий, шулар жумласига кирадилар. Улар халқни маърифатли қилиш, билим савиясини кўтариш, фикр доирасини ўстириш, миллий истиқболга эришишнинг зарур шартларидан бири деб тушундилар ва ана шу олиjanоб ниятларини амалга ошириш учун тинмай ҳаракат қилдилар. Туркистоннинг келажак тақдирни тўғрисида, миллатнинг истиқболи ҳақида

тинмай қайғурдилар, изландилар, миллий истиқолимизга замин яратдилар.

“Мустақиллик пойдеворига ҳалқимизнинг бошига тушган оғир кунларда қатағонга учраб, гуноҳсиз қурбон бўлган минглаб забардаст, унугилемас фарзандлари тамал тошини қўйғанлар. Шунинг учун ҳам мустабидлик замонида ҳалқимиз хотирасидан атайлаб ўчирилган мўътабар инсонларнинг номлари бирин-кетин тиклаяпти. Абдулла Қодрий ва Абдулҳамид Чўлпон, Абдурауф Фитрат ва Усмон Но-сири каби Ватанимиз, миллатимиз озодлиги йўлида шаҳид кетган ўнлаб сиймоларнинг маънавий мерослари бугун ҳалқимиз бисотига қайтмоқда”¹, — дейди И.А. Каримов.

Маҳмудхўжа Беҳбудий (1875—1919 й.й.) асримизнинг биринчи чорагида Туркистоннинг энг машҳур кишиларидан эди.

Беҳбудий Туркистондаги жадидлар ҳаракатининг йирик намоёндаси, унинг назарий асосчиларидан бири, таниқли ёзувчи, журналист ва жамоат арбобидир.

Беҳбудий ўз даврининг буюк донишмандидир. Илмфан ва маданиятнинг ҳамма соҳалари, айниқса, Шарқ фалсафаси ва Европа адабиётидан чуқур билим ва маълумотга эга бўлган. “Сиёсий, ижтимоий фаолияти ва билимининг кенглиги жиҳатидан Туркистоннинг ўша вақтлардаги жадидларидан унга тенг кела оладиган киши бўлмаса керак”², — деб ёзган эди Ф.Хўжаев.

Умуман олганда, Беҳбудийнинг Туркистонда янги усулдаги мактабларни ташкил этишдаги ва жадидчилик фояларини матбуот орқали тарғиб қилишдаги хизматлари фоят катта.

Беҳбудий 1903—1904 йилларда ўзбек ва тожик тилларида “Қисқача умумий география” асарини, янги усулдаги мактаблар учун дарслик ва қўлланмаларни ёзди. “Беҳбудий” номли нашриётни ташкил этиб, унда ўзбек тилида дарсликлар босиб чиқарди. Самарқандда маҳаллий аҳоли учун қироатхона очишига бошчилик қилди.

Каримов И.А. Ўзбекистон: миллий истиқбол, иқтисод, сиёсат, мағкура, Тошкент, “Ўзбекистон”, 1993, 85-бет.

² Файзулла Хўжасев, Танланган асарлар. I том. Тошкент, “Фан” нашриёти, 1976, 84-бет.

Беҳбудий 1913 йилнинг апрелида “Самарқанд” газетасини, ўша йилнинг август ойидан бошлаб эса “Ойна” газетасини чиқаришга киришиди.

Маҳаллий халқдан биринчи бўлиб ҳарита тузган, ўз уйида кутубхона очган, тарихга, ислом ҳуқуқига оид асарлар, ўқув китоблари ёзган ҳам Беҳбудийдир.

Беҳбудий Туркистонни чор мустамлакачилиги зулмидан кутқариш ғоясини ўз асарларида илгари сурди. Халқни миллий истиқбол учун курашга чорлади. Миллат тараққиёти ва истиқболи, Туркистоннинг келажаги ҳақида ўйлар экан, халқни жаҳолат ва нодонлик, эрксизлик ва қашшоқлик ботқофидан кутқариб олишнинг бирдан-бир йўли илм-маърифатли бўлишдир, деган холосага келди. Халқ ҳозирда ҳукм суриб турган бидъат, хурофотдан халос бўлса, келажакка умид кўзи билан қараб, илм-фан эшикларини очса, яхшилик томон юз тутса, болаларини Оврўпа дорилғунунларига юборса, улардан адвокат ва ҳунарманд, савдогар ва муҳандислар чиқса — нақадар олий ва гўзал иш бўлур эди, деб кўнглидан ўтказарди. Беҳбудий фикрича, халқдан маблағ йиғиб ўқишга, илмга рағбатли бўлган, аммо ота-онасининг қурби етмайдиган Туркистон ёшларини чет эл дорилғунунларига юбориб ўқитиб, миллатнинг ривожи ва истиқболи учун зарур бўлган муҳандис ва муаллимларга, Оврўпа бозорларида савдо-сотик қиласидиган, хорижликлар тилини биладиган замонавий илмий ходимларга эга бўлиш керак. Алломанинг юқоридаги фикрлари ўз аҳамиятини ҳозирги даврда тўлалигича сақлаб турибди.

Халқ оммасини имл-маърифатли қилишнинг миллатимиз ва Туркистон истиқболи учун қанчалик муҳим аҳамият касб этиши Беҳбудийнинг 1911 йилда ёзилган “Падаркүш” драмасида ҳар томонлама кўрсатилган. Беҳбудий томонидан таъкидланганидек, ўқимоқ-ўрганмоқ, билимли — маърифатли бўлмоқ барча мусулмонларга, эркак ё хотин бўлсин фарздир.

Маҳмудхўжа Беҳбудий халойиқни диний ва ахлоқий жиҳатдан тарбиялашда исломий илмларнинг аҳамияти хусусида ўзининг фикр-мулоҳазаларини баён этгандан сўнг дунёвий илмларнинг муҳим ва зарурлигини ҳам алоҳида уқтиради.

Беҳбудий “Падаркуш” асарида чор мустамлакачилик сиёсати туфайли маҳаллий аҳоли ва айниқса, ёшлар ўртасида ичқиликбозлик, майший бузуклик, қиморбозлик, ўгрилик, пораҳўрлик, товламачилик, безорилик сингари мутлақо заарли расм ва одатлар тарқала бошлаганлигини, натижада одамлар ўртасида меҳр-оқибат сўна бошлаб, aka билан ука, ота билан бола бир-бирига ёв-душман бўла бошлаганини, падаркушлар кўпайиб бораётганлигини қаҳр-ғазаб ва нафрат билан тасвирлайди.

Беҳбудий ўзининг 1914 йили ёзган “Икки эмас, тўрт тил керак” мақоласида Туркистон халқларининг туркий, форсий, арабий ва русий tillларни ўрганишга тарғиб этиш учун тарихий манбаларга мурожаат этиб, Муҳаммад пай-ғамбаримиз ҳам ўзларига foявий душман бўлган яҳудий тилини ўрганишга амр этганликларини эслатиб ўтган.

Маҳмудхўжа Беҳбудий миллий истиқлол йўлида шаҳид кетган буюк сиймодир. Унинг муборак номи, миллий истиқлолимиз йўлида қилган бебаҳо хизматлари халқларимиз қалбida абадий сақланади.

XX аср ўзбек адабиёти, санъати, маданияти, ижтимоий-фалсафий фикр тараққиётининг йирик олими ва назариётчиси, таникли жамоат арбоби Абдурауф Фитрат (1886—1938 й.й.)нинг серқирра ижоди ва ижтимоий-сиёсий фаолиятида ҳозирги замон ва келажагимиз ҳақидаги foялар баён қилинган. Фитрат ўзбек халқи илм-фани ва маданияти тарихида самарали из қолдирган сиймолардан, истиқлолимизни олдиндан кўра олган фидоийлардан бўлиб ҳисобланади.

Абдурауф Фитрат асарларида чор Россияси томонидан Туркистон зўрлаб босиб олиниб мустамлакага айлантирилганлиги, кескин қораланган. У бу ҳақда ўзининг “Юрт қайғуси” шеърий тўпламида “Кўрдим, кездим, эшитдим, ўқидим. Мамлакатлар орасида Туркистонимиз каби баҳтсиз бир мамлакат йўқдир”¹, — деб ёзган эди.

Халқимиз ўзининг донишманд фарзанди, файласуф олими Абдурауф Фитратни мустақиллик пойдеворига та-мал тошини қўйган, элим, юртим деб куйиб-ёниб яшаган

¹ Ҳамидулла Болтабоев. Юрт қайғуси. “Шарқ юлдузи”, 1992, 4-сон, 182-бет.

фидойи фарзанди сифатида қалбida мангу сақлади. Мустақиллик туфайли унинг мустабидлик замонида халқимиз атайлаб ўчирилган муборак номи тикланади, илмий-фалсафий мероси халқимиз бисотига айланди. Абдурауф Фитрат — Ватанимиз, миллатимиз озодлиги йўлида шаҳид кетган ўнлаб сиймолардан биридир.

Ўз жонини, ақлу заковатини, истеъдодини Ватанимиз эркинлиги ва мустақиллиги, халқимизнинг баҳт-саодати йўлида фидо қилган улуғ зотлардан бири — ўзбек халқнинг асл фарзанди **Абдулҳамид Чўлпон** (1897—1937 йй)дир.

Абдулҳамид Чўлпон ёшлигиданоқ араб, форс, тоҷик, турк тилларини мукаммал эгаллайди, Шарқ фалсафаси, Шарқ адабиёти ва тарихини севиб қолади, Форобий, ибн Сино, Беруний, Фирдавсий, Ҳофиз, Саъдий, Умар Ҳайём, Жалолиддин Румий, Бедил, Навоий сингари буюк мутафаккирлар асарлари, илмий-фалсафий меросларини катта қизиқиш билан ўрганади. Европа илм-фани, маданияти, адабиёти ва санъатига бўлган қизиқиш унда айниқса кучли бўлган Ҳам шарқона, ҳам европача пухта ва ҳар томонлама билим ва маълумот олган Абдулҳамид ўн олти — ўн етти ёшлариданоқ илғор фикрли зиёли бўлиб етишади¹.

Абдулҳамид Чўлпон машҳур тарихчи, етук файласуф, шарқшунос олим, адабиёт, санъат ва маданият илмининг буюк донишманди сифатида роман ва драматик асарлар, қатор рисолалар, эсдалик ва хотиралар, адабий ва танқидий санъатга оид илмий-назарий мақолалар, кўплаб ҳикоялар, икки юзга яқин шеърлар, бир қанча таржималарнинг муаллифидир. Унинг “Кеча ва кундуз” номли романи, “Ёрқиной” деб аталмиш драматик асари, “Адабиёт наදур?”, “Мирзо Улуғбек”, “Тилимизнинг ишланиши” номли мақолалари, “Шарқ нури”, “Шарқ қизи”, “Ўзбегим”, “Тукистонли қардошларимизга”, “Одам ва қуш”, “Халқ”, “Бузилган ўлкага”, “Қилич ва қон”, “Кишан”, “Эркинлик истаги”, “Яна ўт” номли шеърлари ижтимоий-фалсафий фанларимиз тараққиёти учун ҳам муҳим аҳамиятга эгадир.

¹ Қаранг: Озод Шарафиддинов. Чўлпон, Тошкент, “Чўлпон” нашриёти, 1991, 7-8 бетлар.

Миллий уйғониш, миллий мустақиллик, эркинлик фоялари, табиийки, Чүлпон ижодида катта ўрин әгаллади. Чүлпон ўз асарларыда миллатни равнақ топтириш, мустамлака асоратидан халос этиш учун халқ ўз-ўзини таниган, ўзаро бирлашган, миллий ҳамжиҳатликка эришган, миллий ифтихор туйғусига эга бўлган, ўз юртинг оташин ватанпарварига айланган бўлмоғи лозим ва зарур, деган фалсафий ғояни дадиллик билан илгари суради. Унинг буюклиги, ўз халқи ва Ватанининг фидойи фарзанди эканлиги ҳам ана шундандир.

Чүлпон Туркистоннинг тақдири, миллатининг истиқболи ҳақида чуқур қайғурди, элим деб яшади, Ватанини Каъба санаб, унга тоабад сажда қилди, эркинлик, ҳуррият, мустақиллик йўлида жонини фидо этди.

Чүлпон — ўз халқи куч-қудрати ва имкониятига астойдил ишонган, халқининг буюк ақл-идроқи ва тафаккурига ихлос билан қараган, мустамлакачилик кишиларни йўқ қиласидиган, Ватан мустақиллигини таъминлаб миллий истиқдол ва истиқбол йўлини очадиган ҳал қилувчи куч халқ оммаси эканлигига бутун вужуди ила ишонч билан қараган ажойиб инсондир. Унинг буюк халқпарвар адаб, етук файласуф олимлиги энг аввало “Халқ” деб аталган файласуфона шеърида яққол кўринади. Чүлпон халққа буюк эътиқод билан сифинади, халққа астойдил ишонади. “Халқ денгиздир, халқ оловдир, халқ кучдир”, деб таърифлайди. Агар халқ қўзғалса, ғалаба оёққа турса уни тўхтатиб қоладиган, халқ истагин ўйқ этадиган қувват дунёда топилмайди, деб кўрсатади.

Эркинлик, ҳуррият ҳар бир инсоннинг, айниқса, ўз эркидан маҳрум этилган, бўйнига мустамлакачилик кишинлари кийдирилган халқ учун буюк орзу-армондир. Чүлпон шеъриятида одамларнинг қўл ва оёқларидаги, юрак ва тилларидаги кишан занжирларини парчалаб ташлаш, ҳур яшаш, мустақилликда ҳаёт кечириш ҳақидаги фалсафий ғоялар етакчи ўрин тутади.

Абдулҳамид Чүлпон томонидан қайта-қайта таъкидланганидек, эркин бўлиб яшаш инсон учун ҳамма нарсадан азиз ва мўътабардир, лекин инсон эркинликка оппа-осон эриша олмайди, эркинлик қурбонсиз, катта ва қонли курашларсиз бўлмаслигини ҳам ўз асарларида баён этади.

Туркистон халқларининг севимли адиби, файласуфи, озодлик ва истиқол күйчиси ҳисобланган Абдулҳамид Чўлпон назмий ва насрый меросида жаҳон фотихлари чангалида эзилиб ётган Шарқ ўлкалари мавзуи етакчи ўрин тутади. Чўлпон Шарқ ва шарқликлар тақдираидан ўзини ва ўзлигини кўради. “Шарқ нури” шеърида дунё тарихини ёзган муаррихлар йўқсул Шарқ тарихини ақалли бир бет бўлса-да ёзмадилар, уни назар-писанд қилмадилар деб қаттиқ ўксинади. Шарқ ҳақида гап кетганда фақатгина “йўқлик, ўлим, зулм, қарғиш эсланади”, деб афсусланади. Таъкидланганидек, бир замонлар ер юзида улуф маданият ва маънавиятни яратган ул гўзал Шарқ кейинчалик чет эллик босқинчилар исканжасига тушиб қолади. Аллома адиб фахр-ифтихор билан “кун ҳам Шарқдан, Ой ҳам Шарқдан чиқадир” деб ёзади.

Шарқ тақдирини ўз тақдирни деб билган Абдулҳамид Чўлпон бир кунмас, бир кун Шарқнинг уйғонишига, миллий озодлик ҳаракатларининг кучайиши ва алангаланишига, мустамлакачилик занжирларининг тилка-пора қилинишига астойдил ишонади, бир умр ана шу орзу-умид билан яшайди.

Минг афсус бўлсинким, Абдулҳамид Чўлпон орзу-армонлари рўёбга чиққан, Ўзбекистон Давлат мустақиллигига эришган тарихий кунларни кўролмади. Ўзбек адабиёти, маданияти ва санъатининг улкан арбоблари — Маҳмудхўжа Беҳбудий, Абдулла Қодирий, Абдурауф Фитрат, Усмон Носир, Элбек, Ботулар қаторида Абдулҳамид Чўлпон ҳам адолатсизлик қурбони бўлди.

Ватанимиз, миллатимиз озодлиги ва мустақиллиги йўлида қурбон бўлган халқимиз азиз фарзандларининг бебаҳо асарлари, назмий ва насрый мерослари, ижтимоий-фалсафий ғоялари ўзбек халқининг маънавият ва маърифатини, миллий қадриятлари ва онгини юксалтириш йўлида хизмат қилиб авлодлар қалбida Ватанга муҳаббат ва садоқат туйгуларини тарбиялаб келмоқда.

Муборак номлари фахр-ифтихор ила эслатиб ўтилган фозилу фузалолар фақат ўзбекларнинг эмас, балки Туркистон халқларининг ҳам севимли адиблари, озодлик ва истиқол күйчилари ҳамdir.

Мустақиллик туфайли ул мұытабар инсонларнинг номлари тикланяпты, таваллуд топған күнлари тантанали нишонланаяпты, асарлари қайта-қайта чоп этиляпти.

Юқорида номлари эслатиб ўтилган маърифатпарвар, халқпарвар, ватанпарварларнинг асарларида баён этилган фалсафий фикрлар халқимизнинг маданий-маънавий қадриятлари сифатида ҳанузгача сақланиб келмоқда.

4. Ватанимиз ҳозирги даври фалсафаси

Инсоният маданияти таркибий қисми ҳисобланған фалсафа шүро даврида ўзининг фан хусусиятини аста-секин йўқотиб сиёсатлашған мағкуравий гоялар йифинди-сига айланиб қолған эди. Бу даврда фалсафани фанга аниқ, мавжуд воқеликни қай даражада ҳаққоний, илмий ва холис акс эттирганлыгига қараб эмас, балки ҳокимият тепасида турған күчлар ва “биринчи даражали олий раҳбарларнинг мақсадлари”, манфаатларига мувофиқлигига қараб баҳо берилган.

70 йил мобайнида марксизм қоидалари, ақидалари барча ижтимоий фанларга, жумладан, фалсафага асосий пойдевор қилиб олинганди. У белгилаб берган “илмий йўлдан” чиқишига, бошқача ўлаш ва фикрлашга на бирон-бир олим ва зиёлиниң, на бирон-бир файласуфнинг ҳаққи йўқ эди. Расмий тафаккурдан, таълимотдан четга чиқиш, уларга зид йўлдан бориб, эркин фикр юритмоқчи бўлган олим ва зиёлиларни партиявий жазолаш, партиявийлик, ғоявийликдан чекинишда, синфий хусусиятларни йўқотишида ва бошқа камчиликларда айблаш одатга айланиб қолған эди. Бундай вазият, албатта, ижтимоий фанларнинг, биринчи навбатда фалсафа фанининг ривожланишига салбий таъсир кўрсатди ва ижодий фикрлашга имконият бермади.

Ўрта Осиё мутафаккирларининг фалсафий таълимотлари коммунистик мағкура томонидан камситилиб, гайри-илмий деб баҳоланди, Шарқ фарсафасига етарли зътибор берилмади. Аҳвол шу даражага бориб етдики, Ислом дини билан бөглиқ бўлган мукаммал фалсафий асарлар ва таълимотлар ўқиб-ўрганилмай яроқсиз бир мерос сифатида қораланди. Шу сабабли Ўрта Осиё халқларининг фалсафий меросини чуқур ўрганиш имкониятлари ҳам деяр-

ли йўққа чиқарилди. Баҳоуддин Нақшбанд, имом Исмоил Бухорий, Аҳмад Яссавий, Исо Термизий, Хожа Аҳрор ва шунга ўхшаш алломалар кескин танқид қилинди.

Ўша замонларда Навоий, Бобур, Машрабдан ва қатор шоири адиблардан зўр бериб даҳрийлик, атеистикоялар излана бошлади. Агар “топилгудек” бўлса, уни ёлғон-яшириқларга ўраб бўрттириб ва кўпайтириб халқقا етказилди. Қайси бир шоири адибдан даҳрийликни топишмаса, уларни таркидунёчи, эзувчи синф ҳимоячиси, деб ҳақоратланди. Энг ачинарлиси шундан иборат бўлдики, Куръони Карим ва ҳадиси шариф, Сўфи Оллаёр, Сулаймон Боқирғоний, Насруддин Рағбузий, Ҳувайдо, Юсуф Сарёмий, Чўлпон, Фитрат, Беҳбудий, Усмон Носир сингари буюк аллома ва адибларнинг асарлари “динийоялар билан суғорилганлиги”, “миллатчилик руҳида бўлганлиги” учун фойдаланишга руҳсат этилмади.

Шуни таъкидлаш керакки, мафкуравий тазиик ва чеклаб қўйишларига қарамай, Ўзбекистон Республикаси Фанлар Академияси, унинг қатор институтлари, бўлимлари ташкил этилди, кўплаб университет ва институтларда эса фалсафа кафедралари очилди. Ижтимоий-фалсафий тафаккурни ривожлантириш, илмий кадрларни ўстириш, республикамиизда ижтимоий фанларни янада тараққий эттирища “Ўзбекистонда ижтимоий фанлар” номли академик илмий журнал катта ўрин тутиб келмоқда. Республика-миизда фалсафа фанини ривожлантириш, ёшларнинг фалсафий билимлари, фалсафий тафаккурлаш маданиятлари ва дунёқарашларини ўстирища олимларимиз томонидан яратилган дарсликлар, ўқув қўлланмалар, илмий-услубий асарлар муҳим аҳамият касб этади.

Республика файласуф олимларининг диалектика ва билиш назарияси, табиат фанларининг фалсафий масалалари, маданият, маънавият ва қадрият, маданий мерос муаммолари бўйича олиб борилган чуқур илмий тадқиқот асарлари эътиборга сазовордир.

Республикамиизда ижтимоий фалсафа ва социалогия, ахлоқ, нафосат, табиатшуносликнинг, фан тарихи ва тарихшуносликнинг фалсафий муаммолари, маданият, миллий муносабатлар, урф-одатлар, ахлоқий тарбияга доир ва бошқа соҳаларда ҳам катта ишлар амалга оширилди.

раси“, “Мустақилликнинг маънавий заминлари”, “Мустақиллик ва миллий манфаатлар”, “Мустақиллик ва миллий тикланиш”, “Мустақиллик маъсулияти”, “Ўзбекистонда ижтимоий-фалсафий фикрлар тарихидан лавҳалар”, “Буюк сиймолар”, “Алломалар”, “Қадриятлар фалсафаси” сингари ва бошқа йирик монография ва рисолалар нашр этилди.

Ватанимиз файласуфлари томонидан чоп этилаётган асарлар ёш авлодни маънавий камол топтиришда, жамиятимизнинг маънавий тикланишида катта аҳамият касб этиши шак-шубҳасизdir.

Такрорлар учун саволлар

1. Ўрта аср даврида Ўрта Осиё мутафаккирларининг жаҳон фалсафаси тараққиётига қўшган буюк ҳиссалари нималардан иборат?
2. Ал-Хоразмий, Форобий, Ибн Сино, Берунийнинг илмий-фалсафий қарашлари ҳақида нималар дея оласиз?
3. Терурийлар даври маданиятининг намоёндалари Улуғбек, Навоий, Бобур, илмий-фалсафий қарашлари ҳақида сўзлаб беринг.
4. Тасаввуф фалсафасининг хусусиятлари нималардан иборат?
5. Темурийлар давридан кейин ижод қилган Мирзо Бедил, Машраб, Огаҳий, Аҳмад Дониш ва бошқаларнинг ижтимоий-фалсафий қарашлари ҳақида сўзланг.
6. XIX аср ва XX аср бошларида шаклланган жадидчилик ҳаракати ва фалсафасининг намоёндалари ҳақида фикр-мулоҳазаларингизни баён этинг.
7. Беҳбудий, Мунаввар Қори, Фитрат, Чўлпон, Абдулла Қодирий, Абдулла Авлоний асарларидаги миллий озодлик, мустақиллик гоялари ва уларнинг аҳамияти ҳақида сўзланг.
8. Ҳозирги замон Ватанимиз фалсафасидаги янгилашиш нималардан иборат?
9. Президентимиз И.А.Каримов асарларининг фалсафа фанини мустақиллик, миллий тоя асосида янгилаш ва ривожлантиришдаги аҳамияти ҳақида сўзлаб беринг.
10. Ўзбекистон Республикаси файласуф олимларининг ижоди, улар нашр этган асарлар ҳақида баён этинг.

Таянч тушунчалари

Тасаввуф — исломдаги диний фалсафий оқим

Футувват — тасаввуф тариқатининг бир бўлаги

Шариат — (арабча-тўғри йўл, илоҳий йўл, қонунчилик) — ислом диний ҳуқуқ системаси

Тариқат — сўфийлик йўли, тармоғи, босқичлари

Маърифатпарварлар — илм-фан, билим, маданият, таълим-тарбияни тараққий эттиришнинг тарафдорлари
Жадидлар — (арабча “усули жадид”) янги замонавий усулда таълим-тарбия маданий-маърифий ишларни ислоҳ қилиш тарафдорлари

5-мавзу: ФАРБИЙ ЕВРОПА ФАЛСАФАСИ (10-12 маъruzалар)

РЕЖА

1. Ўрта аср Европа маданияти ва фалсафаси
2. XVII—XVIII аср Фарбий Европа фалсафаси
3. XVIII—XIX аср немис классик фалсафаси
4. XX аср фалсафаси

АДАБИЁТЛАР

- Каримов И.А. Миллий истиқолол мағкураси-халқ эътиқоди ва буюк келажакка ишончdir. Т., “Ўзбекистон” 2000, (34-36 б.)
- Туленов Ж., Фоғуров З. Фалсафа (дарслик), Тошкент, “Ўқитувчи”, 1997 йил (118-136 б.)
- Блинников Л.В. Краткий словарь философов. Учебное пособие, М., “Наука”, 1994 год.

1. Ўрта аср Европа маданияти ва фалсафаси

Кулдорлик ишлаб чиқариш усулидан феодализмга ўтилиши билан жамиятнинг ижтимоий, иқтисодий, сиёсий, мафкуравий ва маънавий ҳаёти түлиқ феодалларнинг қўлига ўтади. Қадимги цивилизация, қадимги фалсафа, сиёсат ва юриспруденция (хукуқшунослик) ер билан яксон қилинади. Маънавий билим ихтиёри поплар қўлига ўтади. Диний расм-руссумлар ва қоидалар ҳар қандай тафаккурнинг бошланғич нуқтаси ва асоси бўлиб қолади.

Христиан дормаларининг асосларини ифодаловчи — “патристика”, унинг йирик вакиллари **Тер Тулиан** (150—222 й.й.), **Августин** (354—430 й.й.) ва христиан фалсафаси шаклланиб, Фарб мактабларнинг мажбурий дарслигига айланган схоластика (юонча *Shola* — мактаб) бир неча йиллар давомида ҳукмрон мафкура бўлиб қолган эди. Фалсафа тўла равишда динга бўйсундириб қўйилган эди. Табиатни ўрганиш, хур фикрлаш гуноҳ ҳисобланиб, инквизиция (черков суди) буйруги билан жазога тортилади, қувфин қилинади.

Аммо фан тараққиёти диннинг ҳар қанча тўскинлик қилишига қарамай феодализм даврида маданий-маънавий тараққиёт ривожланиши тўхтамади.

Феодализм схоластик фалсафасида, X—XIV асрлар давомида икки асосий оқим — **номинализм** ва **реализм** ўртасида кескин қураш давом этди. Бу икки оқим ўртасидаги қурашнинг асосий масаласи умумий тушунчалар моҳияти масаласи эди.

Номиналистлар **Иоани Росцелин** (тах. 1265—1308 йиллар), **Иоан Дунс Скотт** (тах. 1265—1308 йиллар) ва **Уильям Оккам** (тах. 1300—1350 йиллар) алоҳида предметларгина реал мавжуддир, умумий тушунчалар (универсалляр) эса

номларни ифодалайди ва улар иккиламчидир, деб ҳисоблаган бўлсалар, реализм вакиллари (**Ансельм Кантерберийский** (1033—1109 йиллар) ва бошқалар умумий тушунчалар объектив мавжуд бўлиб, аниқ нарсалар уларнинг ифодалиниш шакллариридир, деб ҳисоблаганлар. Табиатдаги нарса ва ҳодисаларнинг объектив мавжудлиги ҳақидаги номиналистлар таълимоти черков обрўйининг пасайишига, дунёning худо томонидан яратилганлиги, руҳнинг бирламчилиги ва моддий ҳодисаларнинг иккиламчилиги ҳақидаги диний ақидаларга путур етказишга олиб келар эди.

XIII асрда италиялик художўй файласуф **Фома Аквинский** (1225—1274 йиллар) реализмнинг мўътадил намояндаси сифатида майдонга чиқди ва Худонинг бирламчилиги, руҳнинг ўлмаслиги каби фояларни тарғиб қилувчи **томизм** фалсафасига асос солди.

XIX асрнинг 70 — йилларида Фома Аквинскийнинг бу фалсафий таълимоти католик черковнинг расмий назарияси деб эълон қилинди, уни билиш ҳар бир диндор учун мажбурий бўлиб қолди.

XV аср охири ва XVI аср бошларида Фарбий Европа мамлакатларида феодализм емирлиб, капиталистик ишлаб чиқариш муносабатлари шакллана бошлади. Янги географик йўлларнинг очилиши ишлаб чиқаришни янада ривожлантирди, ҳунармандчиликдан мануфактурага ўтишни таъминлади, бу эса машина техникасининг ривожланишига олиб келди.

Маънавий ҳаётда бу давр табиатни ўрганишнинг кучайиши, черков, дин таъсирига қарши курашнинг авж олиши, фалсафа ва бошқа гуманитар фанларнинг равнақи билан тавсифланади. Бу даврни одатда **Ренесанс** — **Ўйғониш** даври деб атайдилар. Ўйғониш давридан бошлаб фанғоят тез суръатлар билан ривожлана бошлади. Ер ва осмон жисмлари механикаси, шу билан бирга унга хизмат қилувчи математик усусларни кашф этиш ва такомиллаштириш соҳасида буюк ишлар қилинди. Аналитик геометрия, логарифмлар, дифференциал ва интеграл ҳисоб жорий қилинди. Сайёralарнинг ҳаракат қонуни очилди. Суюқ ва газсимон жисмлар механикаси “Ўйғониш даври” охи-

рида тұла ишлаб чиқылди. Шунингдек бу даврда материализмнинг янги хили, фалсафанинг схоластикаға зид йұналиши шаклдана бошлаган, табиатнинг экспериментал математик тадқиқот усуллари вужудга келган эди.

Поляк астрономи **Николай Коперник** (1473—1543 йиллар) оламнинг гелиоцентрик системасини яратди. Бу назарияда айтилишича, оламнинг маркази Қуёш бўлиб, унинг атрофида бошқа сайёralар билан бир қаторда Ер ҳам айланиб туради. Унинг бу таълимоти Птоломейнинг геоцентрик системаси билан алоқанинг узилишини билдиради. Бу назария, шунингдек, оламни Худо яратганлиги ҳақидаги диний афсонага ҳам зарба берди. Коперникнинг гелеоцентрик назарияси материалистик дунёқараш умумий ривожининг табиий илмий замини бўлди.

Немис астрономи **Иоганн Кеплер** (1571—1630 йиллар) гелеоцентризм назариясидан келиб чиқиб, сайёralар ҳолатини қузатиш асосида сайёralар ҳаракатининг уч қонунини кашф қиласди. Бу Коперникнинг Қуёш системаси тузилиши манзарасини аниқлаштиришга ва бутун оламнинг тортилиш қонунини очишга имкон беради. Шунинг билан бир қаторда Кеплернинг кашфиётлари дунёга диний нуқтаи назардан қарашга путур етказади. Лекин шуни ҳам эсдан чиқармаслик керакки, Кеплернинг дунёқарashi диний идеалистик тушунчалардан ҳам ҳоли эмасди.

Италия олими **Жордано Бруно** (1548—1600 йиллар) ҳам “Уйғониш даври” нинг йирик вакилларидан бўлиб, схоластик фалсафага ва Рим католик черковига қарши кураш олиб борди. Бруно, Кеплернинг кашфиётидан фойдаланиб, мазкур фалсафий қоидаларининг физик ва астрономик мазмунини аниқлаштириди. У тупроқ, ҳаво, сув, алов ва эфирдан иборат Ер билан осмон оламнинг физикавий якка жинслигини тасдиқлади, деб уқтиради.

Бруно таълимотика, моддий олам бирламчи бўлиб, онг эса иккиламчидир: моддий олам мангу, у ҳеч қандай худо томонидан яратилган эмас: бордан йўқ, йўқдан бор бўлмайди: у чексиздир: моддий олам чексиз турларда ифода этилади; лекин бу чексиз нарса ва ҳодисалар бир-бири билан ўзаро алоқада, бирлиқдадир. Қуёш системасидан ташқари яна саноқсиз дунёлар, күёшлар, ерлар мавжуд, дунё — бепо-

ён, моддий олам унинг кичик бир қисмидир, ер эса бепо-ён оламнинг заррачасидир.

Брунонинг таълимоти, унинг хатти-ҳаракатлари черков томонидан қаттиқ танқид остига олиниб, черков судининг ҳукми билан у 1600 йил 17 февралда Римдаги Гуллар майдонида гулханда ёндирилган.

Италян олими **Галилео Галилей** (1564—1642 йиллар) ҳам “Уйғониш даври”нинг, буюк олимларидан биридир. У оламдаги барча нарса ва ҳодисалар моддий асосга эга, олам бениҳоя, материя абадий, табиат ягона бўлиб, механика қонунларига бўйсунади, деб тушунган.

Галилей Қадимги юнон мутафаккири Демокритни устоз деб тан олиб, оламдаги нарса ва ҳодисаларнинг моддий асосини атом ташкил қиласи деган фояни қўллаб-куватлаган.

Галилей инсон табиат қонуниятларини билишга қодир, кузатиш, тажриба, табиатни билишнинг бошланғич нуқтасидир, ҳодисаларнинг ички моҳиятини билиш эса билишнинг олий босқичидир, билиш жараёни — ҳиссий ва ақлий билимдан иборат, деб ҳисоблади.

Илмий тажрибага асосланган математик усулнинг асосчиларидан бири бўлган Галилей механика ва астрономия соҳаларида муҳим дунёқарааш аҳамиятига эга бўлган бир неча илмий қашфиётлар қилган. Унинг қашфиётлари гелиоцентризм назариясининг тўғрилигини, оламнинг чексизлиги фоясини, ер ва инсон жисмларининг моддий жиҳатдан бир-бирига ўхшашлигини, табиатнинг мавжуд қонунлари ва уларни билиш мумкинлигини исботлаб берган. Галилей 1632 йили “Оlam тузилишининг икки асоси — Птоломей ва Коперник системаси ҳақида диалог” номли асарини нашр қилди. Унинг асари нацрдан чиққандан кейин Галилей черков судига берилган.

2. XVII—XVIII аср Европа фалсафаси

XVII ва XVIII аср Farбий Европа тараққиётида янги давр ҳисобланади. Бу асрларда Англия, Франция ва бошқа Европа мамлакатларида капиталистик муносабатлар тез суръатлар билан ривожлана бошлайди. Капиталистик ишлаб чиқариш усули янги ишлаб чиқарувчи кучлар эҳти-

ёжига мувофиқ табиатни илмий билиш жараёнини тезлаштиради. Денгизда савдо муносабатларининг ривожи, кемасозликнинг тараққиёти, янги шаҳарлар қурилиши, астрономияга, математика ва механикага бўлган эҳтиёжи ни кучайтиради. Мазкур фанларнинг тараққиёти табиат ҳодисаларига аналитик қараш кераклигини талаб этар эди. Бу пайтда табиат ҳодисаларини ўрганишнинг асосий усули далиллар тўплаш уларни ҳар томонлама таҳлил этиш, тажриба ўтказишдан иборат эди. Қадимги даврдан бошлаб йигилган табиат тўғрисидаги билимлар умумий мазмунга эга бўлиб, у янги даврнинг тажрибаси ва фан талабига жавоб бера олмайди. Шунинг учун янги давр табиатшунослари табиатдаги ҳодисалар, далилларни йигиш ва ўрганиш, чуқурроқ билиш мақсадида уларни бир-биридан ажратиб ўрганадилар. Бу хил текшириш усули табиатшунослик тараққиётида ижобий хизмат қилган бўлса-да, лекин у олимлар диққатини дунёнинг умумий кўринишидан, унинг бир бутунлигидан, нарса ва ҳодисалар ўргасидаги ички алоқа ва боғланишлар борлигидан, уларнинг бир-бирига ўтиб туришидан четга тортди, олам қотиб қолган, бир-бирига боғлиқ бўлмаган тасодифий ҳодисалар йиғиндисидан иборат бўлиб кўринди.

Шундай қилиб метафизик усул вужудга келди. Табиат ҳодисаларини метафизик ҳолатда текшириш фалсафанинг метафизик шаклини вужудга келтирди.

Янги давр фалсафасининг яна бир хусусияти шундан иборатки, у асосан механика ва математика фанлари ютуқларидан келиб чиқиб уларни фалсафий жиҳатдан умумлаштириб механистик характеристига эга бўлади. Шунинг учун ҳам бу даврнинг олимлари механика қонуниятларини, жумладан И.Ньютоннинг механик сабабаият назариясини табиатдаги барча сирларни очиб берувчи калит деб ҳисобладилар.

Метафизик механистик материализмнинг йирик вакилларидан бири инглиз олими **Френсис Бэкон** (1561—1626 йиллар)дир. Бэкон инглиз материализмининг асосчиси бўлиб фалсафа тарихига кирган. У ўрта аср схоластик фалсафасига ва дин таълимотига қарши фаол кураш олиб борди. Ҳақиқий фалсафа, Бэкон фикрича, амалиёт билан му-

стаҳкам алоқада бўлиш, кишилар меҳнати билан чамбар-час боғлиқ бўлиши лозим.

Бэкон ўзининг “Янги органон”, “Янги Атлантида” номли асарларида ўрта аср схоластикасини танқид қилди ва табиятни материалистик тушунишни асослади. Билишнинг бирдан-бир тўғри йўли унинг фикрича, тажриба, (эксперимент) таҳлилидир. Шунингдек билиш алоҳидаликлардан, яъни хусусий далиллардан умумий илмий назариялар томон йўналиш асосида бўлишини уқтириди. Демак, Бэкон таълимотича, билишда асосий усул индуктив усулдир. У мавжуд бўлган барча нарса ва ҳодисаларга индуктив усул асосида ёндошиш гоясини илгари сурди. Бироқ индуктив усулнинг ролини улуғлаган Бэкон дедуктив усулнинг аҳамиятини тўлиқ тушуна олмади. У эмприк усулга ортиқча эътибор бериб, рационал усулнинг ролини пасайтириб юборди.

Метафизик материалист бўлган Бэкон билиш жараёнида ҳиссий билиш билан ақлий билишнинг ўртасидаги алоқадорлик диалектикасини тўғри очиб бера олмади.

Бэконнинг фикрича, моддий дунёнинг асосини материя ташкил қиласди. Унинг таъбирича, материя хилма-хил сифатга эга бўлиб, унинг миқдори ўзгармасдир, ҳеч нарсадан ҳеч нарса вужудга келмайди, ҳеч нарса йўқ бўлиб кетмайди. Материянинг умумий миқдори ҳеч қачон ўзгармайди, у камаймайди ҳам, кўпаймайди ҳам.

Бэкон материализмнинг яна бир хусусияти шундаки, у материяни тўхтовсиз ҳаракатда, бир ҳолатдан иккинчи ҳолатга ўтиб туради, деб ҳисоблаб, ҳаракатнинг 19 шаклини атрофлича таърифлади. Лекин у материя ҳаракати турларини ҳаракатнинг механик шакли билан айнилаштириб қўяди.

Томас Гоббс (1588—1679 йиллар) Бэкон материализмини бир тизимга солиб, унинг таълимотини ривожлантирган механистик усулга асосланувчи файласуфдир. Материяни бирламчи, онгни эса иккиламчи, деб ҳисоблаган Гоббс фақатгина бор жисмлар мавжуд, қолганлари эса тўқиб чиқарилган тасаввурлардир, деб ҳисоблади. У “Тафаккурни фикр қилувчи материядан ажратиш мумкин эмас” деган гоят муҳим фикрни илгари суради.

Материя абадий, айрим жисмлар эса вақтингчалик күри-нишга эга, улар вужудга келади ва йўқ бўлади. Гоббснинг фикрича, олим механик ҳаракат қонунларига бўйсунди-рилган жисмлар мажмуидир. Гоббс дин инсонларга таъ-сир этишнинг алоҳида услубидир, деб ҳисоблайди. У математик эди, шунинг учун ҳам ҳар қандай тўғри чизик нуқталардан иборат деб, материянинг ранг-баранглигини ҳисобга олмай, табиатдаги барча нарсаларни геометрия фани нуқтаи-назаридан тушунтирар эди.

Билим тўғрисидаги таълимотида Гоббс Декартнинг “туг-ма ғоялар” назариясини танқид остига олиб, барча би-лимларни сезгилардан келтириб чиқаради. “Киши ақлида биронта тушунча йўқки, даставвал у сезги аъзоларимизда қисман ёки тўла вужудга келган бўлмасин”, дейди Гоббс.

Гоббс жамият ҳаётини таҳлил қилишга уриниб, давлатнинг келиб чиқиши ва унинг моҳиятини тушунтиришга ҳаракат қиласди. Унинг фикрича, давлат пайдо бўлишининг асосий сабаби хусусий мулкчиликнинг келиб чиқиши оқибатида кишилар ўртасидаги курашнинг кескинлашиб кетишидадир. Жамият кишилар бир-бирини ўлдириб юбормасликлари, таламасликлари учун ижтимоий шартнома асосида давлатни барпо этади ва ўз ҳуқуқларини ҳимоя қилиш учун унга ўтказиб беради. Гоббс мутлақ монархияни давлатнинг энг яхши шакли деб ҳисоблайди.

XVII асрнинг энг йирик мутафаккирларидан яна бири франциялик **Рене Декарт** (1596–1650 йиллар) эди. Декарт икки хил субстанция: материя ва рух ўзаро ёнма-ён равишда мавжуд бўлиб, улар худога буйсунадилар, деб тушунтирган ҳолда дуалистик нуқтаи назарда турди. У чек-сиз ва абадий бўлган табиат инсон тафаккурига боғлиқ бўлмаган ҳолда ривожланади ва мавжуд, деб ҳисоблайди.

Декарт ўзининг “Усул ҳақида мулоҳазалар” номли асарида математика, механика ва геометрияга асосланиб билишининг дедуктив усулини ишлаб чиқишга ҳаракат қильди. У рационализм усулининг асосчиси ҳисобланади. Унингча, бизнинг сезги аъзоларимиз ҳамма нарсага шубҳа қилиши мумкин, бироқ менинг фикр қиласётганимга шубҳа қилиш мумкин эмас, деб ҳисоблаб, “Мен фикр қилаяпман, демак мен мавжудман” деб холоса чиқаради.

Декарт томонидан яратилган дедуктив усулнинг талаблари қуидагилардан иборат: 1. Билиш аниқ, шубҳа ўрин қолдирмайдиган даражада бўлиши керак. 2. Текшириладиган муаммоларни имкони борича майда қисмларга бўлиб ўрганиш лозим. 3. Фикр юритганда энг олдин оддий нарсадан бошлаб сўнги мураккабига ўтиши керак. 4. Билиш жараёнида тадқиқотларнинг шархини тўла олиб бориш керак, ҳеч нарсани қолдириш мумкин эмас.

Декартнинг бу фикрлари фанни схоластикадан тозалаш даврида ижобий роль ўйнади.

Декартнинг фикрича, ташқи оламдан ажралган туғмаоялар бор (худо, руҳий ва жисмийоялар). Улар орқали умумий қоидалар, қарашлар кашф этилади, деб ўйлар эди. Унинг бу қарашлари Гоббс, Локк ва Спиноза каби мутафаккирлар томонидан қаттиқ танқид остига олган эди.

Декартнинг фалсафий қарашлари унинг материалистик космологияси ва физикаси билан боғлиқдир. Математикада у аналитик геометрияни яратувчилардан биридир. Механикада у ҳаракат ва осойишталиктининг нисбийлигини кўрсатади ва бошқа кашфиётлар қилди. Космологияда у фан учун янгилик бўлган Куёш системасининг табиий ривожланишиоясини олға сурган.

Унингча, коинот энг аввало материянинг оловсимон, ҳавосимон ва тупроқсимон элементларининг қўшилмасидан пайдо бўлган. Секин-аста биринчи элементдан Куёш, иккинчисидан Ҳаво ва учинчисидан — Ер ва Куёш системасининг бошқа элементлари вужудга келган.

Голландиялик **Бенедикт Спиноза** (1631—1677 йиллар) ўз фалсафасининг мазмуни ва қонун-қоидаларини геометрик аксиома ва теоремалар шаклида баён қилган. Унинг дунёқарашида субстанция ҳақидаги таълимот асосий ўрин эгаллайди. Субстанция, табиат битта бўлиб, у ўзининг ажралмас хусусиятлари орқали намоён бўлади. Субстанция, модуслар (ўткинчи нарсалар)га эга бўлиб, модуслар табиатнинг, субстанциянинг ҳолатини тавсифлайдиган, пайдо бўлиб ва йўқ бўлиб кетадиган нарсаларнинг хосса ва хусусиятларидан иборат.

Спинозанинг фикрича, табиат ўз-ўзининг сабабчисидир (*Causasui*) бошқа куч муҳтоҷ эмас. Олам абадий бўлиб,

ҳеч нарсага бўйсунмайди. Декартнинг “түфма ғоялар”ини танқид қилиб, Спиноза субстанция, табиат биттадир, икки субстанциянинг бўлиши мумкин эмас дейди. У субстанцияни табиат ёки Худо деб атади.

Спиноза фалсафаси метафизик усулга асосланган эди. Унингча, субстанция ҳаракат қилмайди ва ривожланмайди.

Спиноза материя ва онгнинг муносабатини таҳлил қиласар экан, тафаккур бутун материянинг хусусияти, у материядан ташқарида унга боғлиқ бўлмаган ҳолда яшаши мумкин эмас дейди. Инсон оламни фақатгина тафаккур орқали, ақл орқали билиши мумкин, деб ҳисоблади. Спиноза Декарт сингари билишда сезигиларнинг ўрнига етарли баҳо бера олмайди. Унингча “Ҳақиқий билиш”, ўрганиш тафаккур орқали, ақл орқали вужудга келади.

Спиноза барча ҳодисалар табиий сабабларга эга, деб ҳисоблаб, эркинлик — билиб олинган зарурият эканлигини биринчи бор айтган эди. Унинг фикрича, оламда тасодифий нарсалар йўқ, барча нарса ва ҳодисалар заруриядан келиб чиқади ва ривожланади, бошқасига айланади.

Спиноза ўз асарларида динни кескин танқид қилиб, унинг моҳиятини илмий асослашга уринди.

Спиноза диннинг вужудга келиши асосий сабабини одамларнинг нодонлиги деб ҳисоблар эди ва маърифат тарқалиши билан дин барҳам топади деб билди, аммо диннинг гносеологик ва ижтимоий илдизларини тушуна олмади.

Инглиз олими **Жон Локк** (1632—1704 йиллар) ҳам кишилар билимининг асосий манбай тажрибадир, деб ҳисоблади. Тажриба, унинг фикрича, иккига бўлинади: ички ва ташқи тажриба. Ташқи тажриба ўз мазмунига кўра мавжуд хусусиятига эга бўлса, ички тажриба эса бизнинг руҳий кечинмаларимиздан иборат. Локк киши руҳий кечинмасини мустақил деб эълон қиласади.

Локк 1690 йилда ёзган “Инсон ақли ҳақида тажриба” номли асарида Декартга қарши чиқиб, ҳеч қандай “түфма ғоялар” йўқ, деб ҳисоблади. Унинг таълимотига кўра, билиш инсон билан табиат орасидаги муносабат жараёнидан иборат бўлиб, киши ғояларининг, тушунчаларининг моддий олам предметига мос келиши ҳақиқатдир.

Локк бирламчи ва иккиламчи сифатлар мавжуд, деб тушунтиради. Бирламчи сифатлар предметларнинг ҳажми, шакли, ҳолати, ҳаракати кабилардир. Ранг, ҳид, таъм кабилар иккиламчи сифатлардир. У бирламчи сифатлар инсонга, унинг ҳохишига боғлиқ эмас, иккиламчи сифатлар эса инсоннинг субъектив кечинмаларига боғлиқ деб нотўғри фикр юритади.

Локк ўзининг ижтимоий-сиёсий қараашларида табиий ҳолатдан фуқаролик ҳолатига ва давлатни бошқариш шаклларига ўтиш гояларини ривожлантиради. Локкнинг фикрича, давлатнинг мақсади - эркинликни ҳамда меҳнат воситаси билан ортирилган мулкни сақлашдир. Шунинг учун ҳам давлат ҳокимиияти ўзбошимча бўлиши мумкин эмас. Бу ҳокимиият Локкнинг фикрича: 1. Қонун чиқарувчи. 2. Ижро этувчи. 3. Иттифоқ Федератив ҳокимииятига бўлинади. Локкнинг мазкур гоялари ўз аҳамиятини ҳанузгача йўқотгани йўқ.

Локкнинг, агар мавжуд ижтимоий тартиб шароитида шахс лозим даражада тарбия ва камолотга эга бўлолмаса, у вақтда кишиларнинг ўзлари мавжуд тартибни ўзгартиришлари керак деган гоялари катта аҳамиятга эга эди.

Немис файласуфи **Готфрид Вильгельм Лейбниц** (1646—1716 йиллар) Спинозанинг фикрига қарши чиқиб, материя субстанция бўла олмайди, чунки материя кўламлидир ва шу сабабли бўлинувчидир, субстанция эса мулоқот воситаси бўлмоғи лозим. Унинг фикрича, дунёнинг асосини монодалар — бўлинмас руҳий субстанциялар ташкил қиласди, бутун коинот ана шулардан таркиб топган. Монодалар сони чексиздир, улардан ҳар бири идрок ва интилишга эгадир, бу эса, Лейбнцнинг фикрича, субстанциянинг ҳаракатчанлигини, фаол ҳаракатини таъминлайди. Унинг таълимотининг дилектикаси ана шундан иборатдир, бу идеалистик диалектика эди. Чунки унинг фикрича, монодалар бир-бири билан жисмоний суратда ўзаро таъсир кўрсатишмайди, лекин бу билан бирга улар ягона ривожланувчи ва ҳаракатланувчи оламни ташкил этади ва бу олам олий монодага (мутлаққа, Худога) боғлиқ бўлган олдиндан белгиланган уйғунлик билан тартибга солинади.

Билиш назариясида Лейбниц Локкнинг материалистик сенсуализмига қарши чиқиб, ўзининг “Инсон ақли тўғри-

сида янги тажрибалар” деган асарида билимнинг яккаю-ягона манбасини ҳиссиёт эмас, фақат ақл ташкил этади, деб давъо қиласи.

Ҳақиқатга эришиш учун Лейбницнинг фикрича, мантиқ қоидаларига амал қилинса бас. Унинг илмий меросида мантиққа оид асарлар катта ўрин тутади.

У математика, геология, биология ва бошқа фанларнинг ривожига катта ҳисса қўшган.

Субъектив идеализмнинг йирик вакили **Жорж Беркли** (1685—1753 йиллар) Локкнинг иккиламчи сифатлар ҳақидаги таълимотидан ўзининг идеалистик қарашларини асослашда фойдаланади. У ўзининг “Киши билишининг асослари ҳақида рисола” асарида субъектни бирламчи деб ҳисоблаб, барча нарсалар онгининг ҳолатидан, сезгилар мажмуудан иборат деб таълим беради. Беркли материяни, объектив реалликни бутунлай тан олмас эди. У оламда “Мен” ва менинг сезгиларимдан бошқа ҳеч нарса йўқ, оламдаги нарсалар менинг сезгиларимдагина мавжуд, агар мен сезмасам, уларнинг мавжудлиги ҳақида гап бўлиши мумкин эмас, деб ҳисоблади.

Беркли солипсизмдан қочишга, уриниб, руҳий субстанцияларнинг кўплиги ҳамда “ниҳоясиз руҳнинг”, худонинг мавжудлигини эътироф этади.

Беркли материяни, объектив реалликни бутунлай тан олмай, мен қабул этадиган бутун ҳиссий тасаввурларни менда моддий предметлар эмас, балки руҳ пайдо қиласи, шу руҳ эса Худолар деган эди. У материя тушунчасини ички томондан зиддиятли ва билиш учун бефойда деб танқид қиласи.

Беркли Локкнинг бирламчи ва иккиламчи сифатлар тўғрисидаги гоясини рад қилиб, барча сифатларни субъектив деб эълон қиласи. У фаннинг дунёқарашидаги аҳамиятини инкор қилиб, оламнинг вазифаси “ҳамма нарсани, фақатгина жисмоний сабаблар билан изоҳлашни даъво қилмасдан, балки яратувчининг тилини ўрганиб олишдан иборат”, деб ҳисобларди.

Субъектив идеализмнинг яна бир йирик вакили **Давид Юм** (1711—1776 йиллар)дир. У объектив реалликнинг мавжудлигига шубҳа билан қаровчи скептицизмнинг асосчиларидан бири бўлиб ҳисобланади. Унинг нуқтаи-назари-

ча, дунё қонунлари субъектив хусусиятга эга бўлиб, бизнинг одатларимизга боғлиқ, сабабият ва зарурият сезгиларимизнинг тартибидан, кетма-кетликдан бошқа нарса эмас. Шундай қилиб, Юм скептицизмни агностицизмнинг турларидан бири сифатида моддий дунё қонунларини билишни инкор қиласди ва фан тараққиётини чеклашга ҳарарат қиласди.

Юм объектив оламнинг мавжудлиги ёки мавжуд эмаслиги деган масалани ҳал қилмайдиган масала, деб ҳисобларди.

Билимнинг вазифасини Юм борлиқни пайқашда деб эмас, балки амалий ҳаёт учун қўлланма бўлиш қобилиятида деб биларди. Унинг фикрича, ишончли билимнинг ягона предмети математика объектларидир; татқиқотнинг бошқа ҳамма предметлари мантиқий жиҳатдан исботлаб бўлмайдиган асосларга тааллуқлидир, улар фақат тажрибадан хулоса қилиб чиқарилади, аммо Юм тажрибани идеалистларча тушуниб, воқелик фақат “тасаввурлар” оқимиదир, уларнинг сабаблари номаълум ва уларни пайқаб бўлмайди дер эди.

Этика масаласида Юм **утилитаризм** назариясини ривожлантирди, фойдалиликни ақл-одоб мезони деб эълон қилди. Дин фалсафасида у, коинотдаги тартибот сабабларининг ақл билан бир қадар ўхшашлиги бор деган фараз билан чекланди, лекин шу билан бирга худо ҳақидаги ҳар қандай диний ва фалсафий таълимотни рад қилди, у тарихий тажрибага асосланиб, диннинг ахлоқ-одобга ва фуқаролик ҳаётига таъсирини заарли деб эътироф қилди.

XVII аср материализми ўртага қўйган барча фалсафий фикрлар XVIII аср француз мутафаккирлари томонидан янада ривожлантирилди. **Ламметри** (1709—1751 йиллар), **Гельвеций** (1715—1771 йиллар), **Дидро** (1713—1784 йиллар), **Гольбах** (1723—1784 йиллар) ва **Робине** (1735—1820 й.й.) ҳамма ижодий жисмлар ўзгармайдиган ва бўлинмайдиган атомлардан (Гольбах) ёки молекулалардан (Дидро) ташкил топган, деб ҳисоблайдилар. Уларнинг айримлари, масалан, Гольбах материяни объектив реаллик сифатида фалсафий изоҳлашга ҳаракат қиласди.

Гольбахнинг фикрича, “материя бизнинг ҳисларимизга бирор тарзда таъсир кўрсатадиган нарсаларнинг ҳамма-

сидир” Материя ўзгармас ва бўлинмас атомлардан иборат бўлиб, бу атомларнинг асосий хоссалари кўламлилик, оғирлик, шакл, ўтказмасликларидир.

Француз мутафаккирлари материя ҳақидаги фалсафий таълимотни ривожлантиришга қўшган ҳиссалари шу бўладики, улар материяни ҳаракатсиз, ҳаракатни эса материясиз мувжуд бўлиши мумкин эмас, деб ҳисоблайдилар. Уларнинг таълимотига кўра, ҳаракат материянинг мавжудлик усулидир, материя ҳаракати абадий ва мутлоқ. Француз олимларининг материянинг ички фаоллиги ҳақидаги таълимоти XVII аср материалистларининг материя ва ҳаракат ҳақидаги қарашларига нисбатан олга қўйилган йирик қадам эди. Аммо улар ҳаракат шаклларининг турли-туман эканлигини ва сифат жиҳатдан бир-биридан фарқ қилишини тушуна олмадилар. Улар ҳаракатни жисмларнинг фазода оддий ўрин алмашиши кўринишида тасаввур қилиб, ҳаракатнинг сабабини ташқи таъсиrlардан қидирган эдилар. Шу сабабли улар ҳаракатнинг фақат битта шакли — механик ҳаракатни тан олар эдилар.

Шу билан бирга, француз олимлари баъзи эвалюцион фояларни ҳам олга сурғанлар, улар органик дунё ноорганик дунёдан, юқори организмлар қўйи организмлардан келиб чиққан деган фикрларни айтганлар.

Дунёни билиш масаласида француз файласуфлари сенсуалист эдилар. Улар барча билимларнинг манбанин моддий предметларнинг сезги аъзоларига таъсири натижасида ҳосил бўладиган сезгилардан иборат деб билдилар. Сезгисиз, билиш жараёни бўлмайди, деб ҳисоблар эди Гольбах. Сезги, унинг фикрича, мияда содир бўладиган фарқ қилувчи ўзгаришларидир, онг эса бу ўзгаришларни идрок қилишдир.

Гельвеций ўзининг “Ақл ҳақида” асарида ақл бизнинг сезгиларимизнинг йиғиндиси деб таъкидлайди.

Француз материалистлари ҳақиқат ва унинг мезони масаласи билан ҳам алоҳида шуғулланганлар. Ҳақиқат, уларнинг таълимотига кўра, фикрлар, фояларнинг предметлари ва улар орасидаги боғланишларга доимий мос келишидан иборат. Улар ҳақиқатнинг мутлақ ва нисбий томонларини ҳисобга олмадилар.

Инсон фикри ва ғояларининг манбай ташқи дунё эканлиги нуқтаи назаридан туриб, француз файласуфлари Декартнинг “түгма ғоялар” назариясини ҳар томонлама танқид қилдилар. Улар кишиларда ҳеч қандай “түгма ғояларнинг” бўлиши мумкин эмас, чунки ҳар қандай фикр ва ғоя ташқи дунёнинг инсон миясига таъсиридан кейинги на ҳосил бўлади, деб ҳисоблар эдилар.

Француз мутафаккирлари изчил детерминист эдилар, уларча, оламда бирорта сабабсиз воқеа, ҳодиса мавжуд эмас. Улар объектив оламда фақат зарурият мавжуд деб тасодифни бутунлай рад этдилар. П. Голбахнинг фикрича, табиатда ҳеч нарса тасодифий юз бермайди, ундаги ҳамма ҳодиса маълум бир қонунга амал қиласди, бу қонун маълум оқибатининг сабабий ва зарурый боғланишидан иборат. Табиатдаги бутун воқеа, ҳодисалар олдиндан белгиланган, бошқача тарзда бўлиши мумкин эмас, инсон заруриятининг қулидир, у ҳётда бир дақиқа ҳам эркин эмас. Уларнинг бу фикрлари тақдирга тан беришга олиб келади.

Француз материалистлари ўзларининг кўпгина асарларида динга қарши чиқиб, унинг моҳияти, жамиятда тутган ўрни ҳақида бир қанча фикрларни баён этадилар. Уларнинг фикрича, дин одамларга табиат, жамият ҳақида тўғри тасаввур ҳосил қилишга, ижтимоий адолатсизликларнинг ҳақиқий моҳияти, сабабини англашга, уни бартараф этиш йўлларини билиб олишга йўл қўймайди. Шу билан бирга дин меҳнаткашларни қулликка ва оч-ялангочликка маҳкум этадиган подшо ҳокимиятини кўллаб-қувватлайди. Улар дин пешволарини танқид қилиб, кишиларнинг кўл-оёғини кишанлаб қўйган дин занжирларини парчалаб, инсоний, ижодий қобилиятга кенг йўл очиш лозим деб ҳисоблайдилар. Гольбах таъкидлаганидек, “кишилар манфаати худди шу диний фикрларнинг йўқ қилинишини талаб этмоқда ва соғлом фалсафа ўзини шу диний чалтишларнинг йўқ этилишига бутунлай багиашлаши лозим”

Француз олимларининг фикрича, киши ижтимоий муҳитнинг маҳсули, ижтимоий муҳит қандай бўлса, киши ҳам шундай бўлади. Демак, жамият ҳаётини яхшилаш учун мавжуд муҳитни, шароитларни ўзgartириш керак. Бу вазифани уларча, фақат маърифатнинг ривожи орқалигини амалга ошириш мумкин✓

Уларнинг фикрича, ҳар бир инсон эркин туғилади, шунинг учун ҳамма баҳтга, озодликка, адолатга баб-бара-вар ҳақлидир. Бу уларнинг табиий, туғма ҳуқуқидир. Шунинг учун бўлажак жамиятнинг асосий вазифаси - ҳамма кишиларниadolатли равишда баҳт ҳуқуқи билан таъминлашдир. Аммо улар ижтимоий муҳит маъносида мавжуд сиёсий тузумни, унинг қонунларини, устқурмасинигина тушунар эдилар. Натижада фикр жамиятни бошқаради, кишиларнинг фикри, онги қандай бўлса, жамият ҳам, ижтимоий муҳит ва унинг тузилиши ҳам шундай бўлади деган идеалистик хулоса келиб чиқади.

XVIII—XIX немис классик фалсафаси

Фалсафа фанининг ривожланишида немис файласуфларининг ҳам ҳиссаси катта.

XVIII—XIX асрларда Германияда фалсафий фикрларнинг шаклланишида, бир томондан, 1789—1794 йиллардаги француз инқилоби ва унинг кишилик жамиятининг доимо ўзгариб туриши ҳақидаги хуносаси катта аҳамиятга эга бўлган бўлса, иккинчи томондан ўша давр Германия ижтимоий ҳаётига ҳам ўз таъсирини кўрсатди. Германия бу даврда нисбатан қолоқ мамлакат бўлиб, немис буржуазияси инқилобдан кўрқар, шу билан бирга капитализмнинг ривожланишидан манфаатдор эди. Немис буржуазиясининг бу иккӣёқламалиги ўша давр фалсафасида ҳам ўз ифодасини топди.

Немис классик фалсафасининг асосчиси **Иммануил Кант** (1724—1804 йиллар)дир. Кант фалсафасининг хусусияти шундаки, у материализмни идеализм билан келишиширишдан ҳамда бир-бирига қарам-қарши бўлган фалсафий оқимларни бир системада бирга қўшишдан иборатdir. Унинг фалсафасини икки: танқидий фалсафагача бўлган (XVIII асрнинг 70 йилларигача), танқидий фалсафа даврига бўлиш мумкин. Кант ўз фалсафасининг дастлабки даврларида асосан табиашуносликнинг фалсафий масалалари билан шугулланди. У 1785 йилда ёзган энг йирик асари “Бугун умумий табиий тарих ва осмон назарияси”да Қуёш системаси коинотдаги бошлангич катта туманликни айланма

ҳаракат қилиши натижасида келиб чиққан, деб ҳисоблайди. Бу жараённинг сабаби “дастлабки турткі” эмас, балки ўзаро тортилиш ва итарилиш орасидаги зиддиятдир. Шу сабабли Қуёш системасидаги барча сайёralар, жумладан Ер ҳам Кант таълимотига кўра, узоқ давом этган табиий тарихий тараққиётнинг маҳсулидир. Кантнинг бу хуносаси унинг табиат ҳодисаларини диалектик тарзда тушунганилигидан далолат беради. Лекин у илмий материалистик қарашларини дин билан боғлашни лозим топди. Унингча, табиат ҳодисаларининг маълум тартибига, муайян қонуниятга бўйсимишида Худонинг каромати бор.

XVIII асрнинг 70 йилларидан бошлаб Кант фаолиятининг иккинчи даври бошланади ва “Соф ақлни танқид” (1781), “Пролегоменлар” (1783), “Мұхокама қобилиятини танқид” (1790) каби асарларида ўзининг трансцендантал ёки танқидий идеализм системасини асослайди. Бу асарларида у ўз эътиборини инсоннинг билиш қобилияти ва имкониятларини таҳлил қилишга қараб, объектив реалликнинг мавжудлигини эътироф этади ва уни “нарса ўзида” деб атайди. Лекин унингча, “нарса ўзида”ни билиш мумкин эмас.

Кантнинг фикрича, “нарса, предметлар бизнинг онгимиздан ташқари мавжуд, бироқ улар нимадан иборат эканлигини биз билмаймиз ва ҳеч қачон била олмаймиз ҳам... Биз объектларни бизнинг сезгиларимизга қандай туюлса шундай билишимиз мумкин, аммо аслида улар қандай, буни биз била олмаймиз”

Кант инсон билимини икки гуруҳга ажратади: 1. Тажриба асосида ҳосил бўладиган билимлар (апостериори). 2. Тажрибагача ёки унга боғлиқ бўлмаган билимлар (априори). Фазо, вақт, сабабият каби тушунчалар априор билимлар шакли бўлиб, булар тажриба натижасида ҳосил қилинадиган билимлардан устун туради. Тажрибавий билимлар алоҳида-алоҳида олинган, бир-бири билан боғланмаган ҳодисаларни ифодаласа, тажрибагача бўлган априор билимлар эса ҳодисалар ўртасидаги умумий сабабий ва зарурий боғланишларни, яъни қонуниятларни ифодалайди.

Дунё қонунларининг объектив хусусиятга эга эканлигини Кант мутлақо тан олмайди. Унинг фикрига кўра, ки-

шиларнинг идроки табиатга қонунлар ато қиласди, шунинг учун ҳам инсон ақли табиатга мослашиши керак эмас, балки табиат инсон ақлига мослашиши лозим.

Кантнинг фалсафа тараққиётидан хизматларидан бири шу бўладики, у кейинчалик Гегель томонидан дилектикани яратишда асос бўлиб хизмат қилган антиномияларни кўрсатиб ўтди.

Кантнинг таълимотига кўра, инсон ақли табиатан антиномияларидир, яъни зиддиятларда иккиланувчилир. Шунинг учун қарама-қарши фикрларни баб-баравар исботлаш йўли билан асослаб бериш мумкин. Масалан, олам ҳам ниҳояларидир ва ҳам чегаралари йўқдир. Бўлинмас заррачалар (атомлар) бор ва бундай заرارлар йўқ ва ҳоказо. Унингча, бу зиддиятлар ҳар қандай ҳолда фақат зоҳирийдир.

Кант ахлоқ масалаларига ҳам катта эътибор берди. Унинг нуқтаи назарича, жамиятдаги ҳар бир кишининг хулқ-автори, иродаси объектив реалликдан тамомила ажralган ва ўзгармасдир. Ақлнинг асоси эса кишилар онгидаги ўзгармас амирфармондир.

Кант мутлақ буйруқни (қатъий императив) этиканинг асосий қонуни деб эълон қилди. Бу буйруқ унингча, хатти-ҳаракатнинг мазмунига мутлақ боғлиқ бўлмаган ҳолда хулқ-авторнинг ялпи умумий қонуни бўла оладиган қоидага амал қилишини талаб этади.

Кантнинг жамият ҳаётининг тарихий жараёнида антогонизмларнинг роли, абадий тинчликни барқарор қилишда турли давлатлар учун ўзаро фойдали алоқаларни ривожлантириш ҳақидаги таълимоти фалсафанинг кейинги ривожланишига фоят катта таъсир кўрсатди.

Иоганин Готлиб Фихте (1762—1814 й.й.). Немис субъектив идеализмининг йирик намояндаси Кантнинг “нарса ўзида” ҳақидаги таълимотини улоқтириб ташлаб, билиш шаклининг бутун хилма-хиллигини бир субъектив идеалистик ибтиоддан келтириб чиқаришга уринган. Бу ибтидо шундан иборатки, файласуф қандайдир мутлақ субъектив “Мен”ни назарда тутиб, унга бениҳоя актив фаолият беради, шундан кейин у оламни яратади. Бошланғич “Мен” бу ўзига хос “Мен” эмас, балки онгнинг ахлоқий фаолия-

тидир. Ана шу мистик бошланғич “Мен” алоқида “Мен” – ни келтириб чиқаради. Уни Фихте мутлақ әмас, балки чекланған инсон субъекти ёки әмприк “Мен” деб тушунади ва бунга табиат, янын әмприк табиат қарама-қарши туради.

Фихтенинг фикрича, абсолют субъект “Мен” ва табиат, онг ва нарсалар бир-бири билан узвий бояланған, уларнинг ҳеч бирини айрим равишда билиб бўлмайди.

Фихте таълимотидаги диалектик фикрлар унинг ижобий томонини ҳосил қиласди.

Фридрих Вильгельм Йозеф Шеллинг (1775–1854 й.й.)

Фихтенинг субъектив “Мен”га асосланған фалсафага ўзининг объективлик бирламчи деган фикрини қарама-қарши қўяди. Шеллинг объектив идеализмнинг янги шакли – айният фалсафасини яратади. Объект билан субъектнинг айният гояси Шеллинг таълимотининг асосий муаммосини ташкил қиласди. Оламдаги барча нарса ва ҳодисалар унингча, мутлақ руҳнинг ифодасидир. Материя унингча, онгдан ташқари мавжуд бўлган реаллик әмас, балки мутлақ руҳнинг алоқидаги ҳолатидир. Шунинг учун материя ва руҳни бир-бирига қарама-қарши қўйиш мумкин әмас.

Билиш Шеллингнинг фикрича, “Мен”нинг ўз-ўзини англаш деганидир. Демак, билишнинг объектини онг ташкил этади ва унинг ёрдамида “Мен” ўзлигини англайди. Руҳ, жон ва уларнинг тасаввурлари ўзининг фаолиятини, ўзлигини билишга қаратилгандир.

Шеллинг фалсафасида диалектика гоялари ҳам мавжуд.

Мутлақ руҳ, “Мен” унинг фикрича, объективлик ва субъективлик каби қарама-қаршиликларнинг бирлигидан иборат. Уларнинг кураши табиат ва жамиятдаги нарса ва ҳодисалар ҳаракатининг манбаидир. Унингча, субъективлик ва объективлик бирлигидан иборат бўлган руҳ (тезис), тараққиёт жараёнида табиатнинг шаклланишига олиб келади (антитезис) ва ниҳоят табиатдан яна объективлик ва субъективликнинг бирлиги бўлган юқори даражадаги руҳнинг тараққиётига олиб келади (синтез).

Метафизикларнинг фикрига қарши чиқиб, у табиат доимо ҳаракатда, унинг манбани қарама-қаршиликларнинг бирлиги ва кураши ташкил қиласди деган гояни олга суради. Табиатда ҳамма нарса бир-бири билан чамбарчас

боғланган, шунинг учун ҳам уларни бир-биридан ажратиб қараш нотўғри. Фазо ва вақт бир-бири билан боғланган.

Шеллингнинг мазкур фикрлари немис классик фалсафасининг йирик намояндаси Гегель томонидан янада ривожлантирилади.

Гегель (1770—1831 йиллар) фалсафаси XVIII асрнинг охири XIX асрнинг бошларидаги немис идеализимининг чўққиси ва ниҳоясидир. Гегель тўғрисида сўз борганда унинг фалсафасидаги икки томонни — дилектик усул ва метафизик консерватик системасини фарқ қилмоқ зарур. Агар диалектик усул ўзида “рационал мағзини” — тараққиёт тўғрисидаги таълимотида гавдалантирган фалсафа шакли бўлса, унинг доктриник идеалистик системаси эса консерватив тараққиётнинг тўхтаб қолишини талаб этади ва шунинг натижасида дилектик усулга тубдан зиддир.

Гегель объектив идеализм нуқтаи назарида туриб “олам ақли”, “олам руҳи”, “мутлақ фоя” билан ифодаланган ҳар қандай руҳий ибтидо табиат ва жамиятдаги барча ҳодисаларнинг асосидир, реал дунёдан табиат ва жамиятдан илгари руҳий ибтидо, “мутлақ фоя”, Худо мавжуд бўлган деб ҳисоблайди.

Гегель таълимоти бўйича мутлақ фоя ўз тараққиётида уч босқични: тезис, антитезис, синтезни босиб ўтади: 1) идеяning ўз бағрида, “соғ тафаккур стихиясида” ривожланиши. Бунда идея бир-бирига боғлиқ бўлган ва бир-бирига ўтиб турадиган мантиқий категориялар тизимини ўз мазмунини очиб кўрсатади; 2) идеяning “ўзи шакл” кўринишида, яъни табиат шаклида ривожланиши; 3) идеяning тафаккурида ва тарихида (“руҳда”) ривожланиши. Бу босқичда мутлақ фоя яна ўз-ўзига қайтади ва инсон онги фаолиятининг турли кўринишларида ўз мазмунини пайқаб олади.

Аммо Гегелнинг фалсафий системасида ижобий томонлари, яъни “рационал мағзи” ҳам мавжуд. Бу унинг диалектикаси ва билиш назариясида ўз аксини топған. Бу эса унинг “Логика фани” асарида баён этилган. Бу асарида Гегель диалектиканинг уч асосий қонун: 1. Қарама-қаршиликларнинг бирлиги ва кураши қонуни. 2. Миқдор ўзгаришларининг сифат ўзгаришларига ўтиш қонуни. 3. Ин-

корни-инкор этиш қонуни мөхиятини чуқур ва атрофли-ча асослаб беради. Шунингдек, унинг асарларида фалса-фанинг барча категориялари ҳам тавсифланыб берилган.

Билиш назариясига Гегелнинг кўшган ҳиссаси шундан иборатки, у логика (мантиқ) ва билиш назариясининг бирлигини асослаб бериш билан бир қаторда диалектик мантиқнинг биринчи кенгайтирилган тизимини яратади.

Гегель билиш жараёнининг хусусиятлари, ҳақиқатга эришиш диалектикаси каби масалаларни ҳар томонлама асослаб берди. У диалектика қонуниятларини табиат ва ижтимоий фанларга татбиқ этиб фалсафанинг ҳамма соҳаларида чуқур из қолдирди. Гегель мантиқ ҳақидаги таълимотида мавжуд олам билан назарий ва амалий фаолиятининг муҳим қонуниятлари алоқадор эканлигини кўрсатиб берган эди.

Немис классик фалсафасининг буюк вакили файласуф **Людвиг Фейербах** (1804—1872 йиллар)дир.

Фейербах фалсафада антропологик йўналиш тарафдо-ри эди. Уларнинг таъбирича, инсон табиатининг бир қисми, унинг гултожидир. Шунинг учун дунёдаги ҳамма нарса инсонга хизмат қилиши лозим. Фалсафанинг мавзуси инсон ва унинг фаолиятидадир. Дин инсонга унинг вафо-тидан кейинги дунё ҳақида йўл кўрсатади, фалсафа унга шу дунёда қандай яшashi кераклигини кўрсатади.

Фейербах кўрсатадики, табиат фақат инсон орқали ўз-үзини пайқайди ва ўзи тўғрисида фикрлайди. Тафаккурни борликдан, онгни материядан ажратиб кўювчи идеалист-ларни у кескин танқид қилиб, тафаккурнинг борлиқка муносабати масаласи энг аввало инсон масаласи эканли-гини таъкидлайди, чунки англаш ва фикр қилиш инсон-нинг хусусиятидир.

Фейербах таълимотига кўра, фазо ва вақт материянинг борлиқ шакллари, атрибутидир, ҳаракат эса материянинг мавжудлик усулидир.

Фейербах Гегелнинг идеалистик фалсафасини дин билан яқин алоқада деб ҳисоблади. Шу туфайли, унинг фик-рича, диндан қутилиш учун Гегелнинг идеализмдан мутлақ озод бўлиши лозим. Фейербах Гегель фалсафасини, унинг идеализмини танқид қилиш жараёнида ундаги “ра-

ционал мәгзини” күра олмади, яъни у Гегелнинг диалектика усулини, ундаги ўзаро боғланиш ва тараққиёт таълимотини унинг идеализми билан бирга рад этди.

Фейербах дунё ва унинг қонунларини билиш мумкинлигини инкор құлувчи Кант агностицизмини танқид қилди. У моддий дунёда инсон томонидан ҳали билинмаган нарса ва ҳодисалар жуда күп эканлигини таъкидлайды, лекин инсон уларни фан ва амалиётнинг тараққиёти да-вомида билиб олишга қодир, деб ҳисоблайды.

XIX асрнинг ўргасида немис халқининг фарзандлари **Карл Маркс** (1818—1883 й.й.) ва **Фридрих Энгельс** (1820—1895 й.й.) диалектик ва тарихий материализм деб номланған фалсафани яратдилар. **В.И.Ленин** (1870—1924 й.й.) томонидан ривожлантириб сабиқ Иттифоқда 70 йил давомида ҳукмрон мағкура сифатида кишиларнинг онгига мажбуран сингдирилиб келинган мазкур фалсафий таълимот ижтимоий ҳаёт, маданият, фан ва бошқа соҳаларда күпгина салбий оқибатларнинг келиб чиқишига сабаб бўлди.

4. XX аср фалсафаси

Юқоридаги фикрлардан кўриниб турибдики, Қадимги Шарқ, Ўрта Осиё, Фарб фалсафасининг марказида Борлиқ, Табиат, Онг, Инсон, Жамият. уларнинг моҳияти ва ривожланиш қонуниятлари, бир-бирига таъсири ва ўзаро алоқадорлиги, воқеликни билиш йўллари каби муаммолар асосий ўринни эгаллаб келган. Мазкур муаммолар ҳозирги давр фалсафасининг ҳам диққат марказида турибди. Лекин, аввалги даврларга нисбатан, юқорида кўрсатиб ўтилган муаммолар ҳозирги кунда кенг ва чуқурроқ қизиқиши уйғотмоқда. Бунинг боиси шундаки, фан тараққиёти ва амалиёт бизга мазкур масалаларнинг янги томонлари, мураккаб қирраларини очиб бермоқда, улар эса ўз навбатида янгича фалсафий ёндошишни тақазо этмоқда.

XX аср фалсафасининг хусусияти шундан иборатки, фалсафанинг юқорида қайд қилинган анъанавий масалалари билан бир қаторда ҳозирги давр тараққиётидан келиб чиқсан бир қатор янги муаммоларда ҳам ўз ифодасини топган. Буни биз **психоанализ** (руҳий таҳлил) фалсафа-

сидан яққол күришимиз мүмкин. Мазкур фалсафий оқим-нинг йирик намоёндалари Зигмунд Фрейд (1856—1939 й.й.), К.Юнг (1875—1961 й.й.), Э. Фромм (1900—1980 й.й.) ҳисобланади.

З.Фрейднинг фикрича, ҳар бир кишида онг ва онгсизлик томонлари мавжуд. Онг остида катта миқдорда илгаридан сақланиб келаётган ички кечинмалари, изтироблари унинг ташқи онг фаолияти ва ҳаракатларини белгилайди.

Одамларнинг болалик даврига хос бўлган изтироблари, кечинмалари онг томонидан “эсдан чиқариб”, онгсизлик диёрига қараб сиқиб юборилган. Ҳар бир киши ўзида катта миқдорда қўркув, илоҳий кучларга ишонч ҳиссиётларини сақлаб юрибдилар. Улар кишиларни қийнаб ҳар хил асаб касалликларини келтириб чиқаришга сабаб бўлмоқдалар.

З.Фрейд ўзининг “Я”, “Оно”, “Тотем и табу”, “Толкование сновидений”, “Психопатология обыденной жизни” ва бошқа асарларида инсон онги учта даражадан таркиб топган, дейди. 1. Мендан юқори (Сверх Я — сверхсознание). Унга одоб-ахлоқ қоидалари, ахлоқий назорат, отоналар томонидан ман этилган қоидалар киради. 2. Онг-Мен (Я). 3. Онгсизлик-У (Оно). Бунга онг томонидан сиқиб чиқарилган инстинктлар, изтироблар, жинсий, агрессия инстинктлари кабилар киради. Мазкур инстинктлар инсонларга илгариги ҳайвоний ва ибтидоий ҳаётдан мерос бўлиб ўтган.

ОНГГА (Менга) доимий равишда, бир томондан, Мендан юқори (сверх Я) томонидан ман қилинган қоидалар, иккинчи томондан, онг остидаги-онгсизлик — У-Оно инстинктлари таъсир кўрсатиб туради. Шу туфайли кишилар турли асаб касалликларига мубтало бўлади.

Нормал кишилар мазкур ҳолатдан ўзидаги онгсизликни санъат, фан, ижтимоий фаолиятга сафарбар этиш орқали чиқишга мұяссар бўладилар. Шунинг учун ҳам буюк санъат асарлари, илмий кашфиётлар, одатда онгсизлик инстинктларининг таъсири остида юзага келади.

З.Фрейд таълимотини унинг шогирди К.Юнг янада ривожлантиради, мазмунан бойитади. К.Юнг кишиларда

шахсий онгсизликдан ташқари коллектив, “урұғ” онгсизлик мавжуд деган тояни илгари суради.

Коллектив онгсизлик, аждодларимиз табиат бағрида яшаган даврда мужассамлашған ва авлоддан-авлодға месрос бўлиб ўтиб келаётган кечинмаларни, изтиробларни ташкил этади. Инсон онги ҳам шахсий ҳам коллектив кечинмалар, изтироблар таъсири остида ривожланади. Мазкур кечинмалар одатда ухлаган ваҳтда туш кўриш жараёнида яққол намоён бўлади, дейди К.Юнг.

Э.Фромм, З.Фрейд таълимотини ижтимоий муносабатларни таҳлил этишда тадбиқ этиб бир қатор янги фикрларни илгари суради.

Позитивистлар барча ҳақиқий, “ижобий” (позитив) биллиmlарни айрим фанларнинг натижаси ёки уларни синтетик бирлаштириш натижаси сифатида олиш мумкин дейдилар. Улар реал воқеаликни чуқур тадқиқ қилишга қаратилган фалсафа алоҳида фан бўлиш ҳукуқига эга эмас, деб даъво қилганлар.

Позитивизм ўтган асрнинг 30-40 йилларда вужудга келган. Унинг асосчиси француз файласуфи **О.Конт** ҳисобланади. Позитивизм учта асосий кўринишга эга: 1. О.Конт позитивизми; 2. Эмпириокритицизм ва 3. Неопозитивизм.

Конт фан ўзидан устун турувчи ҳеч қандай фалсафага муҳтоj эмас деган тояни илгари суради. Контнинг фикрича, фан фалсафанинг “метафизик” муаммолари билан қизиқмайди, идеализмни ҳам, материализмни ҳам рад қиласди. Моҳият ва сабабини очиб берадиган даъвога тааллукли метафизик қолдиқлар фандан ҳайдаб чиқарилиши керак. Шунинг учун фан ҳодисаларини изоҳламайди, балки излайди ва “нима учун” деган саволга эмас, балки “қандай” деган саволга жавоб беради.

Позитивизм табиий-илмий кашфиётларни ақлий-фалсафий назарияларга қарама-қарши қўяди ва мутлақ тўғри деб қабул қилди.

Позитивизмнинг иккинчи тарихий шакли — Р.Авенариус ва Э.Мах эмпириокритицизм (махизм) фалсафасининг вазифаси барча фанларнинг умумий холосаларини системалаштирадиган “синтетик” системасининг назарияларидан иборат бўлмасдан, балки улар ишлаб чиқсан субъек-

тив-идеалистик асоси илмий билиш назариясини яратишдан иборат деб билади. Масалан, Max сезгини инсон билиши мумкин бўлган ягона “реаллик” ёки бутун мавжудотнинг “элементи” деб қарайди.

Асrimизнинг 20-йилларида неопозитивизм вужудга келди. Унинг вужудга келишида инглиз логик олими, математиги ва файласуфи Б.Рассел ва австрия файласуфи Л.Витгенштейн муҳим роль ўйнадилар. Логик позитивизм 20-йилларнинг бошларида М.Шлик томонидан ташкил қилиниб, унинг таркибига Р.Карнап, О.Нейрат ва бошқалар келиб қўшилган “Вена тўгараги”да вужудга келди. Шунга ўхшаш қарашларни Берлиндаги “Эмприк фалсафа жамияти” (Г.Рейхенбах, В.Дубислав), Варшава мактаби (К.Видуневич, Л.Хвистек) аъзолари ривожлантирилар. Англияда эса бу қарашга А.Дж. Айер қўшилди.

А.Пуанкаре конвенциализими ва прагматизмнинг бир қатор фоялари билан тўлдирилган махизм неопозитивизмнинг асосий фоявий манбаи ҳисобланади.

Неопозитивистлар дунё ҳақидаги барча билимларимизни фақат конкрет эмприк фанлар беради, деб таъкидлайдилар. Гўёки фалсафа хусусий фанлардан ташқари, дунё ҳақида бирорта янги қоидани кўтариб чиқара олмайди, ҳеч қандай дунё тасвирини яратса олмайди. Унинг вазифаси фанлар ва айрим билимларнинг холосаларини логик таҳлил қилиш ва тушунтиришдан иборат.

Неопозитивистлар фалсафани фақат тилнинг логик таҳлили билан айнан бир нарса деган ҳолда фалсафадан фалсафий муаммоларни чиқариб ташлашга ва бу билан уни амалда йўқ қилишга ҳаракат қиласидилар.

Неопозитивистлар логик таҳлил қилишнинг муҳим вазифаларидан бири мазмунга эга бўлган гапларни илмий нуқтаи назарда мазмундан маҳрум бўлган гаплардан узоқлаштириш ва фанни “мазмунсиз” гаплардан “тозалаш”-дан иборат деб биладилар. Эмприк тажрибада синааб кўрилган гаплар ҳақиқий, синааб кўрилмаганларини эса сохта деб ҳисобладилар. Ана шунга суюниб, неопозитивистлар фалсафанинг муаммоларини синааб кўрилиши мумкин бўлмаган сохта муаммолар деб қарайдилар.

Верификация ёки синааб кўриш неопозитивизм нуқтаи назарида гапни тажриба (“ҳиссий маълумотлар, кузатишлар”)нинг айрим охирги актлари билан таққослашдан, ёхуд уни худди шу фактни қайд қиласидиган гап билан таққослашдан иборат. Шу тариқа гап сезги ёхуд сезгидан келиб чиқадиган гап билан таққосланади. Неопозитивизм шу тарзда ўз даврида инглиз файласуфлари Беркли ва Юм баён қилган субъектив идеалистик билиш назариясининг асосий фояси (“онгимиздаги фактлардан ёки бу фактлар ҳақидаги фикрлардан бошқа нарсани била олмаймиз ва билишимиз мумкин эмас”)ни қайта таъкидлайди.

Верификация принципи фанда реал қўлланиладиган синашнинг элементар принципидир. Агар “кўчада ёмғир ёғмоқда” деган гапни тушунишимиз керак бўлса, уни биз, кўчага қараб текшириб кўрамиз. Бу элементар усулни умумий принципга айлантириш нотўғри бўлади, чунки фаннинг кўпгина ҳақиқатини ҳиссий верификация йўли исботлаб бериш мумкин эмас.

30-йилларнинг ўрталарига келиб, **логик позитивистлар** ўзларининг таълимотини қайта кўриб чиқишига мажбур бўлдилар. Агар илгари улар фан тилининг мазмун томонига эътибор бермасдан фақат шаклан синтаксис қоидалари билан шуғулланиб келган бўлсалар, 30-йилларнинг охирига келиб логик позитивистлар ишларида кўпинча семантик проблемеларга, яъни сўз ва ифодаларнинг мазмунни муаммоларига эътибор бера бошладилар.

Семантик муаммолар логик А.Тарский ва прагматизмга яқинроқ бўлган америкалик позитивист У.Морриснинг ишларида яққол кўрина бошлади. Шундан бошлаб тилни таҳлил қилиш уч соҳага ажратилади. Тилнинг уни қўллаётганларга муносабати - прогматика; унинг ёрдамида таъбир қилинаётган нарса ўртасидаги муносабат — семантика; тил ифодалари ўртасидаги муносабат — синтаксис. Уч қисмдан иборат таълимот **семантика** номини олди.

Неопозитивистлар сўз ва белгиларнинг мазмунига эътибор беришга ўтиш билан ўзларининг таҳлил қилиш объектига катта илмий ва амалий аҳамиятга эга бўлган (масалан, электрон ҳисоблаш қурилмасини яратиш учун бир қатор логик, лингвистик, психологик) муаммоларни ки-

ритади. Семантика муаммоларнинг умумий заминида тил-нинг коммуникация шакллари ва аҳамиятини таҳлил қилишга турли томонлардан ёндошган ҳар хил мактаблар ва оқимлар учрашидилар. Карнап ва Тарский группаси математик логика масалалари билан боғланган символик ифодаларни тадқиқ қилишга қиришдилар. Ричард Огден тарафдорлари лингвистика билан боғлиқ ҳолда семантика муаммоларини ишлай бошладилар. Коржибский, С.Чейз ва бошқаларнинг “умумий семантика” деб номланган группаси ижтимоий муносабатларни “яхшилаш”, социал зиддиятларни “ҳал қилиш” учун тилни семантик таҳлил қилишдан фойдаланишга уриндилар. Сўнгги группа тарафдорларининг фикрига кўра, мазкур сўзни ифодалайдиган унга мос “референт” ёки ягона ҳиссий фактни топиш мумкин бўлган сўзларгина аҳамиятга эга бўлармиш. Бундан келиб чиқадики, мавҳум “капитализм”, “фашизм”, “агрессия”, “эксплуатация” каби кўпгина сўзлар ҳеч қандай мазмунга эга бўлмайди. Одамлар умумий тушунчалар реал мавжудлигини ўйлаб, ўзида доимий ташвиш, зиддият ва низолар манбанин яратадилар. Урушлар, сиёсий курашлар, турли тўқнашувларнинг сабаби сўзларни нотўғри қўллаш оқибати эмиш.

Прагматизм — юнонча “pragmatism” сўзидан олинган бўлиб амалиёт, практика деган маънони билдиради. Прагматизм ҳар хил идеалистик ва диний оқимларнинг қўшилишидан таркиб топган XX аср фалсафасидир. Унинг асосчиси **Чарлз Пирс** (1839—1914 й.й.), Прагматизмнинг иирик намоёндаларидан **Уильям Джемс** (1842—1920 й.й.), **Джон Дьюи**, **Уинн** ва бошқалар.

Мазкур фалсафий оқим айниқса АҚШда кенг тарқалган, чунки у ўзининг чиқиб келиши, қарашлари ва мақсадлари билан мазкур мамлакатда кенг тарқалаган тадбиркорларнинг яъни ўрта синфнинг мақсадларини ифодалайди.

Прагматизм пайдо бўлишиданоқ эски фалсафий қарашлардан воз кечиб инсон ҳаракати, фаолияти таҳлилига асосланган фалсафий тушунчаларни илгари суради. Инсон фаолияти унинг ҳаёти тарзини, яшаш шаклини ташкил этар экан, ана шу фаолиятни яхшилашнинг йўллари,

тезлаштириш воситалари борми?, деган саволга жавоб қидирадилар.

Анъанавий фалсафанинг билиш назариясини танқид қилиб, инсон фаолиятида билиш эмас, ишонч ва унинг мустақиллиги алоҳида ўрин тутади деган foяни илгари суради. Инсон билмасликдан билишга эмас, шубҳадан, ик-киланишдан ишончга қараб бориши керак.

Прагматизм таълимотида ҳақиқат муаммоси асосий ўрин эгаллади. Ҳақиқат, кишилар манфаатига хизмат қиласидиган, уларни муайян мақсадларга етакловчи, ундовчи тушунчадир. Бошқача айтганда, ҳақиқат муваффақиятга эришиш, кишилар мақсадининг амалга ошишидир. Ҳақиқатнинг мезонини, Дъюи фикрича, кишиларга унинг нафи, фойдаси қай даражада тегишлилиги ташкил этади.

Ернинг ҳосилдорлигини деҳқон кузда экинларни йиғишириб олган даромадга қараб аниқлайди, — дейди Дъюи.

Экзистенциализм (лотинча “existentia” — яшаш, мавжудлик сўзидан олингган) ёки “яшаш фалсафаси” — ҳозирги замон фалсафий таълимотларининг энг кўп тарқалгандаридан бири. Экзистенциализм фалсафа сифатида XX асрнинг 20-йилларида вужудга келган. Унинг асосий вакиллари Германияда **М.Хайдеггер**, **К.Ясперс**, Францияда **П.Марсель**, **Ш.Т.Сартрлардир**.

Экзистенциал муаммолар экзистенциалистлар учун фалсафий қарашларнинг барча соҳаларини ташкил қиласди, яъни инсоннинг яшашидан келиб чиқадиган муаммолар ҳисобланади. Индивиднинг яшаши, тугаши ва ўлими, ёхуд “яшаш усули”нинг барчасидаги ташвишлар ва ўлим олдидаги доимий қўрқув — мана шуларнинг ҳаммаси экзистенциалиатлар ҳаяжонлантирадиган масалаларидир. Экзистенциалист учун фақат ўзларининг хусусий яшаши ва унинг йўқлик ҳаракати аҳамиятлидир.

Экзистенциалистлар фалсафанинг предмети — борлик деб зълон қиласидилар. Лекин, улар фикрича, “борлиқ” тушунчаси аниқлаб бўлмайдиган нарса бўлиб, уни ҳеч қандай мантикий таҳлил қилиш мумкин эмас. Шундай экан борлиққа кириб бориш учун бошқача, гайри илмий, ирриационал йўлни излаш керак эмиш.

Нарсаларнинг борлиғи бутунлай англаб бўлмайдиган бўлса ҳам, экзистенциалистларнинг фикрича, борлиқнинг битта тури биз учун етарли дараҷада маълум: бу фақат ўзимизнинг мавжудлигимиздир. Лекин яшаш, улар фикрича қандайдир ички ва ифодаланмайдиган тушунчадир: яшашлик ҳеч қачон объектив ифодалаб бўлмайдиган нарса, чунки биз ўзимизга четдан қарашга қодир эмасмиз. Уни шунингдек, рационал билиш ҳам мумкин эмас, уни тушунишнинг бирдан-бир усули бевосита ички туйгуларимиз билан бошдан кечиришдан иборат.

Экзистенциализм — бу шундай фалсафаки унинг ягона предмети инсоннинг яшашлиги, аниқроғи яшашлик кечинмасидир.

Турли хил яшашликнинг борлиқ усуллари ичидан экзистенциалистлар яшашликни тўлароқ очиб берадиганларини излайдилар. Қўрқув яшашликни тўлароқ очиб берадиган усуллардан биридир. Даниялик С.Къеркегор изидан бориб, экзистенциалистлар қўрқувни барча яшашликнинг асосида ётадиган кечинмаси деб ҳисоблайдилар.

Қўрқувнинг билиш соҳасидаги аҳамияти, экзистенциалистлар кўрсатиб ўтишича шундан иборатки, у яхшиликнинг ўзининг поёнига, ниҳоясига рўпара қилиб қўяди, уни йўқлик ёки ҳеч нарса билан қарама-қарши қилиб таққослади. Ҳеч нарсага бўлган яшашлик муносабатида яшашликнинг ўзи ойдинлашади. Қўрқув шароитида дунё қавсга олингандай бўлади ва инсон ўзи билан танҳоликда, ўзининг мавжудлигига, ҳеч нарсага қарама-қарши қўйишликда қолади.

К.Ясперснинг тахминича, инсон яшашлиги “чегара ситуацияси”да ойдинлашади. Бу ўлим, азоб, уқубат, кураш, айборлик, диний жазава, маънавий ногиронлик ва ҳоказолар. Фақат мана шу моментларда инсон ҳақиқий бўлмаган, кундалик, оддий шароитларда яширинган ўзининг чинаккам яшагани ўз ихтиёри билан танлаб олади.

Албатта кишилар ҳаётида қайғу ҳам, касаллик ҳам, азоб ҳам бўлади, уларнинг борлигини инкор қилиши мумкин эмас. Аммо азоб, қўрқув ва ўлимни инсон яшашининг асоси ва негизи деб ҳисоблаш учун, ижтимоий ҳаётнинг

таназзулига юз тутган даври учун характерли бўлган ақлий кайфият бўлиши керак.

С.Къеркегорнинг фикрича, инсон яшашининг чекланганлигини ошкора этувчи қўрқувда инсон ўлимига, ҳеч нарсага, ўзининг муносабатини танлаш заруриятiga рўпара келади, ана шу танлаш имкониятига эга ўз навбатида эркинликни кўрсатади. Экзистенциалистлар инсоннинг эркинлиги унинг актив фаолиятида эмас, уни ўраб олган муҳитни қайта ўзгартиришда ҳам эмас, балки қўрқувда на-моён бўлади, деган бемаъни фикрни қабул қилиб олади-лар.

Экзистенциалистларнинг таъкидлашича, инсон ўзининг моҳиятини ўзи эркин танлайди, у ўзини ҳаётга қандай ҳозирласа, шундай бўлиб қолаверади. Инсон — бу қандайдир тугалланмаган нарса, бу доимий имконият, ният, лойиҳа. У келажакка интилади ва ўзини олдиндан узлуксиз режалаб боради, ўз-ўзининг чегарасидан чиқади. У ихтиёрий тарзда — “ўзини танлайди” ва ўзини танлашга тўла масъулият ҳис қиласди.

Барча экзистенциалистлар эркинликка алоҳида таянади, чунки улар эркинлик фақат инсонга хос бўлибгина қолмасдан, балки унинг яшашлигини ташкил қиласди. Улар — инсон эркинлик деб таъкидламоқдалар. Мана шу асосда экзистенциалистлар ўзларининг эркинлик ҳақидаги таълимотига ўз фалсафасининг гуманистик ҳарактерини ифодаловчи, инсонни улуғловчи таълимот сифатида кўрсатмоқчи бўладилар.

Бироқ улар эркинлик индивидининг фақат ички ҳола-ти, кайфияти, кечинмаси, деб тушунадилар. Заруриятга қарама-қарши қўлланган ва жамиятдан холи бўлган бундай эркинлик ҳар қандай мазмунини ва аҳамиятини йўқотиб, қуруқ расмий принципга, тутуриқсиз сўзламоққа айланади.

Экзистенциалистлар инсон эркин бўлса ҳам бу эркинлик танлаш жараёни юз берадиган муайян шароит билан чекланган деб ҳисоблайдилар. Уларча, инсон ўзининг ҳаёти шароитини ўзи таъминлайди. Ташки олам инсондан ташқари мавжуд бўлган қандайдир нарса эмас, балки инсон

яшашлиги ва у билан узвий боғлиқ бўлган, унинг муҳити, унинг ташвишлари дунёси, деб тасаввур қилинади.

Экзистенциалистлар фикрича, ўлим даҳшатидан қўрқ-кан инсон ўзича жамиятдан жой излайди. Унга аралашиб кетиб, у одамларнинг умуман ўлишилиги билан ўзига-ўзи далда беради ва бу билан ўзининг ўлими ҳақидаги фикрини ҳайдайди. Лекин жамиятдаги индивиднинг ҳаётини ҳақиқий эмас: бу инсоннинг фақат юзаки, ташки, кундаклик яшашлиги. Унинг ҳақиқийлиги танҳо мавжудликда яширган, бу фақат индивидуал озчиликка маълум.

Экзистенциализм фалсафада қайта-қайта битта мотив такрорланади; инсон ўлиш учун яшайди; М.Хайдеггер учун ўлим бу инсоннинг сўнгги имконияти; Ж.Сартр учун барча имкониятларнинг охири, барча экзистенциалистлар учун юқори трансцендент реаллик — бу ўлим.

Экзистенциалистлар ўлимни инсон яшашининг мақсади, моҳиятига айлантириб, мазмунсиз ҳаёт ҳақида хулоса келтириб чиқаради; ижтимоий ҳаётни ва инсон фаолиятини йўқقا чиқаради.

Ҳозирги замон диний фалсафасининг энг кўп тарқалган мактабларидан бири **неотомизм** бўлиб, у ўрта асрда яшаган Фома Аквинский таълимотининг тикланишидадир. Неотомизм католик черкови маркази Ватиканнинг расмий фалсафасидир. Унинг кўзга кўринган вакиллари **Ж.Маритен, Э.Жельсон, Г.Манзер** ва бошқалар ҳисобланади.

Неотомизм фалсафасининг асосий фояси шундан иборатки, уларча дин, эътиқод ва билим ўртасида тўла гармония мавжуд, худо томонидан берилган икки ҳақиқат манбаи сифатида улар бир-бирини инкор этмайди, балки бир-бирини тўлдиради. Неотомистлар билим бўлмаган жойдагина эътиқод керак деб тан олади, уларни кўр-кўронга иррационал эътиқод қониқтирмайди. Улар эътиқод оқилона бўлиши ва мантиқий асосга суюниши керак, деган қатъий фикрда турадилар. Ҳақиқий эътиқоднинг манбаи улар фикрига кўра, муқаддас китобга ўхшаган илоҳий қурдатдир. Унинг мазмуни гайри табиий ва теология соҳасига тўла таалуқли бўлади. Инсон “муқаддас китоблар”да ёзилган нарсаларга ишониши учун у худонинг борлигига шак

келтиргаган ва унга эътиқод қўйган бўлиши керак. Худонинг мавжудлигини исботлаш — бу фалсафанинг иши ва буни у соғ мантиқий воситалар билан етказиши лозим.

Ҳозирги замон томистлари Фома Аквинский томонидан киритилган худо борлигининг барча “далиллари”ни қабул қиласидилар, шу билан бирга, дунё худо иштирок этишининг янги “гувоҳларини” излайди, бунинг учун у ёки бу муаммоларни ечишда фан олдида турган қийинчиликлардан фойдаланадилар. Худо мавжудлиги ва дунёning яратилишини асослаш учун “коинотнинг иссиқлика” халок бўлиш назарияси”, коинотнинг “бениҳоялиги” ҳақидаги гипотеза, ҳаёт ва психикани тушунтиришнинг мураккаблиги ва ҳоказолар қўлланилади.

Неотомистлар таълимотига моддийлик ва маънавийлик дуализими характерлидир, аммо бу ўринда ҳар доим моддийлик маънавийликка бўйсунган бўлиши керак. Неотомистларнинг асосий усули шундан иборатки, ягона объектив моддий дунёning турли хил қарама-қарши томонлари хилма-хил дунёга таалуқли бўлади ва пировардида улар худонинг аралашиши билан тушунтирилади. Улар абадийлик ва беноҳоялик атрибутиларини худога, ниҳоялик ва вақтинчаликни эса дунёга боғлайдилар.

Неотомистлар дунёни ўзгарувчанликда ва нисбий доимийликда, ҳаракат ва структурада қўрадилар. Бироқ, шу билан бирга, бу қарама-қаршиликлар ягона моддий дунёда қандай муносабатда бўлишилигини таҳлил қилишда ҳаракатни, нарсаларнинг моддийлигини ўткинчи ниҳояли нарсаларга, суқунат, турғунликни эса худога тиркаб қўядилар. Бу билан неотомистлар ҳаракатини ўзидан келиб чиққан ҳолда тушунтириш мумкин эмас, балки уни тушунтириш учун ҳаракат манбаи бўлган худо тушунчасини киритмоқ лозим, деб тасдиқлайдилар.

Ҳозирги замон томистлари иррациализмни инкор қиласидилар ва ақлнинг афзалликларини тан оладилар. Аммо томистлар “рационализм”и сохта рационализм бўлиб, инсоний ақл фан олдидағи файри ақлий ҳақиқат очилишига қаратилган бўлади. Ақлни, эътиқодни ҳимоя қилишга мажбур қилиб, неотомистлар билимлар манбаи бўлган фалсафани йўққа чиқарадилар.

Неотомизмнинг социал-сиёсий таълимоти хусусий мулкчиликнинг адабийлиги ва жамиятнинг синфларга бўлинишини “табиий” деб тан олишга асосланади.

Неотомистлар жамиятдаги зиддиятлар айрим кишиларнинг гуноҳи, диний оявларни эсдан чиқариш, христиан ақидала-рига риоя қилмасликнинг оқибати деб эълон қиласидар.

ХХ аср фалсафасининг оқимларидан бирини **Феноменология** ташкил этади. Мазкур оқимнинг асосчиси **Гуссерель** (1859—1939 й.й.) ҳисобланади. Унинг издошлари М.Шелер, Н.Гартман, М.Хайдеггер ва бошқалар. Гуссерель ўзининг “Мантиқий изланишлар” номли икки жилдан иборат бўлган асарида феноменология фалсафасининг предметини борлиқ ва реал онг эмас, балки, “соф онг” ташкил этади, деган гояни илгари суради. Унинг ёзишича, феноменология ҳар хил кечинмалар орқали намоён бўладиган “соф онг” ҳақидаги таълимот. “Соф онг”нинг кечинмалари, изтироблари, тушунчалари, феноменлар ҳақиқатни билишга олиб борадиган ягона йўлдир. “Соф онг” ўзининг тушунчалари, феноменлари ёрдамида обьект билан субъектни ўзаро боғлаб турувчи воситадир.

Юқорида айтилганлардан кўриниб турганидек, Гуссерель билиш назариясининг предметини феноменлар оқими ташкил этади.

Феноменлар унинг фикрича, қуйидаги тўртта қатламлардан ташкил топади. 1. Нутқ, ёзув маъносини ифодалаш учун ишлатиладиган тил шакллари; 2. Билишга интилаётган субъектнинг руҳий кечинмалари, изтироблари; 3. Билиш жараёнидан намоён бўладиган кечинмалар, изтиробларнинг асл маъноси; 4. Ана шулар орқали ифодаланадиган “нарса”

Мазкур қатламлар ёрдамида фалсафа “соф онг” моҳијатини билишга эришади.

Гуссерельнинг феноменологияси Платон томонидан ривожлантирилган “гоялар дунёси” ҳақидаги таълимотининг ўзига хос кўринишидир холос.

Гуссерель фаннинг ривожланиши, инқирозига тушиш масалалари ҳақида ҳам бир қатор гояларни илгари сурган.

Юқорида айтилганлардан кўриниб турибдики, ХХ аср олимлари фалсафа фанининг мавхум масалалари билан

чегараланиб қолмасдан фан-техника тараққиёти, бозор муносабатлари шароитида юзага келган ҳаёттый муаммолар, яъни инсон мөҳияти, унинг ички имкониятлари, изтироблари, кечинмалари, қизиқишиллари, яшаши, ўлими, онг ва онгсизлик, ақл ва эътиқод, уларнинг ўзаро алоқадорлиги каби масалалар устида фикр-мулоҳазалар юритмоқдалар. Бу эса фалсафа фани ўтмишда ҳам ҳозирги вақтда ҳам воқеаликда содир бўлаётган жараёнлари чуқур ва атрофлича акс эттиришда кудратли маънавий куч вазифасини бажариб келаётганлигидан далолат беради.

Такрорлаш учун саволлар

1. Ўрта аср давридаги номинализм ва реализм оқимларининг таълимотлари ҳақида сўзланг.
2. Ўйғониш давридаги фан тараққиёти ҳақида нималар дея оласиз?
3. XVII аср Фарбий Европа фалсафаси ҳақида баён этинг.
4. XVIII аср француз файласуфларининг қарашлари ҳақида сўзланг.
5. Немис классик фалсафасининг йирик намоёндалари кимлар? Уларнинг фалсафий ғоялари нималардан иборат?
6. XX аср фалсафаси, унинг оқимлари, хусусиятлари ҳақида сўзлаб беринг.

Таянч тушунчалар

Номинализм — умумий тушунчаларни фақат айрим нарсаларнинг номлари деб ҳисобловчи ўрта аср фалсафасининг бир йўналиши.

Реализм — умумий тушунчалар аниқ мавжудликни ташкил этади, нарсалар уларнинг ифодаланиш шаклидир, деб ҳисобловчи йўналиш.

Метафизика — XVII асрда шаклланиб нарса ва ҳодисаларни бир-биридан ажратиб ҳаракатсиз, қотиб қолган ҳолда таҳлил этувчи усул.

Идеализм — руҳий, номоддий нарсаларни бирламчи деб ҳисобловчи фалсафий оқим.

Материализм — моддий нарса бирламчи деб ҳисобловчи фалсафий оқим

Солипсизм — фақат инсон ва унинг онги мавжуддир деган ғояни илгари сурадиган оқим.

Утилитаризм — фойдаликни ақл-одоб мезони деб ҳисоблайдиган йўналиш

Психоанализ — XX аср руҳий таҳлил фалсафаси.

Позитивизм — фан ижобий билимлар билан шуғулланиш керак деган ғояни илгари сурадиган оқим.

Верификация — ҳиссий маълумотлар асосида синаб кўриш, кузатиш